

გიორგი ბელაძე

ირანის
შპანასკნელი
შაჰი

თბილისი

2009

UDC (უბკ) 929.731(55)+94(55)
გ - 297

© გიორგი გელაძე, 2009

ISBN 978-9941-0-1112-2

სარჩევი

შესავალი	5
პიროვნული პორტრეტი	7
პოლიტიზებული ნაგებობი და მოსადეყის ფერომენი	16
რეგიონული პოლიტიკა	28
შაპის ტახტი და საზურგე	38
საშინაო პოლიტიკა 60-70 წწ.	45
შაპისა და სამღვდულოების ურთიერთობა	56
დასასრულის დასაწყისი	68
გამოსაულის ძიებაში	79
ექსპერიმენტი სამხედროების მონაწილეობით	88
ბოლო პოლიტიკური მანევრი	98
ეპილოგი	108

ისტორია მარადიულობის ადვოკატია.

ისტორია ადამიანთა სიმტკიცის თუ გაჭირვების პირუთ-
უნელი ჟამთააღმწერელია.

წარსულის ცოდნა ჩვენ ყოველთვის ხელს გვიწყობს აწ-
მყოს უკეთ აღქმაში და მომავლის განჭვრეტაში.

სწორედ ეს გარემოება 'ირანის უკანასკნელი შაჰის' დაწე-
რის ერთ-ერთი ძირითადი მიზეზი გახდა. იმის გარდა,
რომ ირანის მიმართ ჩემი ბუნებრივი ინტერესი მრავალსა-
უკუნოვან ქართულ-სპარსულ ურთიერთობებს უკავშირდებ-
ოდა, სამი ათწლეულის განმავლობაში ამ ქვეყანაში მიმდო-
ნარე მოვლენებისადმი ყურადღებას მსოფლიოს მედიაც
იჩენდა – ანტიმონარქიული სახალხო გამოსვლები, პოს-
ტრევოლუციური რყევები, ერაყთან რვაწლიანი გამაჩიარ-
ებელი ომი თუ სახელისუფლო ცენტრებს შორის მძაფ-
რი დაპირისპირება რეგიონის გარეთ ფართოდ შუქდებო-
და. ამჟამად ყველაზე აქტუალურ საკითხად ირანის ბირ-
თეული პროგრამა გადაიქცა, თუმცა წიგნში აღწერილი
ამბები მონარქიის პერიოდს და კერძოდ მუჰამედ რეზა
ფაჰლავის ზეობას მოიცავს.

დამოუკიდებლობის მოპოვების შემდეგ ბევრი ქვეყანა ისე-
თი პრობლემების წინაშე აღმოჩნდა, როდესაც მტკივნეუ-
ლი რეფორმები ამა თუ იმ ფორმით ეროვნული ან რელი-
გიური თვითმყოფადობის მგრძნობიარე თემას ეხებოდა.
გავრცელებული სტერეოტიპის თანახმად, მოდერნიზაცია
ავტომატურად ვესტერნიზაციას ნიშნავს, ანუ შუა აღმო-
საველეთშიც ირანელმა, პაკისტანელმა ან ავღანელმა მა-
ტერიალური კეთილდღეობის სანაცვლოდ ტრადიციული
წეს-ჩვეულებები დასაველური ღირებულებებით უნდა შეც-
ვალოს, ჯინსის შარვალი ჩაიცვას და მეჩეთის მაგიერ
ლუდხანას მიაშუროს. შაჰის მმართველობის დროს ირან-
მა შთამბეჭდავი სოციალურ-ეკონომიკური პროგრესი გა-

ნიცადა, საერთაშორისო არენაზეც შაჰმა საქვეყნო აღიარებას და თავბრუდამხვევ დიდებას მიაღწია, მაგრამ საკუთარ ხალხთან ურთიერთობის დარეგულირება მან ვერ შესძლო. მისი უუნარობა, ჩასწვდომოდა ირანელების მისწრაფებებს და მათი მემბოხე პოტენციალის მასშტაბს, საბედისწერო აღმოჩნდა. წიგნში მოყვანილი ფაქტები იძლევა იმ მიზეზების გარკვევის მცდელობას, რომელმაც რევოლუციაში გადაზრდილი მწვავე პროტესტი გამოიწვია და შედეგად რეგიონის კლასიკური ტიპის ავტოკრატიულ მმართველობას ბოლო მოუღო.

ფაქტების მაგალითი გაკვეთილია განვითარებადი ქვეყნების ხელმძღვანელებისთვის: როდესაც მეთაური თავის ძალაუფლებას ხალხზე მაღლა დააყენებს, მან შესაძლოა ერთიც დაკარგოს და მეორეც.

მისი იმპერიული ბრწყინვალება შაჰინშაჰი მუჰამედ რეზა ფაჰლავი საკუთარ თავს სპარსეთის იმპერიის დამაარსებელს დიდ ქურუმს (კიროს) მეფეს ადარებდა და წარსული დიდების აღდგენაზე ოცნებობდა. ირანის სახელმწიფო სამ საკვანძო პრინციპზე უნდა დაფუძნებულიყო: ღმერთი, შაჰი და სამშობლო. ამ სამეულში ღმერთის გვერდით შაჰი შემთხვევით არ აღმოჩნდა. მონარქს, როგორც ღვთის მიერ კურთხეულ პიროვნებას, დედამიწაზე უზენაესის მითითებები უნდა შეესრულებინა. ამდენად, ხელისუფლება უბრალო მოკვდავებისათვის მხოლოდ მოწიწების და პატივისცემის ობიექტი უნდა ყოფილიყო. ამ კავშირის თეოლოგიური დასაბუთების გარდა, ფაჰლავები სპარსელი კლასიკოსი პოეტების შედევრებსაც იმოწმებდნენ. ფირდოუსის 'მეფეთა წიგნს' ანუ 'შაჰნამეს' ამ მხრივ გამორჩეული ადგილი ეკავა. მე-11 საუკუნეში შექმნილ პოემაში მეფე სპარსელთა სიამაყისა და თვითყოფადობის სიმბოლოდ განიხილება. მხოლოდ შაჰის ინსტიტუტთან არის დაკავშირებული ქვეყნის ბრწყინვალება, სეე-ბედი და უკუდავება. 'შაჰნამეზე' დაყრდნობით ცხრა საუკუნის შემდეგ მუჰამედ რეზა ფაჰლავი შემდეგ აზრს გამოთქვამდა:

'უცხოელი ვერ გაიგებს ირანისთვის მონარქიის მნიშვნელობას. ეს ჩვენი ცხოვრების გზა არის, რომლის გარეშე ჩვენ როგორც ქვეყანა ვერ ვიარსებებთ'.

სწორედ დიად წარსულთან განუყოფელი კავშირის გამო ატარებდა შაჰი ფაჰლავის გვარს, რომელიც პართიის სპარსულ სამეფოსთან და ძველსპარსულ ენასთან ასოცირდებოდა. ნებისმიერ შემთხვევაში ყველას უნდა სცოდნოდა, რომ ფაჰლავი ღმერთთან ხუთი წლის ასაკიდან მუდმივად კონტაქტში მყოფი, მისგან დალოცვილი და დამოძღვრილი ადამიანი იყო:

'ჩემთან არის სხვებისათვის უხილავი მისტიური ძალა, რომლისგანაც გზავნილებს ვიღებ.. ბევრს ამის არ სჯერა, მაშინვესაც კი არ სჯეროდა'.

მამა-ფაჰლავის მართლაც დიდად არც მისტიციზმის სჯეროდა და არც შამანობის. მაზანდარანის თიხით ნაშენებ სახლში დაბადებული გლეხის შვილი ფორტუნამ სპარსეთის შაჰად და უზარმაზარი დოვლათის პატრონად აქცია, მაგრამ მდიდრულ სამეფო სასახლეშიც მას პირდაპირ იატაკზე ეძინა. სტანდარტული გაგებით რეზა გაუნათლებელი კაცი იყო, დაბადებით თანდაყოლილი შინაგანი ინტელექტით კი უამრავ ნასწავლს

სჯობდა. მისი სიხისტე და სიფიცხე ლეგენდარულ მასშტაბებს აღწევდა. როდესაც აცნობეს, რომ რელიგიურ ქალაქ ყუშში სასულიერო პირმა ის აუგად მოიხსენია, იქ თავად ჩავიდა, მოლა მოძებნა და ჯოხით სამაგალითოდ სცემა. ასევე პირადად ფიზიკურად გაესწორდა რეზა იმ ახუნდებს, რომლებმაც ის დაგმეს ყუშში მღებარე ფატიმას მეჩეთში ფეხსაცმლის გაუხდელად შესვლის გამო. სხვაგან მან მეტი რკინისკაცობა გამოავლინა. მეშვედში სახელისუფლო პოლიტიკის მიმართ უკმაყოფილო ღვთისმსახურებს საარტილერიო ჭურვებით დაერია და მეჩეთი მინარეთიანად მიწასთან გაასწორა¹. თავისი მმართველობის პერიოდში შაჰმა სხვა საზოგადოებრივ ფენასთან შედარებით ყველაზე მეტად სამღვდლოება დააზარალა: მიწები ჩამოართვა, უფლებები წაართვა, გავლენა შეუკვეცა. თუმცა თავად რეზა ღრმად მორწმუნე იყო, მისი მემკვიდრის აზრით, ზედმეტად მორწმუნეც კი:

‘ღმერთზე ისე ფიქრობდა, თითქოს სანათობო ჭაბურღილის მთავარი ინჟინერიც ის ყოფილიყო’².

მუჰამედ რეზას ალბათ კიდევ დიდხანს მოუწევდა მამის ჩრდილქვეშ თავისი ყმაწვილკაცური ცხოვრებით ტკობა. მაგრამ მსოფლიო ომმა უდარდელი პრინცი ნაადრევად აქცია უცხოელთა მორჩილებაში მყოფ გვირგვინოსნად. მათგან უცერემონიოდ გაძევებული მამა მუჰამედ რეზამ უკვე ევრასოდეს ნახა. თავდაპირველად გარემოცვაში ახალგაზრდა შაჰი არცკი ტოვებდა ძალაუფლების მოყვარული პიროვნების შთაბეჭდილებას. მეგობართა წრეში ნაღვლიანად ის საზოგადოებრივ სფეროში ისეთ სამსახურზე ოცნებობდა, რომელიც გადაწყვეტილების მიღების ტვირთისგან გაათავისუფლებდა, ხოლო ფუფუნს მხოლოდ თავისი სპორტული გატაცებების დასაკმაყოფილებლად დახარჯავდა. სამაგალითო ათლეტური მონაცემების მქონე მუჰამედ რეზა შესანიშნავი მოთხილაშურე იყო. რამდენადაც ირანში შესაბამისი ინფრასტრუქტურა განვითარებული არ იყო, მან შეეცადარის სამთო კურორტ სენტ-მორტიზში მამული შეიძინა. იქვე თავლა მოაშენებინა, სადაც დიდი რაოდენობით ცხენები კჳავდა. ჯირითობაც ფაჰლავის დიდი გატაცება იყო ისევე, როგორც სპორტული მანქანების სწრაფი მართვა³. ფარაჰ დიბას გაცნობის შემდეგ წყვილი მანქანით გასასეირნებლად ქალაქბარეთ გადიოდა, იქ კი პირადი დაცვის სამსახურის თანამშრომლებს დიდი ჯაფა ადგათ, რათა შაჰის მანქანას ძალიან არ ჩამორჩენილიყვნენ.

ფაქტების ყველაზე გამორჩეულ სიამოვნებას თვითმფრინავის მართვა ანიჭებდა. ამა თუ იმ ადგილს წრიულად შემოუვლიდა ხოლმე, თვალწარმტაცი ხედებით ტკებოდა ან ასაშენებელ კომპლექსებს ჰაერიდან დაჟუჟებდა. ერთხანს ადგილობრივ წინოსნებს აშინებდა 'ციდან მოფრენილი' მონარქის უეცარი გამოჩენის პერსპექტივა, თუმცა ეს გატაცება უფრო დროის სასიამოვნოდ გატარებასთან იყო დაკავშირებული, ვიდრე სამსახურეობრივი მოვალეობის შესრულებასთან. თვითმფრინავისადმი ლტოლვა შაქს ცხოვრების ბოლომდე გაჰყვა, თუმცა ახალგაზრდობის დროინდელი კომფორტული ოთხადგილიანი მორანსოლნიეს ნაცელად საბოლოო გაფრენა 59 წლის ასაკში მან ბოინგით განახორციელა.

ამ მოგზაურობის დროს შაქს თანამეცხედრე ფარაჰი ახლდა. დედოფალი წარჩინებული ოჯახიდან იყო, რომლის წევრები განათლებას საზღვარგარეთ იღებდნენ. ბაბუა თბილისში სპარსეთის კონსულის თანამდებობაზე მუშაობდა, მამა სანკტ-პეტერბურგში სწავლობდა, ხოლო ფარაჰი საფრანგეთში არქიტექტურის სფეროში იღრმავებდა ცოდნას. მათი პირველი შეხვედრა სწორედ პარიზში შაქის ვიზიტის დროს საელჩოში გამართულ მიღებაზე მოხდა. მუჰამედ რეზა უკვე ორგზის განქორწინებული იყო. პირველი ქორწინება ეგვიპტის მეფის ფუად I-ის ქალიშვილ ფაუზიასთან ხანმოკლე აღმოჩნდა. მეორე მეუღლე შეიდი წლის მანძილზე სორაია ესფანდიარი ბახთიარი იყო, რომელთან განშორების მიზეზად ტახტის მემკვიდრის არყოლა დასახელდა. მომდევნო წელს შაქმა უკვე ფარაჰზე იქორწინა, რომლისგანაც ოთხი შვილი შეეძინა.

ფარაჰმა სახელი გაითქვა როგორც მოაზროვნემ, სხედასხვა სოციალურ პროექტებზე მზრუნველმა და კულტურის მოამაგემ. მკაცრი აბსოლუტური მონარქიის პირობებში ის ლიბერალური ფასეულობების მომხრე მოჩანდა, რაც რეჟიმის კონსერვატიულ ელემენტებს აღიზიანებდა, ხოლო ინტელიგენციას თუ სტუდენტობას ცელილებების იმედს უღვივებდა. ფარაჰი მხოლოდ შაქის მეუღლე არ იყო. მან სპარსეთის მონარქიული ტრადიციის საწინააღმდეგოდ შაქის გარდაცვალების შემთხვევაში კონსტიტუციურად მიიღო ქვეყნის მართვის უფლება მანამ, ვიდრე უფლისწული ზრდასრულ ასაკს მიაღწევდა. ამასთან, მეფის კორონაციის ცერემონიაზე დედოფლის კურთხევაც მოხდა. წინამორბედი დედოფლებისგან განსხვავებით, რომლებიც არაბულენოვან მაღაქეს ტიტულს ატარებდნენ, ფარაჰს სპარსული ტიტული შაჰბანუ მიენიჭა. ფარაჰი მოგვიანებით მართლაც აქ

ტიურად მონაწილეობდა ქვეყნის მართვა-გამგებლობაში. უფროს ეაჟ რეზასთან ერთად კვირაში რამდენჯერმე პრემიერ-მინისტრს ხვდებოდა, ცალკეულ ვეზირებს იღებდა, აგრეთვე, ჯარის სახეობათა სარდლებს, უწყებათა ხელმძღვანელებს, მეჯლისის წევრებს ეთათბირებოდა⁶.

თუმცა, როგორც აღმოჩნდა, მუჰამედ რეზა ერთობ მწყრალოდ უყურებდა ქალი-ხელმწიფის მოდელს:

‘როცა ძალაუფლება ქალს უპყრია, მამაკაცთან შედარებით ის განუზომლად სასტიკი და სისხლისმსმელია’⁷.

შაჰი, რომელიც გამორჩეულად ამაყობდა ქალთა ემანსიპაციისკენ მიმართული თავისი გადაწყვეტილებებით, ამავდროულად, ხაზს უსვამდა მამაკაცის უდავო უპირატესობას არა მხოლოდ სამეფოს მართვის საქმეებში, არამედ ზოგადად ცხოვრებაში. ის საცინლად იგდებდა სქესთა შორის თანასწორობისათვის მებრძოლ ფემინისტურ მოძრაობას, აღიარებდა მამაკაცის ცხოვრებაში ქალის მნიშვნელოვან როლს მხოლოდ მისი სილამაზისა და სათნოობის შემთხვევაში და ‘სარკაზმით საუბრობდა ქალის შემოქმედებით პოტენციალზე:

‘თქვენ არასოდეს გყოლიათ მიქელანჯელო ან ბახი, ისტორიას არ ახსოვს თუნდაც გამოჩენილი ქალი-მზარეული, თქვენ არაფერი შეგიქმნიათ’⁸.

ამ და სხვა მოურიდებელი სენტენციების მიღმა შაჰი მყარად სარგებლობდა მექალთანის რეპუტაციით. ვინაიდან ის არაფრით ჩამოუვარდებოდა ავღანელ მეფე ზაჰირს, რომლისთვისაც ქაბულის ქუჩებში და ინსტიტუტების სიახლოვეს მზეთუნახავებს შავი ფერის საარაკო კადილაკით ეძებდნენ, ფაქლავი თავის რჩეულებს ნიავარანის სასახლის გვერდითი ჭიშკრიდან იღებდა და უკან ლაბრადორის ლეკვით დასაჩუქრებულებს უშვებდა⁹. მას ძალიან ახარებდა ფავორიტი ქალებისგან პირადი ბარათების მიღება, მაგრამ მათ არასოდეს პასუხობდა. ჩვევებს შაჰმა არც დევნილობაში სასიკედილოდ ავადმყოფმა უღალატა. როცა პანამაში ზედამხედველობის ქვეშ მყოფი ფაქლავი მცირე ხნით გაუჩინარდა, მისი გარემოცვა დედოფალ ფარაჰის ჩათვლით პოლიტიკური გატაცების ქანიკურმა შიშმა მოიცვა. თუმცა აღმოჩნდა, რომ ის არა ზომეუნიის მომხრეთა ჯგუფმა, არამედ მხოლოდ გართობის სურვილმა გაიტაცა¹⁰. იმის მიუხედავად, რომ მამის ბოლო სიტყვები – ‘შვილო, ძლიერი იყავი და ნურაფრის გეშინია’¹¹ – მუჰამედ რეზას სამუდამოდ დაამახსოვრდა, სუსტი სქესის მიმართ თავადაც სუსტი აღმოჩნდა: ქალებს

ბოროტებად მიიჩნეოდა და ამ ბოროტებისადმი ლტოლვა საკუთარ თავში ვერ დასძლია¹².

პირად ცხოვრებაში შაჰი ნაღელიანი კაცის შთაბეჭდილებას ტოვებდა. პირველი შეხვედრის დროს თვით ფარაჰმაც შენიშნა მისი მოწყენილი თვალები. ზოგიერთ პიროვნებას მასზე ემოციებისგან თავისუფალი ადამიანის წარმოდგენაც კი ექმნებოდა. არც ტახტის მემკვიდრეს ანებიერებდა სითბოთი ან ყურადღებით. პრემიერ ალამის თქმით, კუნძულ ქიშზე მდებარე რეზიდენციაში ორი კვირის მანძილზე მამა-შვილმა ერთად მხოლოდ ნახევარი საათი გაატარა.

ჟურნალისტებთან პირისპირ ჯდომისას შაჰი კეთილგანწყობილი და უშუალო იყო, ხანდახან უხერხულად იღიმებოდა, ნელა ლაპარაკობდა, თითქოს საჭირო სიტყვებს ეძებდა. წინასწარ დაზეპირებული გამოთქმები არ ახასიათებდა. თამამი რეპორტიორები სიტყვასაც კი აწყვეტინებდნენ და მის ფრაზებში ჩაძიებას ცდილობდნენ. ინგლისურ ენაზე თარჯიმნის გარეშე თავისუფლად საუბრობდა, თუმცა საგრძნობი აქცენტი ჰქონდა. კურიოზებიც ახლდა. მაგალითად, ერთ-ერთ საერთაშორისო ორგანიზაციას ქმედითუუნარო (იმპოტენტი) უწოდა, რაზეც მოსაუბრემ უმაღლ დაუდასტურა, - მართალს ბრძანებთ, ის ნამდვილად მნიშვნელოვანი (იმპორტანტი) ორგანიზაციააო¹³. იმ დროს, როცა თავის დაქვემდებარებულებთან მკაცრი იყო და სამეფო კარის პროტოკოლის ნორმების საფუძველზე ურთიერთობდა, ჟურნალისტებისგან წინასწარ შედგენილი კითხვების წერილობით წარდგენას ან ტექსტის შემდგომ გაცნობას არ ითხოვდა.

მას უყვარდა წიგნების კითხვა. ბოლოს, როცა ნაუცბათევად დატოვებული სასახლე ჟურნალისტებმა მოინახულეს, მისი ლიტერატურული გემოვნებაც ცნობილი გახდა. თავისუფალ დროს ფაჰლავი ეტყობა ვოლტერის, ფლობერის, შექსპირისა და პლუტარქეს ნაშრომებს ეცნობოდა, პოლიტიკური მოღვაწეებიდან კი გებელსით, ჩერჩილით, განდიტ და დე გოლით ინტერესდებოდა. თუმცა მას განსაკუთრებით საკუთარ თავზე დაწერილი პანეგირიკული სტილის წიგნების და სტატიების კითხვა ხიბლავდა. საზღვარგარეთ თავის რეპუტაციაზე ზრუნავდა და ამერიკულ და ბრიტანულ პრესაში ხშირად მისი ადმინისტრაციისგან მოსყიდული ავტორების მიერ დაწერილ ნაწარმოებებს რეგულარულად ეცნობოდა. სხვადასხვა გამოფენებზე ორგანიზებულ სამეფო დინასტიის ფოტოალბომებსაც დიდხანს ათვალიერებდა ხოლმე. ასევე დიდ სიამოვნებას ანიჭებდა საზეიმო ცერემონიალზე საკუთარი ძეგლისთვის ფარდის ახდა.

რეგიონის სხვა ქვეყნების მსგავსად, ირანიც თავისი მმართველის ძეგლებით და პორტრეტებით იყო მოწყვნილი. ყველგან, დიდი თუ მცირე ზომის ქალაქში ქუჩა, სკვერი, მოედანი, სკოლა, საავადმყოფო თუ ხიდი მის სახელს ატარებდა. კინოთეატრებში ფილმების დაწყების წინ იმპერიული ჰიმნის თანხლებით შაჰის შესახებ კადრების ჩვენება ხდებოდა. პიროვნების კულტის დანერგვა აღმოსავლური ელემენტების შერევით მიმდინარეობდა. რაზდენადაც პროვინციებში ბეურგან გრუნტოვანი გზა იყო, ხოლო შაჰისადმი მადლიერების გამოხატვა ფეხსაცმელზე კოცნით გამოიხატებოდა, ირანელებს პირდაპირი მნიშვნელობით საკუთარი ტუჩებით უხდებოდათ ფაქლავის ფეხსაცმლიდან მტერის მოწმენდა.

ადგილობრივი მლიქვნელი ჩინოსნების ფანტაზია ზოგჯერ უსაზღვრო იყო. ერთი პროვინციის ხელმძღვანელმა მიზანშეუწონლად მიიჩნია სოფელში ახლადაშენებული საზოგადოებრივი აბანოსთვის შაჰის სახელის დარქმევა და თვით ღედოფლისგან თანხმობის მიღების შემდეგ სხვა სახელის მინიჭების განკარგულება გასცა. მეორე მოხელემ ეს ფაქტი შაჰისადმი გამოვლენილი უპატივცემულობით ახსნა, სასივარო დაწერა და გუბერნატორის პიროვნებით უშიშროების სამსახური დააინტერესა¹⁴.

ქუჩებში, შენობის ფასადებიდან და ცხადია თავად შენობების კაბინეტებიდან ფაქლავი იმზირებოდა. თუმცა მხოლოდ მზერა საკმარისი არ იყო. შაჰი ხშირად მიმართავდა თანამემამულეებს, მაგრამ მის აზრებს, მის გეგმებს, მის ცხოვრებისეულ ფილოსოფიას ხალხი წიგნების სახით უნდა გასცნობოდა. პირველ წიგნს, რომელიც ამაყდროულად უცხოელთათვის საზღვარგარეთ გამოიცა, 'ჩემი ქვეყნის სამსახურში' დაერქვა. მასში საკმაოდ ადგილი უკავია საუბარს მონარქიის არსზე, ახსნილია წინა ათწლეულებში მოპოვებული გამარჯვებებისა და განცდილი მარცხის მიზეზები, ლაიტმოტივად კი ხალხისა და შაჰის ურყევი კავშირის იდეა გასდევს. ერთპიროვნული მმართველობის გაძლიერებისა და ქვეყნის განვითარების ახალი პერსპექტივის გაჩენასთან ერთად ფაქლავიმ მეორე წიგნი გამოაქვეყნა. მისი 'დიადი ცივილიზაციისკენ' სწორედ ირანის სწრაფ მოდერნიზაციას და წაყვანი ქვეყნების კოპორტაში შესვლას გულისხმობდა.

შაჰი ამ პერიოდისთვის უკვე ახალი ტიტულით სარგებლობდა. როგორც 'არიამაჰრს' ანუ არიელთა სინათლეს, ფაქლავის თანამემამულეებზე მანათობელი ეფექტი უნდა მოეხდინა. ვიდრე

ქვეყნის განვითარება წარმატებით მიმდინარეობდა, შაჰი ირანელთა კაბადონზე მართლაც ბრწყინავდა. ნავთობის საერთაშორისო ბაზარზე ირანისთვის ხელსაყრელი ეკონომიკური გარემო მან საკუთარ დამსახურებად მიიჩნია. თვითკმაყოფილი მონარქი უცხოელებსაც კი დამრიგებლურ გზავნილებს უთვლიდა.

შაჰი გარეგნულ იერს დიდ მნიშვნელობას ანიჭებდა და ძირითადად იმპერიული არმიის მთავარსარდლისთვის შესაფერის საზეიმო სამხედრო ფორმას ატარებდა. ამერიკის შეერთებული შტატების ელჩი სალივანი თავის მემუარებში შაჰის პორტრეტის ერთ საყურადღებო დეტალს იხსენებს: ის ერთობლივ ირანულ-ამერიკულ სამხედრო სწავლებებზე იყო მიწვეული, სადაც ღონისძიების წინ შაჰს განმარტოებულ ოთახში შეხვდა. თბილი და გულახდილი საუბარი მანამ გაგრძელდა, ვიდრე ადიუტანტმა მას წარმოდგენის დაწყების შესახებ არ ამცნო:

‘მომღიმარი მასპინძლიდან ის უცბად რკინისებურ აეოტოკრატად გადაიქცა. ტანსაცმელი და მზის სათვალე მოირგო, მეგრდი წინ გასწია, ნიკაბი და ტუჩები გაიწვორა. გარეთ გასასვლელი კარი მან მხოლოდ ამის შემდეგ გააღო’¹⁶.

დასავლეთში ირანზე მომუშავე ზოგ პიროვნებას ეჭვი გაუჩნდა, რომ მონარქს ნარცისიზმი შეეყარა, სხვა ვერსიით კი ის განდიდების მანიამ შეიპყრო. თუმცა ხანმოკლე აღმასვლის შემდეგ დაცემაც მალე დაიწყო. მონარქს განვითარებადი მძიმე ავადმყოფობა დაუდგინდა, რაც დროში დაემთხვა ქვეყანაში ეკონომიკურ დაღმასვლას და საერთო ვითარების გაუარესებას. მისი განწყობაც შესაბამისად შეიცვალა. რისხვიანი და პირქუში არიამეჰრი ახლა დაბნეულ ადამიანად გადაიქცა, დამაჯერებელი და მამხილებელი რიტორიკა საბოდიშო-შემრიგებლური ტონით ჩაენაცვლა. მტრების საამებლად მან საკუთარი რამდენიმე უერთგულესი თანამდებობის პირი სატუსალოდ გაიმეტა, მაგრამ ესეც ამოა აღმოჩნდა: მტრები თვით იმპერიული ხელისუფლების გულს – ფარშევანგის ტახტს უმიზნებდნენ. შაჰი ერთბაშად ფიზიკურად დატყნა, ასაკი შეეტყო, დეპრესიის ზღვარსაც მიუახლოვდა. აშშ-ს სენატის ერთ მაღალჩინოსანს სადილზე უმასპინძლა, მაგრამ შეხვედრა მხოლოდ შემადრწუნებელი სცენით აღინიშნა: შაჰი საჭმელს არც გაეკარა, ღუმდა და მუდმივად ჭერს შესცქეროდა¹⁷. დიდი ძალისხმევის მიუხედავად, ტახტის შენარჩუნების იმედები თანდათან ეფემერული ხდებოდა. კატასტროფამდე სამი თვით ადრე ხალხისადმი სატელევიზიო

მიმართვაში მან საკუთარ თავს მოკრძალებულად ფადიშაჰიც კი უწოდა. გარემოცვა შეეუთხელდა, საზღვარგარეთელი მეგობრები შემოეფანტნენ, მათ შორის ისინიც, ვინც მცირე ხნით ადრე ლექსიკონში არსებულ ყველაზე საკებაარ სიტყვებს არ იშურებდნენ მისთვის. ვერც ქმედით დახმარებას ეღირსა და ვერც თანაგრძნობას. უცხო ქვეყნების ჟურნალისტებს ჯერ კიდევ მასპინძლობდა, შესაძლოა იმ იმედით, რომ მათგან მოისმენდა რაიმე სასურველს. მაგრამ მათ წინაშეც არანაკლებ საბრალყო იყო. ჟურნალ 'თაიმის' მიმომხილველის კითხვას მისი ყველაზე სერიოზული შეცდომის შესახებ მოკლედ მიუგო: 'ის, რომ საერთოდ მოვევლინე ამქვეყნად'¹.

ცხადი იყო, რომ შაჰი უკვე აგონიაში იმყოფებოდა და ფინიშამდე არცთუ ბევრი დრო ჰქონდა დარჩენილი. არიელთა სინათლე საბოლოოდ უსახელოდ და ტრაგიკულად ჩაქრა.

¹ სანდრა მაქეი, 'ირანელები', 1996, გვ.254

² 'ნიკაგო თრიბუნი', 1973 წლის 30 დეკემბერი

³ რიშარდ კაპუშინსკი, 'შაჰინშაჰი', 1982

⁴ ფარაჟ ფაღლავი, 'მარადიული სიყვარული', 2004, გვ.124

⁵ ერთ დღეს შაჰი ცხენიდან ჩამოვარდა. ის ფაქტი, რომ დაზიანებები არ მიიღო, მან ზებუნებრივ უხილავ ძალას მიაწერა, რომელმაც მიწაზე დაცემამდე თითქოს ის ხელში დაიჭირა.

მუჰამედ რეზა ფაღლავი, 'ჩემი ქვეყნის სამსახურში', 1961

⁶ 'მარადიული სიყვარული', გვ.262

⁷ აფშინ აფშარი, 'შაჰი და ხალხი', 2005

⁸ ორიანა ფალაჩი, 'ინტერვიუ ისტორიასთან', 1976, გვ.270

⁹ რობერტ ფისკი, 'ახლო აღმოსავლეთის დაპყრობა', 2006, გვ.141

¹⁰ 'შაჰი და ხალხი'

¹¹ 'ჩემი ქვეყნის სამსახურში'

გადასახლებაში მყოფი რეზა შაჰი 1944 წელს სამხრეთ აფრიკის რესპუბლიკაში გარდაიცვალა. ის თავდაპირველად კაიროს ალ-რიფაის მეჩეთში დაკრძალეს, საიდანაც ექვსი წლის შემდეგ თეირანის გარეუბან რეიში მისთვის საგანგებოდ აგებულ მავსოლეუმში გადაასვენეს. 1979 წელს ახალმა ხელისუფლებამ მავსოლეუმი დინამიტებით და ბულდოზერებით მიწასთან გაასწორა, ბედის ირონიით კი სწორედ ალ-რიფაი იქცა კაიროში გარდაცვლილი მუჰამედ რეზას სამუდამო განსასვენებლად.

¹² ციტატები შაჰის ინტერვიუდან: 'განა მართებულია, რომ მეფემ ანუ სპარსეთის იმპერატორმა დრო დახარჯოს ისეთ საკითხებზე სასაუბ-

როდ, როგორიცაა ქალები და ცოლები?. [მამაკაცთან] თქვენ თანასწორნი ხართ კანონის წინაშე. მაგრამ, უკაცრავად გამოთქმისთვის, არა შესაძლებლობებით... თქვენ მოღალატეები ხართ, თქვენ ბოროტება ხართ, თქვენ ყველანი!

‘ინტერვიუ ისტორიასთან’, გვ.270

¹³ უილიამ სალივანი, ‘მისია ირანში’, 1981

¹⁴ ‘მარადიული სიყვარული’, გვ.237

¹⁵ არიული რასის სიწმინდის თეორიაზე დაფუძნებულ ნაციონალ-სოციალისტურ გერმანიაში ირანელებს ოფიციალურად სწორედ არიელები ეწოდებოდათ და მათ, როგორც პრივილეგიების მქონე რასის წარმომადგენლებს, გერმანელებთან ქორწინების უფლება გააჩნდათ.

¹⁶ ‘მისია ირანში’

¹⁷ იქვე, გვ.191

¹⁸ ს.აგაევი, ‘რესპუბლიკის დაბადება’, 1984, გვ. 37

1979 წლის 5 მარტს თეირანის მახლობლად მდებარე სოფელ აჰმადაბადში მილიონამდე ადამიანმა მოიყარა თავი. ირანელები იმ პიროვნებისადმი პატივისცემის გამოსახატავად მივიდნენ, რომლის სახელის დადებითად ხსენება ოცდახუთი წლის მანძილზე ტაბუდადებული იყო. აღმოჩნდა, რომ უბრალო მოქალაქეების გულში მუჰამედ მოსადეის ისეთი ღრმა კვალი დაეტოვებინა, რომლის წაშლა დიდი მცდელობის მიუხედავად ხელისუფლებამ ვერ შესძლო. განსხვავებული პოლიტიკური მოსაზრებების მქონე ადამიანები ღვაწლმოსილი პიროვნების საფლავთან სწორედ იმ მოვლენებს იხსენებდნენ, რომელმაც მოსადეი ესოდენ გამორჩეული სიმბოლური დატვირთვის მქონე ფიგურად აქცია...

მეორე მსოფლიო ომის დასრულების ექვსი დეკადამდე ქვეყანაში განმათავისუფლებელი ბრძოლის გაშლას. ერთდროულად რამდენიმე კოლონიურ სამფლობელოში დაწყებულმა წინააღმდეგობის კამპანიამ სასტიკ ომში გამარჯვებული ბრიტანეთის იმპერიაც კი შეატოვებინა. გამონაკლისი არც ირანი იყო, სადაც ინგლისელთა მასიური შესვლა მე-XIX საუკუნეში დაიწყო. ავღანელებისგან განსხვავებით, სპარსელი ყაჯარების სუსტმა დინასტიამ ქვეყნის დაცვა ვერ უზრუნველყო და მოკლე დროში ლონდონს გადამწყვეტი ეკონომიკური და პოლიტიკური ბერკეტები ჩაუგდო ხელთ. რეგიონის კოლონიური ექსპლუატაციის გარდა, ბრიტანეთს რუსეთთან იმპერიული დაპირისპირების ფონზე უკვე დაპყრობილ ინდოეთში სტრატეგიული პოზიციების გამყარება აინტერესებდა. ირანში მან ხელში ჩაიგდო მონოპოლია ქვანახშირის, თამბაქოს, რკინიგზის და ტელეგრაფის სფეროში, ასევე მოიპოვა ნავთობის ძიების უფლება, რითაც შესძლო სპარსეთის შიდადინასტიური დაპირისპირებით მანიპულირება და სასურველი სამეფო კანდიდატების ფავორიტობა. ამიტომ პირველი მსოფლიო ომის დამთავრებამდე სუსტი ცენტრალური ხელისუფლების არსებობით ინგლისი დაინტერესებული იყო. მაგრამ რუსეთში ბოლშევიზმის წარმატებამ თავისი გამოძახილი აკოვა სპარსეთის შემარცხენე დაჯგუფებებში, რომლებმაც 1920 წელს კასპიის ზღვის პირას გილანის საბჭოთა რესპუბლიკა გამოაცხადეს.

ახლა ინგლისმა თეირანში კმედიით მთავრობის ჩამოყალიბების აუცილებლობა დაინახა, რომელიც თავის ხალხს რუსული ექ-

სპანსიის წინააღმდეგ დარაზმავდა. ბრიტანელთა უშუალო მონაწილეობით სპარსეთის არმიის ელიტური კაზაკთა ბრიგადის მეთაურმა პოლკოვნიკმა რეზა ფაჰლავიმ 1921 წლის თებერვალში სამხედრო გადატრიალება განახორციელა, შემდეგ ყაჯართა დინასტია გააუქმა და ფაჰლავთა მმართველობას დაუდო სათავე. ქვემო ათა-თურქის მიზაძეით რეზა ცეცხლითა და მახვილით შეუდგა ადმინისტრაციულ, საგანმანათლებლო, სამხედრო და სოციალურ რეფორმებს. მან სპარსეთს თვით სახელი შეუცვალა და ირანი ('არიელთა მიწა') დაარქვა, ძველი არისტოკრატის მიწები მიისაკუთრა, ჩადრის ტარება აკრძალა, ოპონენტები დახოცა, დააპატიმრა ან ქვეყნიდან გააძევა და დესპოტური მართვის სისტემა განამტკიცა.

ახალმა მსოფლიო ომმა ვითარება კვლავ თავდაყირა დააყენა. რეზამ ამ დროისთვის ბრიტანელთა პოლიტიკური გავლენისგან დისტანცირება შესძლო. მან ნეიტრალიტეტი გამოაცხადა, რაც მეომარი მხარეების აგენტურის აქტიურ საქმიანობას ერთმანეთის წინააღმდეგ არ გამოორიცხავდა. ერაყში 1941 წლის აპრილის პროგერმანული გადატრიალების შემდეგ ინგლისისათვის ირანის ლოიალურობის საკითხი დიდმნიშვნელოვანი გახდა, რადგან რუსეთთან დამაკავშირებელი პირდაპირი გზა ევროპაში ეერმახტის ჯარებმა გადაკეტეს, ხოლო შეიარაღებისა და ეკონომიკური დახმარების მიწოდების ყველაზე ოპტიმალური სატრანსპორტო მარშრუტი სწორედ ირანული დერეფანი უნდა გახდარიყო. 1941 წლის 23 აგვისტოს მოსკოვმა და ლონდონმა ირანის წინააღმდეგ ერთობლივი მასირებული სახმელეთო, საჰაერო და საზღვაო შეტევა დაიწყეს. ხუთ დღეში შაჰმა კაპიტულაცია გამოაცხადა. ამ თავდასხმით კრემლმა ირანთან მეგობრობის შესახებ 1921 წლის ხელშეკრულების VI მუხლი დაარღვია, ხოლო ბრიტანეთმა ევროპის კონტინენტზე გერმანიასთან ომში განცდილი წარუმატებელი სერიების შემდეგ სამხედრო კამპანიის ძლევამოსილად დასრულება მიითვალა. პატიმრობაში აყვანილმა რეზამ 16 სექტემბერს ტახტიდან გადადგომა გამოაცხადა:

‘შე არ ვიქნები დაპყრობილი ქვეყნის ნომინალური მმართველი დაბალი რანგის ინგლისელი ან რუსი ოფიცრის დიქტატის ქვეშ’.

მოკავშირეები რამდენიმე დღის მანძილზე ყოყმანობდნენ მისი შემცველელის თაობაზე და ბოლოს შეთანხმდნენ რეზას 11 შეილისგან უფროსი ვაჟის 21 წლის მუჰამედ რეზას კანდიდატურაზე იმ პირობით, რომ ის უძალაუფლებო დამკვირვებელი იქნე-

ბოდა². მომდევნო ოთხი წლის მანძილზე ისინი მართლაც ქვეყნის სრული ბატონ-პატრონი იყვნენ მაშინ, როცა ფაქლავის მხოლოდ ცერემონიული უფლებები გააჩნდა. ირანის დერეფანს უინსტონ ჩერჩილმა გამარჯვების ხიდი უწოდა, ქვეყანას კი პრობლემები მხოლოდ მოემატა. ხელისუფლების სისუსტით შეიარაღებული დაჯგუფებები სარგებლობდნენ. მთავარ მაგისტრალზე გადაადგილება საშიში იყო. თავს ესხმოდნენ არა მხოლოდ ადგილობრივ მოსახლეობას, არამედ მოკავშირეთა კოლონებსაც. თეირანში აშშ-ს ელჩის საჩივარზე შაჰმა გულახდილად განაცხადა, რომ არაფრის გაკეთება არ შეეძლო³.

ომის დასრულების შემდეგ საფრთხე თვით ირანის ერთიანობას დაემუქრა. წითელმა არმიამ ქვეყნის დატოვება მანამდე გააჭიანურა, ვიდრე მის ჩრდილქვეშ მარქსისტულმა ჯგუფებმა ქურთისტანსა და აზერბაიჯანში ავტონომია არ გამოაცხადეს. ხანგრძლივი დაპირისპირება საჯარისო ოპერაციით დამთავრდა, რითაც რეგიონებზე თეირანის იურისდიქცია აღდგა. მაგრამ ამ გამოცდილებიდან გამომდინარე ერემლიდან მომდინარე ხრიკების შიში ირანში მყარად დამკვიდრდა, რამაც მის საგარეო-პოლიტიკურ ორიენტირზე დიდი გავლენა შეასრულა.

მსოფლიოს სხვადასხვა კუთხეში აზვირთებულმა განმათავისუფლებელმა მოძრაობამ ზეგავლენა ირანზეც მოახდინა, რომლის სამხედრო დეოკუპაციამ მის საზოგადოებაში რეალური დამოუკიდებლობის მოპოვების სურვილი გაზარდა. განსაკუთრებული ყურადღების ქვეშ ქვეყნის მთავარი საუნჯე ნავთობი მოექცა, რომლის წარმოების მონოპოლიური უფლება 'ანგლო-ირანულ სანაერთობო კომპანიას' გააჩნდა. ირანის ნავთობის მარაგების აღმოჩენასთან ერთად ეს ინგლისური კომპანია 1908 წელს შეიქმნა, ამასთან, მისი წილის 51%-ს ბრიტანეთის მთავრობა ფლობდა. ირანის ბიუჯეტში მთელი სანაერთობო შემოსავლების 16% მიდიოდა, რაც თანდათან უკმაყოფილებას ზრდიდა. ირანელებს ეს ციფრი მიზერულად მიაჩნდათ და ერთ-ერთ არგუმენტად საუდის არაბეთი მოჰყავდათ, რომელსაც მსგავსი სახის კონტრაქტის საფუძველზე არაბულ-ამერიკული კომპანია 'არამკო'-სგან 50% ერგებოდა. ბრიტანელები მოქმედი შეთანხმების გადახედვაზე უარს აცხადებდნენ, ადგილობრივი საზოგადოებრივი ორგანიზაციები კი ხელისუფლებისგან აქტიურ მოქმედებებს მოითხოვდნენ.

მუშამედ მოსადეყმა ჯერ კიდევ ყაჯართა მმართველობისას გაითქვა სახელი. შეეიცარიაში ნასწავლ სამართალმცოდნეს რამდენიმე მნიშვნელოვანი თანამდებობა ეკავა: იყო ფინანსთა მი-

ნისტრი, საგარეო საქმეთა მინისტრი, აზერბაიჯანის პროვინცი-
ის გუბერნატორი, აგრეთვე, პარლამენტის წევრი. მეჯლისის
ტრიბუნიდან მან რეზა შაას უზურპატორი უძახა, რისთვისაც
ფაქლავიმ ის მცირე ხნით დააპატიმრა და იძულებით გააჩუმა.
1944 წელს მოსადეემა მკაცრად დაგმო საბჭოეთთან კაბალური
სანაგოთბო 'შეთანხმების' პროექტი და ამავდროულად კამპანია
ბრიტანელების წინააღმდეგ გააჩაღა. მან პოსეინ ფათემისა და
ქარიმ სანჯაბისთან ერთად 'ეროვნული ფრონტი' ჩამოაყალიბა,
რომელიც ბრძოლის ავანგარდში მოექცა. ოპოზიცია ნავთობის
სრული ნაციონალიზაციის მოთხოვნით გამოვიდა, რასაც ხე-
ლისუფლება იმ არგუმენტით უარყოფდა, რომ ირანი ვერ 'შეს-
ძლებდა მრეწველობის ადმინისტრირებას და, ამდენად, საერთა-
შორისო ხელშეკრულებებით ნაკისრი ვალდებულებების შესრუ-
ლებას. მაგრამ ვითარება საგანგაშო ხდებოდა. 1951 წლის მარ-
ტში პოლიტიკური ძალადობის მსხვერპლი პრემიერ-მინისტრი
გენერალი ალი რაჰმარა გახდა, აპრილში კი ნავთობის საკით-
ხის გადასაწყვეტად ხალხმრავალი გამოსვლები მოეწყო. 28 აპ-
რილს მეჯლისის მიერ არჩეული მუჰამედ მოსადეევი შაჰმა პრე-
მიერ-მინისტრის თანამდებობაზე დაამტკიცა.

მოსადეევი ეკონომიკურ ეფექტზე მეტად ნაციონალიზაციის მო-
რალურ ასპექტზე ამახვილებდა ყურადღებას, ამტკიცებდა, რომ
პოლიტიკური დამოუკიდებლობის გარეშე ეკონომიკური თავი-
სუფლების მიღწევა შეუძლებელი იყო. მის რიტორიკაში კოლო-
ნიური ინტერესებისადმი მონობისა და მორჩილების ჯაჭვის
დამსხვრევის ფრაზები ჭარბობდა. ნანატრი დღე 1 მაისს დადგა,
როცა პრემიერმა ხელი მოაწერა ისტორიული მნიშვნელობის
დეკრეტს, რაც ბრიტანელებთან შეთანხმების გაწყვეტას და მა-
თი ქონების ჩამორთმევას ითვალისწინებდა.

ლონდონის რეაქციამ დიდხანს არ დააყოვნა. ყოველგვარი სა-
ქონლის ექსპორტის აკრძალვასთან ერთად მან სრული სანაე-
თობო ემბარგო შემოიღო, რომელშიც იტალიის და იაპონიის
გარდა ყველა მოკავშირე ქვეყნის მხარდაჭერა მიიღო. მუშაობა
შეჩერდა აბაღანის ქარხანაში, სადაც ევროპისათვის განკუთ-
ვნილი ნავთობის 43%-ის გადამუშავება ხდებოდა. ქვეყანამ თა-
ვისი საბიუჯეტო შემოსავლების ძირითადი წყარო დაკარგა.
მომდევნო ორი წლის მანძილზე ვითარება არ შეიცვალა: სან-
ქციებმა დიდი ეკონომიკური სიდუხჭირე გამოიწვია, მაგრამ შე-
დეგი მაინც ვერ გამოიღო. ამიტომ ბრიტანეთმა ძალისმიერი
ოპერაციის ჩატარების გადაწყვეტილება მიიღო. იმის მიუხედა-
ვად, რომ თავად ლონდონი დიდხანს უარყოფდა 1953 წლის აგ-

ვისტოს მოვლენებში რაიმე როლის შესრულებას, ახლახან აშშ-ში აქამდე გასაიდუმლოებული ზოგიერთი დოკუმენტის გამოქვეყნების შემდეგ ფარდა აეხადა 'აიაქსის' კოდური სახელწოდების მქონე კარგად ორგანიზებულ შეთქმულებას, რომელიც აშშ-სა და ბრიტანეთის საიდუმლო სამსახურებმა პრემიერ მოსადეყის დამხობის მიზნით განახორციელეს.

იმ დროს, როცა მოსადეყმა თავისი ქარიზმისა და პოპულარობის წყალობით შაჰის რეალური ძალაუფლება შეზღუდა, ლონდონი და ვაშინგტონი გლობალური კონფრონტაციის წინა ხაზზე ერთობლივად იღვწოდნენ. დასავლეთის ქვეყნებში დიდი შეშფოთება გამოიწვია კრემლის ექსპანსიამ, რომელმაც აღმოსავლეთ ევროპა და შორეული აღმოსავლეთის მნიშვნელოვანი ნაწილი მოინელა. ნათობით მდიდარი სპარსეთის ყურის სახელმწიფოების შესაძლო გაწითლებამ კი გეოსტრატეგიული კატასტროფის შეგრძნება გაამძაფრა. ისედაც, თვით ვაშინგტონის სახელისუფლო სტრუქტურების შიგნით კომუნისტური გავლენის წინააღმდეგ გამაღებული ნადირობა მიმდინარეობდა, ხოლო უახლოეს ხანში მოსალოდნელი იყო რუსეთის შესვლა ბირთვულ სახელმწიფოთა კლუბში. 1951 წლის არჩევნების შედეგად ინგლისში ძალაუფლებას ისევ ჩერჩილის კონსერვატიული პარტია დაუბრუნდა, მომდევნო წელს კი თეთრ სახლს რესპუბლიკელთა წარმომადგენელი დუაით ეიზენჰაუერი დაეპატრონა. იმ პრინციპის საფუძველზე, რომ ყველა ანტიდასავლური ძალა პოტენციურად მოსკოვის მოკავშირე უნდა ყოფილიყო, ოქეანის ორივე მხარეს მოსადეყის ნეიტრალიზაციის აუცილებლობის დასკვნამდე მივიდნენ.

ცენტრალური სადაზვერვო სამსახურის მხრიდან ოპერაციის ხელმძღვანელობის მიზნით ირანში პრეზიდენტ თეოდორ რუზველტის შეილიშვილი ქერმით რუზველტი გაიგზავნა. უპირველესად მისი განზრახვა ქვეყანაში შესაბამისი ფონის შექმნა იყო. დაიწყო მოსადეყის მხარდამჭერი კოალიციის წევრების, პოლიტიკური აქტივისტების, სამღვდელოების წარმომადგენლების, ჟურნალისტების ინტენსიური მოსყიდვა⁵. გაზეთები შეუდგნენ მოსადეყის შესახებ პასკეილების დაბეჭდვას, კარიკატურების დახატვას, ჭორების გაერცელებას: ერთგან მას რუსეთის აგენტობა ბრალდებოდა, მეორეში - ბრიტანეთის სასარგებლოდ ფარული საქმიანობა, მესამე გაზეთი მისი ებრაული წარმოშობის თაობაზე წერდა. საპარასკევო ღოცვებზე მოღებმა კრიტიკული გამოსვლები დაიწყო და "ათეისტი მოსადეყის" საწინააღმდეგო ლოზუნგებით მრევლის იდეოლოგიურ შემზადებას

შეუდგნენ. მოსყიდული ჯგუფები თავს ესხმოდნენ მოსადეყის ოპონენტებს, რათა გარშემო დიქტატურის შთაბეჭდილება შექმნილიყო. ამავედროულად სხვა დაჯგუფებებმა ქუჩებში მანქანებისა და ვიტრინების მსხვერველს და გამელელების უშიზოო ცემას მიაყვეს ხელი, რასაც მოსადეყისა და კომუნიზმის სადიდებელი ლოზუნგების აკომპანიმენტი აკეთებდნენ. რამდენიმე მეჩეთთან ბომბი აფეთქდა, რაც მარქსისტული 'თუდეს' ანტირელიგიური ქმედებების გამოსამზეუვრებლად იქნა გამოყენებული. საბოლოოდ, საზოგადოების თითოეული ფენა იმ დასკენამდე უნდა მისულიყო, რომ მოსადეყის მმართველობა ან საყოველთაო ქაოსში გადაიზრდებოდა ან პროსაბჭოთა ძალების გამარჯვებით დასრულდებოდა, ამიტომ ის ლოგიკურად მოსადეყის წასვლისა და შაჰის სტაბილური ხელისუფლების მხარდამჭერი უნდა გამხდარიყო.

ორი მუჰამედის ურთიერთობა შეხმატკბილებული არასოდეს ყოფილა. სამართალმცოდნე მოსადეყი 1906 წლის კონსტიტუციასე დაყრდნობით აცხადებდა, რომ შაჰმა მხოლოდ უნდა იმეყოს, ხოლო მთავრობამ - ქვეყანა მართოს. 1952 წლის იელისში თავდაცვის სამინისტროს კონტროლის გარშემო წარმოშობილი დავის გამო მოსადეყი გადადგა, რასაც მასობრივი საპროტესტო გამოსვლები, 250 კაცამდე მსხვერპლი და, საბოლოოდ, გაფართოებული უფლებებით ხელისუფლებაში მისი დაბრუნება მოჰყვა. პრემიერმა მეჯლისისგან ექვსი თვით საგანგებო უფლებამოსილებით აღჭურვას მიაღწია, რაც ერთი წლის ვადით გახანგრძლივდა, თუმცა მოგვიანებით დეპუტატთა უმრავლესობა მოსადეყის მიმართ ოპოზიციურად განეწყო, რაც რეჟერენდუმის მეშვეობით მათი დათხოვნით დასრულდა.

ცენტრალური სადაზვერვო სამსახურის დოკუმენტები ცხადყოფს იმ პრობლემას, რომელიც გადატრიალების დაგეგმვის პროცესში წარმოიშვა. ერთ-ერთი მთავარი დაბრკოლება თავად შაჰი იყო, რომელიც გეგმის მიხედვით გათვალისწინებული ღონისძიებების გატარებისგან თავს იკავებდა:

"შაჰი სპეციფიურ მომზადებას საჭიროებს. რამდენადაც მას გადაწყვეტილების მიღება უჭირს და ეჭვებისა და შიშის გავლენის ქვეშ იოლად ექცევა, თავისი როლის შესასრულებლად ის უნდა წაუხალისოთ".

ფაქტადის შიში იმ ვარაუდიდან გამომდინარეობდა, რომ ჯარი არ დაემორჩილებოდა და მთელი ღონისძიება ავანტიურად გადაიქცეოდა. რუზველტი კი მას დაბეჯითებით უმტკიცებდა, რომ უმოქმედობის შემთხვევაში ირანს გასაბჭოება ან მეორე კორე-

ად გადაქცევის რეალური საფრთხე ელოდა. 1 აგვისტოს შაჰს წარედგინა დადგენილება მთავრობის თაემჯდომარის პოსტიდან მუჰამედ მოსადეყის გადაყენების და მის ნაცვლად არმიის გენერალ ფაზლოლა ზაჰედის დანიშვნის შესახებ. თუმცა ამ დოკუმენტზე მისი ხელმოწერა მხოლოდ 15 აგვისტოს გაჩნდა. სრული მხარდაჭერის განცხადება ეაშინგტონში მანამდე თვით პრეზიდენტმა ეიზენჰაუერმა გააკეთა, რომლის თქმით, თუ 'რკინის ფარდისკენ' ირანის სელის პროცესი გაგრძელდებოდა, მისი ადმინისტრაცია შორიდან მეთვალყურის როლში არ დარჩებოდა⁷. ირანელ სამხედროებს შორის შეთქმულთა ჯგუფი გამოიკვეთა: საერთო ხელმძღვანელობა გენერალ ზაჰედის ებარა, რეალურად კი არმიის მოქმედებების დაგეგმვას გენერლები არუა და ახავი ახორციელებდნენ. სამოქალაქო სექტორში სასახლის კართან და ბრიტანელებთან დაახლოებულმა ძმებმა რაშიდია-ნებმა დემონსტრაციისათვის ექვსი ათასამდე ადამიანის მოგროვება შესძლეს. გადაყენების დადგენილება პრემიერს იმპერიული გვარდიის სარდალმა პოლკოვნიკმა ნასირიმ გადასცა⁸. მაგრამ მოსადეყმა იმ მოტივით, რომ მისი დათხოვნა მხოლოდ მეჯლისის კომპეტენციაში შედიოდა, გადადგომაზე უარი განაცხადა და თავად ნასირის დაპატიმრების განკარგულება გასცა. ზაჰედიმ სამხედრო შენაერთები ქუჩაში ვერ გაიყვანა, რადგან ინფორმაციის გაჟონვის გამო მთავრობამ მათი განიარაღება მოასწრო.

დილით ცნობილი გახდა გადატრიალების წარუმატებლობისა და ერაყში შაჰის გაქცევის შესახებ. ეიფორიაში მყოფი მოსადეყის მომხრეები ქუჩაში გავიდნენ და ფაჰლავის ძეგლების მსხვერვეა დაიწყეს. ძალიან გააქტიურდა 'თუდე', რომელმაც რესპუბლიკის გამოცხადების წინადადება წამოაყენა. შაჰის ერთგული გენერლის პოსეინ ფარდუსთისთვის ეს გარემოება გამოცანად დარჩა. მისი აზრით, დიდი პოლიტიკური გამოცდილების მქონე 'თუდე' მოსადეყთან კონტაქტში შესვლას შეეცდებოდა და ქუჩებში წითელი დროშების ფრიალით დასავლეთის პროვოცირებას არ მოახდენდა. ამიტომ გენერალმა ეჭვი გამოთქვა, რომ 'თუდეს' ნილაბქეშ შესაძლოა სინამდვილეში დაქირავებულ პროვოკატორთა ჯგუფი მოქმედებდა. თუმცა 'თუდეს' მეთაური ნურადინ ქიანური მოსადეყს მართლაც შეხვდა და მონარქისტებისგან დასაცავად პარტიისთვის იარაღის გადაცემა სთხოვა. თვითმხილველის თქმით, მოსადეყმა მტკიცედ მიუგო:

'იმ პრემიერის ხელი უნდა გახმეს, რომელიც ხალხის დასახოცად ეინმეს იარაღს დაურიგებლ'.

როგორც ჩანს, პრემიერ-მინისტრმა შეთქმულების წარუმატებლობა საბოლოოდ დაიჯერა, რადგან მომდევნო რამდენიმე დღის მანძილზე მას საგანგებო ზომები არ გაუტარებია. მაგრამ 19 აგვისტოს გადატრიალების მცდელობა განმეორდა. ამჯერად თერთმეტპუნქტიანი გეგმა ზედმიწევნით ზუსტად შესრულდა: ქალაქის სხვადასხვა ნაწილში პრომოინარქისტული დემონსტრაციები დაიწყო, რომელსაც ჯერ სამეფო გვარდია, შემდეგ კი სატანკო ასეულის მებრძოლები, მეტყვიადმურქვეყნები და არტილერიისტები შეუერთდნენ. სამხედროებმა პრემიერ-მინისტრის რეზიდენცია და რადიოსადგური დაიკავეს, მოსადეყის სახლს სატანკო ჭურვები დაუშინეს, რასაც ქვეითთა შტურმი, ქონების გაძარცვა და სახლის გადაწვა მოჰყვა.

საყურადღებოა შაჰ ფაჰლავის ქცევა. მოვლენების ეპიცენტრს ის თავიდანვე განერიდა და მეუღლესთან ერთად კასპიისპირა ქალაქ ნიშარში გაეშურა. პირველი პუტჩის შემდეგ იგი ბაღდადში ჩავიდა, იქიდან კი რომში გადაფრინდა, სადაც 'ცენტრალური სადაზვერვო სამსახურის' უფროსს ალენ დაღესს ხვდებოდა. მოსადეყის მთავრობის დაცემის შესახებ ცნობა მან სასტუმრო 'ექსელსიორში' სადილობისას ასოშვითედ პრესის ჟურნალისტისგან მიიღო. სორაია აქვითინდა, შაჰმა კი წაიჩურჩულა: 'ვიცოდი, რომ ხალხს ეუყვარდი'¹⁰. ის აეროპორტში გაეშურა, თვითმფრინავის პილოტის ადგილი დაიკავა და თვირანში ტრიუმფით დაბრუნდა, სადაც მოსადეყის მომხრეების სასტიკი დევნა უკვე გაჩაღებული იყო¹¹.

სამხედრო ტრიბუნალმა სახელმწიფო ღალატის ბრალდებით ყოფილ პრემიერ-მინისტრს სიკვდილი მიუსაჯა. განაჩენი მალე უეადო პატიმრობით შეიცვალა. სამი წლის შემდეგ მოსადეყი საკუთარ სოფელში დააბრუნეს, სადაც მკაცრი შინაპატიმრობის პირობებში მან ცხოვრების ბოლო 11 წელი გაატარა.

მუჰამედ მოსადეყი არაერთგვაროვანი პიროვნება იყო. მეტიც, იმდროინდელ სახელმწიფო მოღვაწეებს შორის ექსცენტრიულობით გამოირჩეოდა: მთავრობის სხდომებს ის საბანში გახვეული და პიჟამოჩაცმული ატარებდა, მუდმივად სურდო სდიოდა, საჯაროდ ქვითინებდა და ჯანმრთელობას უჩიოდა. მიუხედავად იმისა, რომ თავყანისმცემლები მაჰათმა განდის ადარებდნენ, პოლიტიკურ ბრძოლას ის ყოველთვის მშვიდობიანად არ აწარმოებდა. ოპონენტებთან ჭიდილში პრემიერი არც კანონის გადახვევას ერიდებოდა. მაგალითად, მეჯლისის დათხოვნის უფლება კონსტიტუციურად მას არ გააჩნდა. მის ხისტ სანაეთობო პოლიტიკას შემოსავლების შეჩერება და ეკონომიკური კრიზისი

მოქვეა, რამაც ანტისამთავრობო განწყობის შესაქმნელად ნოკიერი ნიადაგი შექმნა. თუმცა მოსადეყის მმართველობა თავიდანვე რამდენიმე მიზეზით გახდა გამორჩეული: გენერლებისა და უსახელო ტექნოკრატების შემდეგ მთავრობას აღიარებული პოლიტიკური მოღვაწე პირეულად ჩაუდგა სათავეში; თუ პრემიერობის შერჩეულ კანდიდატს შაპი დასამტკიცებლად ადრე მეჯლისის წარუდგენდა ხოლმე, მოსადეყი პრემიერად სწორედ ხალხის მიერ არჩეული მეჯლისის წევრებმა დაასახელეს, რაც შაპმა მხოლოდ დაადასტურა; ეს პირველი მთავრობა იყო, რომელიც ქვეყანას მეფის ნება-სურვილით არ მართავდა, რაც შეზღუდულ მონარქიას უყრიდა საფუძველს; წინა მინისტრთა კაბინეტებისგან განსხვავებით, მოსადეყის მთავრობამ ღიად გაილაშქრა ირანის ეკონომიკაში გაბატონებული უცხოური მონოპოლიების წინააღმდეგ.

მოსადეყს მხურვალედ სწამდა, რომ პარლამენტი, თავისუფალი მედია თუ კონკურენტუნარიანი პოლიტიკური გარემო ირანს პროგრესის გზაზე წაიყვანდა. ის ფაქტი, რომ შაპის გაქცევა მან რესპუბლიკის გამოცხადებისთვის არ გამოიყენა, ადასტურებს, რომ კონსტიტუციური გადატრიალების განხორციელება მის გეგმებში არ შედიოდა. არაერთი ბრალდების მიუხედავად, ის არც საბჭოთა კომუნისტების მომხრე ყოფილა. 'თუდესთან' სხვა მიზეზით შექმნილი დროებითი ტაქტიკური კავშირი მან გადამწყვეტ დღეებში შეწყვიტა. თვით შაპსაც კი არ სჯეროდა 'ეროვნული ფრონტისა' და მარქსისტების ალიანსის შესახებ: მისი მტკიცებით, მოსადეყის პირისპირ დარჩენილი 'თუდე' პრემიერს ორ კვირაში თავიდან მოიცილებდა¹².

სასამართლოზე მოსადეყი იურისტისთვის დამახასიათებელი შთამბეჭდავი სიტყვით გამოვიდა:

ჩემი ყველაზე დიდი დანაშაული ის არის, რომ ირანის ნაუთობის ნაციონალიზაცია მოვახდინე და ჩემი სიცოცხლის, ღირსების და ქონების დაკარგვის ფასად მსოფლიოში ყველაზე მძლავრი იმპერიის პოლიტიკური და ეკონომიკური ექსპლუატაციის სისტემას შევებოძო.

მოსადეყმა არაფერი მოინანია, მოგვიანებით კი პირად საუბრებში მხოლოდ ამერიკელთა მოქმედების განტყვევების წარუმატებლობა აღიარა. თვითიზოლაციის ხანგრძლივი პოლიტიკის შემდეგ აშშ აქტიურ საერთაშორისო სცენაზე თავისუფლებისა და ღიბერალური ფასეულობების ხელშეწყობის ღოზუნგებით გამოვიდა, ამიტომ ბრიტანეთისგან განსხვავებით ირანში მას და-

დებითი რეპუტაცია ჰქონდა. მოსადეყმა თეირანში არსებული ბრიტანული საელჩო დახურა, მაგრამ ეიზენშაუერს დახმარების იმედად წერილებს უგზავნიდა. 'შუამავლად ჩამოსულ ამერიკელ ემისარს ინგლისელებზე შესწიოდა კიდევ:

'თქვენ არ იცით, ისინი რა გაიძევებენ არიან. თქვენ არ იცით, ისინი რა ბოროტებები არიან'¹³.

თუმცა მესამე სამყაროს განვითარებადი ქვეყნის პრემიერის პატრიოტიზმს პოტომაკის ნაპირებზეც მწყურალად უყურებდნენ. ოპერაცია 'აიაქსი' სწორედ ეიზენშაუერის დონეზე იყო დამტკიცებული. თეთრ სახლის პრიორიტეტს ამ შემთხვევაში მზარდ საბჭოთა გავლენასთან დაპირისპირების აუსცილებლობა წარმოადგენდა, და არა ბრიტანული კოლონიური ინტერესების დაცვა: სამი წლის შემდეგ ის არ შეუერთდა ინგლისის სამხედრო აგრესიას ეგვიპტის წინააღმდეგ, რომელიც ბრიტანული იმპერიის შენარჩუნებისათვის ბრძოლაში ერთ-ერთი ბოლო ეპიზოდი აღმოჩნდა.

'აიაქსი' ხუთი ათასამდე ადამიანის სიცოცხლის, უცხოეთის სპეცსამსახურების მიერ ხუთი მილიონი დოლარის დახარჯვის და ირანის დემოკრატიის ჩანასახის განადგურების ფასად დაჯდა. კონსტიტუციური მონარქიის აღდგენის მცდელობა კელაე ჩაიშალა. სანაეთობო დამოუკიდებლობის სიზმარიც მალე დასრულდა - ირანულ ნავთობს დასაველურ კომპანიათა კონსორციუმში დაეპატრონა, რომლის ერთ-ერთი წევრი ანგლო-ირანული სანავთობო კომპანიის მემკვიდრე 'ბრითიშ პეტროლიუმი' გახდა. ოპერაციამ აგრეთვე შორსმიმავალი გამოძახილი დატოვა:

- რუხეელტთან საუბრისას შაჰმა აღნიშნა: 'ტახტის შენარჩუნებას ეუმაღლი ღმერთს, ჩემს ხალხს, ჩემს არმიას და თქვენ'¹⁴. ამ მაღლიერების ბოლო პასაჟმა ვაშინგტონთან უაღრესად მჭიდრო ურთიერთობაში ჰპოვა ასახვა. დროთა განმავლობაში შაჰისადმი სიძულელი ავტორიტეტურად აშშ-ს მიმართ მძაფრ ანტიპათიაში გადაიზარდა, რამაც საბოლოოდ ირანი მსოფლიოში ყველაზე ანტიამერიკულად განწყობილ ქვეყნად აქცია;

- გარედან რეჟიმის შეცვლის ეს პირველი წარმატებული ექსპერიმენტი სხვა ქვეყნებში გაგრძელდა, რომელთა შორის მომდევნო ობიექტი უკვე ათი თვის შემდეგ გვატემალა გახდა. ამერიკელი მკვლევარის სტეფან კინზერის თქმით,

'მოქმედმა და პოტენციურმა ტირანებმა ისწავლეს, რომ ყველაზე მძლავრი ქვეყნები შეიწყნარებდნენ მათ უზომო დესპოტიზმს მხოლოდ იმ შემთხვევაში, თუ დასაველეთისა და მათი სანავთობო კომპანიებისადმი ისინი მეგობრულად იქნებოდნენ განწყობილი'¹⁵.

ირანის მომდევნო 25 წლიანი ისტორია ამის ყველაზე ნათელი მაგალითი გახდა;

- 1978 წელს ოპოზიციის ფართომასშტაბიანი მოძრაობის მომძღვრების შემდეგ ყველა ორგანიზაცია შაჰის გადაყენების ლოზუნგის ქვეშ გაერთიანდა. წარსული გამოცდილებიდან გამომდინარე, მათი ბრძოლის მიზნად არა მონარქთან ძალაუფლების გაყოფა, არამედ თვით ტახტის დამხობა იქცა. ამიტომ სამეფო სასახლიდან მომდინარე არაერთმა კომპრომისულმა ვარიანტმა სრული ფიასკო განიცადა;

- ხელისუფლებაში მისელის შემდეგ რევოლუციის მეთაურებმა ძირითად საზრუნავად 19 აგვისტოს მსგავსი გადატრიალების აღკვეთა მიიჩნიეს. შედეგად, შაჰის მომხრე ასობით მაღალი რანგის ოფიციალური პირი ტრიბუნალებმა ჩამოსახრჩობად და დასახვერტად გაგზავნა;

- ანალოგიური მიზეზით აშშ-ს საელჩო, რომელიც ამ მოვლენების დროს მაკოორდინირებელ როლს ასრულებდა, ანტიმონარქისტული დაჯგუფებების თავდასხმის ობიექტი გახდა მაშინვე, როგორც კი მისი მეშვეობით ხელისუფლებაში შაჰის დაბრუნების თუნდაც მცირე ეჭვი გაჩნდა. შედეგად, შეერთებული შტატების ისტორიაში ყველაზე დამამცირებელი ფურცელი ჩაიწერა. აღიარება და სინანული ირანის საქმეებში ასეთი სახით ჩარევის გამო დასავლეთში მხოლოდ ოთხი ათეულის წლის შემდეგ გაისმა. პრეზიდენტმა კლინტონმა დაადასტურა სხვადასხვა ქვეყნების მხრიდან ირანის ექსპლუატაციის ფაქტი და ირანელებისადმი მიმართვაში დასძინა, რომ მათ აქეთ 'უფლება იყვნენ აღწეოთებული იმით, რაც ჩემმა ქვეყანამ... თქვენს მიმართ 50, 60, 100 ან 150 წლის წინ მოიმოქმედა'¹⁶. ადმინისტრაციის აზრი უფრო კონკრეტულად დიპლომატიური უწყების ხელმძღვანელმა მადლენ ოლბრაითმა გამოთქვა:

'1953 წელს აშშ-მ მნიშვნელოვანი როლი ითამაშა ირანის პოპულარული პრემიერ-მინისტრის მუჰამედ მოსადეკის დამხობის ორგანიზებაში. გადატრიალება ირანის პოლიტიკური განვითარების თვალსაზრისით ცალსახად უარყოფითი მოვლენა იყო'¹⁷.

ცხოვრების ბოლო წლები მოსადეკმა მშობლიურ სოფელში გაატარა, საიდანაც ნებართვის და ესკორტის გარეშე გადაადგილება აკრძალული ჰქონდა. ერთხელ ჯარისკაცებთან ერთად ის გადატრიალების წლისთავისადმი მიძღვნილ გადაცემას რადიოთი ყურს უგდებდა. კითხვაზე, რატომ უსმენდა მისთვის უსია-

მოენო პროპაგანდას, მოსადეყმა თქვა, რომ, პირიქით, სიამოვნება წელიწადში ერთხელ მაინც თავისი სახელის გაგონება¹⁸. 83 წლის მოსადეყი კიბოს დაადებით 1967 წელს გარდაიცვალა, 12 წლის შემდეგ კი მის დაბადების დღეზე აქმადებადში ჩასული ადამიანების რაოდენობამ ყველაზე ცხადად დაადასტურა ყოფილი პრემიერის მიმართ უბრალო ირანელთა ნამდვილი დამოკიდებულება.

¹ სანდრა მაქეი, 'ირანელები', 1996, გვ.185

² პოსეინ ფარდუსთი, 'ფაქლავთა დინასტიის აღმასვლა და დაცემა', 1999, გვ.100

³ ნორმან შვარცკოფი, ავტობიოგრაფია, 1992, გვ.12

⁴ 'მოსადეყი თავისი ხალხის 95-98% მხარდაჭერით სარგებლობს', - თეირანში აშშ-ს ელჩის მოხსენებიდან

⁵ ქეიქანაში, სადაც წლიური შემოსავალი 500 აშშ დოლარს არ აღემატებოდა, რუხველტი დეპუტატების გადაბირების მიზნით კეირაში 11 ათას დოლარს ხარჯავდა.

თარიქ ალი, გაზეთი 'ნეიშენი', 31 ივლისი 2003 წ

⁶ 'ნიუ-იორკ თაიმსი', 16 აპრილი 2000 წელი

⁷ იქვე

ტერმინი 'რკინის ფარდა' ჩერჩილის ორიგინალურ ფრაზებს შორის ყველაზე პოპულარული გახდა. 1946 წელს ფულბრაითში სიტყვით გამოსვლისას მან აღმოსავლეთ ევროპაში კომუნისტური რეჟიმების დამყარება შეაგულ ევროპაში რკინის ფარდის ჩამოშვებად დაახასიათა.

⁸ ნასირის გარჯა დაუფასდა და მოგვიანებით გენერლის წოდებით სავაქის უფროსად დაინიშნა. რევოლუციის შემდეგ ის ერთ-ერთი პირველი იყო, რომელსაც ტრიბუნალმა სასიკედილო განაჩენი გამოუტანა

⁹ ფარიბა ამინი, 'მოსადეყი: მთავრობის მოკრძალებულობა და პატიოსნება', 2001

¹⁰ 'ირანელები', გვ.207

¹¹ სხვებთან ერთად სიკედილით დასაჯეს საგარეო საქმეთა მინისტრი პოსეინ ფათეში. მოგონებებში შაჰი მას კომუნისტური პარტიის წევრობას აბრალებს, თუმცა სინამდვილეში ფათეში მოსადეყთან ერთად თავიდანვე 'ეროვნული ფრონტის' სათავეებთან იდგა.

¹² მუჰამედ რეზა ფაქლავი, 'პასუხი ისტორიას', გვ.91

¹³ ეერნო უოლტერსი, 'უსახელო მისიები', გვ.247

¹⁴ ქერმით რუხველტი, 'კონტრგადატრიალება', 1979

¹⁵ სტეფან კინზერი, 'შაჰის გარემოცვა: ამერიკული გადატრიალება და ტერორიზმის ახლოაღმოსავლური საძირკველი', 2003

¹⁶ 'ვაშინგტონ პოსტი', 1 მაისი 1999 წელი

¹⁷ ციტატა 2000 წლის 17 მარტს ვაშინგტონში აშშ-ირანის საბჭოს სხდომაზე სიტყვით გამოსვლისას

¹⁸ 'მოსადეყი: მთავრობის მოკრძალებულობა და პატიოსნება'

ირანის საგარეო პოლიტიკის შემუშავებაში და წარმართვაში შაჰი პირადად იღებდა აქტიურ მონაწილეობას. სპარსული ნაციონალიზმის ლოზუნგებით ის შეერთებულ შტატებთან, ბრიტანეთთან და ისრაელთან უნისონში მოქმედებდა. მეორე მსოფლიო ომის შემდეგ რეგიონში მომხდარ დეკოლონიზაციის პროცესს ბევრ მუსლიმანურ ქვეყანაში თან დაერთო პროდასავლური მონარქისტული რეჟიმების მსხვერველა. ახლადშექმნილ რესპუბლიკებში ხელისუფლების სათავეში მოსულმა ძალებმა მთავარ მიზნებად კოლონიური მმართველობის შედეგების აღმოფხვრა და ანტიიმპერიალისტური ბრძოლა გამოაცხადეს. მემარცხენეთა წარმატება დიდწილად სწორედ ბრიტანეთის იმპერიის პოლიტიკურმა მემკვიდრეობამ განაპირობა. კოლონიზაციის პერიოდში ლონდონმა ახლო აღმოსავლეთში მორჩილი მსხვილი ფეოდალებისგან მმართველი დინასტიები ჩამოაყალიბა, არაერთი ახალი ადმინისტრაციული ერთეული შექმნა და ხელოვნური საზღვარი დააწესა. ახალი პოლიტიკური რუკის ფონზე კი მწვავე ეთნიკური თუ რელიგიურ-კონფესიური ანტაგონიზმი გამოხატულებას შეიარაღებულ კონფლიქტებში ჰპოვებდა.

არა მხოლოდ რეგიონის მასშტაბით, არამედ მთელს მსოფლიოში ათწლეულების მანძილზე ყველაზე ცხელ წერტილად პალესტინა იქცა. გაეროს გენერალური ასამბლეის 1947 წლის 29 ნოემბრის დადგენილებით, ბრიტანეთის ამ ყოფილ სამანდატო ტერიტორიაზე მკაფიოდ გამოკვეთილ საზღვრებში ორი ერთმანეთისგან დამოუკიდებელი არაბული და ებრაული სახელმწიფო უნდა ჩამოყალიბებულიყო, ხოლო მთავარი ქალაქი იერუსალიმი გაეროს ადმინისტრაციას უნდა დაქვემდებარებოდა. ეთნოტერიტორიული კონფლიქტი ამ ორ ხალხს შორის 1948 წელს ფართომასშტაბიან ომში გადაიზარდა, რომლის შედეგად ახლადშექმნილმა ისრაელმა არაბების კუთვნილი მიწები მიიტაცა, მილიონზე მეტი ადამიანი ლტოლვილად აქცია და გაეროს გადაწყვეტილების შესრულება შეუძლებელი გახადა. ამიერიდან პალესტინის თემა არაბული ქვეყნებისთვის მაკონსოლიდირებულ საკითხად იქცა, ისრაელს კი დიპლომატიურ ცნობაზე უარი ეთქვა და სრული ემბარგო გამოეცხადა.

თეირანმა თავისი პალესტინური პოლიტიკა სრულიად განსხვავებულად წარმართა. შაჰს კომუნისტური ექსპანსიის საფრთხე თავისი მმართველობის პირველი დღიდან აშინებდა, ამიტომ მკიდრო ურთიერთობის დამყარებას სწორედ პროამერიკულ ის-

რაელთან შეუღდა. მიუხედავად იმისა, რომ თელ-ავივის ოფიცი-
ალური აღიარებისგან მან 12 წლის მანძილზე თავი შეიკავა,
ინტენსიური კონტაქტები მხარეებმა საიდუმლო ვითარებაში და-
ამყარეს. არაბული ბოიკოტის პირობებში ირანმა ისრაელის
ნავთობმომარაგების უზრუნველყოფის ვალდებულება ცი
აი-
ლო. სანაცვლოდ შაჰი დახმარებას სამხედრო და სადაზვერუო
სფეროში იღებდა. ასობით უმცროსი ოფიცერი ისრაელის საზ-
ხედრო სასწავლებლებში გაიგზავნა, გენერალიტეტის ღონეზეც
ახლო კონტაქტები დამყარდა. განსაკუთრებით ინტენსიურად
სადაზვერუო სამსახური 'მოსადი' მონაწილეობდა ირანის უშიშ-
როების სამსახურის 'სავაქის'² ჩამოყალიბებაში, რომელმაც ახ-
ლო აღმოსავლეთში ყველაზე არაადამიანური რეპრესიული ორ-
განოს სახელი მოგვიანებით მყარად დაიმკვიდრა. ორი ქვეყანა
რეგულარულად ცვლიდა ინფორმაციას არაბული სახელმწიფო-
ების, მათ შორის სპარსეთის ყურის ნავთობით მდიდარი მო-
ნარქიული ქვეყნების შესახებ. 1961 წელს აღფრთოვანებული
შაჰი ამბობდა:

*'ირანისა და ისრაელის ურთიერთობა ნამდვილ სიყვარ-
ულს ჰგავს, რომელიც შესაძლოა ორ ადამიანს ქორ-
წინების გარეშე აკავშირებდეს'*.

თუმცა ებრაელებისადმი თბილი დამოკიდებულებით ჯერ კიდევ
რეზა შაჰი გამოირჩეოდა. ბოლო თხუთმეტი საუკუნის მანძილ-
ზე ის პირველი ირანელი მონარქი გახდა, რომელმაც ებრაელე-
ბისადმი პატივისცემა ისფაჰანში თორას წინაშე თავის დახრის
და ლოცვაზე დასწრების სახით გამოხატა. დიდი ქურუმ მეფის
შემდეგ რეზა ებრაელთა სათაყვანებელი პიროვნება გახდა. 1971
წელს პერსეპოლისში გამართული სპარსეთის მონარქიის 2500
წლისთავის აღსანიშნავი ზეპომპეზური ღონისძიება ამავედროუ-
ლად სპარსულ-ებრაული ისტორიული ურთიერთობების აღდგე-
ნის მოვლენად მოინათლა. პერსეპოლისის ზეიმის იდეა შაჰის
ხელისუფლებას ისრაელის ტურიზმის დეპარტამენტის უფროს-
მა ტედი კოლექმა მიაწოდა, რომელმაც მანამდე ირანისგან ტუ-
რისტული ინდუსტრიის განვითარების გეგმის ხელშეწყობის
თხოვნა მიიღო.

რეგიონში საყოველთაო აღშფოთების მიუხედავად, შაჰის ირანი
ისლამურ ქვეყნებს შორის ერთადერთი ქვეყანა იყო, რომელიც
1973 წელს ისრაელის მხარდამჭერი სახელმწიფოების მიმართ
შემოღებულ სანაევთობო ემბარგოს არ შეუერთდა. მეტიც, საერ-
თაშორისო ბაზარზე გაჩენილი ნავთობის საექსპორტო ვაკუუ-
მის შევსება თეირანმა საკუთარი პოტენციალით სცადა, რითაც

თავად ემბარგოს მნიშვნელობა მკვეთრად დასცა. ამ საკითხი-
საღმში დამოკიდებულება შაჰმა ჯერ კიდევ ერთი წლით ადრე
ჩამოაყალიბა:

*‘ღასაგლეთისთვის ნავთობის მიწოდების შეწყვეტა
ეკონომიკურ კრახს გამოიწვევს, ჩვენ კი ამის გაკეთე-
ბას ვერაფერი გვაძულებს’.*

შაჰის პრიორიტეტებს ის ფაქტიც ადასტურებს, რომ პრემიერ-
მინისტრები დაკით ბენ-გურიონი, მოშე დაიანი, იცხაკ რაბინი
და მენაჰიმ ბეგინი თეირანში მასთან შესახვედრად ჩადიოდნენ.
თანდათან, განსაკუთრებით კი რევოლუციური ტალღის აზვირ-
თებასთან ერთად, შაჰის ‘პროიმპერიალისტური და პროსიონის-
ტური პოლიტიკა’ ოპოზიციის მხრიდან რადიკალურად ნეგატი-
ური შეფასებების ობიექტად იქცა. რამდენადაც იდეოლოგიუ-
რად ანტიმონარქისტული მოძრაობის წარმმართველ ძალას
მუსლიმანური სამღვდელოება წარმოადგენდა, შეხედულება შა-
ჰის მარიონეტობის შესახებ ხალხის მასებში პოპულარული
გახდა. და პირიქით, პალესტინელთა მიმართ სხვადასხვა ფორ-
მით თანაგრძნობის გამოხატვას ნებისმიერი პოლიტიკური
მრწამსის მქონე რევოლუციური ჯგუფი აუცილებლობად მიი-
ნედა.

შაჰისა და ისრაელის ინტერესები ასევე იდენტური აღმოჩნდა
ლიბანის სამოქალაქო ომთან მიმართებაში. ორივე ქვეყანა აქ-
ტიურად ხელს უწყობდა საად პადადის ქრისტიან-მარონიტთა
დაჯგუფებას, რომელმაც თავის მთავარ მოწინააღმდეგედ ლი-
ბანში დევნილი ‘პალესტინის გათავისუფლების ორგანიზაცია’
გამოაცხადა. ასეთი დამოკიდებულება საბოლოოდ ფაქლავის
საკმაოდ ძვირი დაუჯდა. მისი ხანგრძლივი მცდელობის მიუხე-
დავად, ლიბანელ შიიტთა სათვისტომოს კეთილგანწყობა ირა-
ნული ოპოზიციისკენ გადაიხარა. შიიტების აღიარებული მეთა-
ური იმამ მუსა სადრი შაჰის პოლიტიკას მკაცრად აკრიტიკებ-
და და თავის მრავალრიცხოვან მრევლსაც შესაბამისად განაწყ-
იბდა⁵. სადრმა შიიტთა პარტიზანული დაჯგუფება ‘ამალი’ და-
აფუქნა, რომლის საწვრთნელ ბაზებზე მალე ირანში კანონგა-
რეშედ გამოცხადებულმა მოჯაჰედებმა⁶ მოიკიდეს ფეხი. მარ-
ქსისტული ორიენტაციის მქონე ფედაინები⁷ კი პარტიზანული
ბრძოლის მეთოდების სწავლას ‘პალესტინის გათავისუფლების
ორგანიზაციის’ ბაზებზე შეუდგნენ. პგო-ს თავმჯდომარე იასირ
არაფატი ნეჯფში მყოფ აიათოლა ხომეინის ეწვია, რომლებმაც
ახლო პირადი ურთიერთობა ერთობლივი ბრძოლის კონკრეტუ-
ლი დეტალების შესამუშავებლად გამოიყენეს⁸. ლიბანში ოპო-

ზიციონერთა სამხედრო მომზადების ორგანიზაციულ-საფინანსო საკითხებს ხომეინის თანამებრძოლები და მოგვიანებით ისლამური რესპუბლიკის ცნობილი მოღვაწეები მუსტაფა ჩამრანი და იბრაჰიმ იაზდი ზედამხედველობდნენ. ლიბანის სხვადასხვა გასამხედროებულ ბაზებზე სწავლებაგაველილმა ათასობით ირანელმა 1979 წლის თებერვალში ქალაქებში მიმდინარე ხელჩართული ბრძოლების დროს გადამწყვეტი როლი შეასრულა.

შაჰის პოლიტიკა მეზობელ ერაცშიც დიდ უკმაყოფილებას იწვევდა. არსებული სასაზღვრო კონფლიქტის გარდა, თელ-ავივთან თეირანის ურთიერთობას ბაღდადი მეტად მტკივნეულად აღიქვამდა. 1958 წლის ივლისში დამხობილი პროდასაველური პაშიმიტების დინასტიის რესტავრაცია ირანმა და ისრაველმა ერთობლივად სცადეს, მაგრამ უშედეგოდ. ამის შემდეგ ახალი რესპუბლიკური რეჟიმის ძირის გამოთხრას თეირანი ქურთი სეპარატისტების მეშვეობით შეუდგა. ის წლების მანძილზე სამხრეთ ქურთისტანში მოქმედი მასუდ ბარზანის შეიარაღებულ ჯგუფებს საბრძოლო მასალებით და საკვები პროდუქტებით ამარაგებდა. რამდენჯერმე ქვეყნებმა ელჩები გაიწვიეს, 1971 წელს კი დიპლომატიური ურთიერთობაც გაწყვიტეს. ბაღდადი შაჰს მუდმივად ბრალს სდებდა ერაცის ჩრდილოეთ ნაწილში მეორე ისრავლის შექმნის მცდელობაში¹⁰. 1973 წლის ოქტომბერში, როცა მორიგ არაბ-ისრავლის ომში ერაცის არმიის ჯავეშანსატანკო პოლკი სირიის დედაქალაქ დამასკოს ისრავლის შეტევისგან საკუთარი განადგურების ფასად იცავდა, ქურთმა მემამოხეებმა ჩრდილოეთ ერაცში აქტიური დივერსიული მოქმედებები განახორციელეს. პრეზიდენტი აჰმად ჰასან ალ-ბაქრი უკიდურეს აღშფოთებას ვერ მაღავედა იმ ფაქტით, რომ 'რეაქციული ირანის და ისრავლის ქმედებები სხვადასხვა ფრონტზე ერთდროულად ხორციელდებოდა'¹¹.

ერთი დეკადის მანძილზე სამხედრო გადატრიალებების მეშვეობით ბაღდადში სამჯერ მოხდა ხელისუფლების შეცვლა, მაგრამ ირანთან ურთიერთობა კელავ ცივი ომის სტადიაში დარჩა. მორიგი ესკალაცია ძალაუფლებაში 'ბაასის' პარტიის¹² მოსვლის შემდეგ მოხდა. სასაზღვრო კონფლიქტის გამო შაჰმა 1937 წლის შეთანხმების დენონსაცია მოახდინა, რის პასუხად ერაცმა სავაჭრო და სატრანზიტო სფეროში არსებული შეთანხმებები შეაწერა, ათასობით ეთნიკურად სპარსელი ქვეყნიდან გააძევა და შაჰისგან დენილი სავაქის გენერალი თემურ ბახთიარი შეიფარა¹³. 1970 წლის იანვარში ბაღდადმა ირანის მიერ წაქეზებული ახალი შეთქმულების გამოაშკარავების შესახებ გამო-

აცხადა. ქველა ეკემიტანილი სიკვდილით დასაჯა, შაჰის ელჩი კი ქვეყნიდან გააძევა. იმ გარემოების გათვალისწინებით, რომ ერაყს ათასობით სამხედრო მოსამსახურე იორდანიაში და სირიაში ჰქაჲდა მიეღინებუღი, ჯარის ნაწიღები ქურთ მეამბოხეებს ებრძოღნენ, ქვეყანაში კი დასაღლეოღის კომპანიღების მიერ ნაღთობწარმოების შემცირების გამო ეკონომიკური კრიზისი სუღეღდა, ირანთან პირდაპირი კონფრონტაციის ძაღა მას არ შესწეღდა. ამიღომ ერაყმა ორიენტირი მარქსისტული ბანაკის ქვეღნებზე აიღო. კომუნისტური პარტიის აქტივისტების წინაღმღდეღ განაღლებულმა სისხლიანმა ტერორმა ხელი არ შეუშაღა მოსკოვთან მეღობრობის ხელშეკრუღების დაღებას, რომღის საღუღეღღზე კრემღმა ერაყის ნაღთობის ეროღნული მრეწვეღობის განღითარების საქმეში დახმარების ეაღღებუღლება აიღო.

1968 წელს ბრიტანეღმა სპარსეთის ყურის ზონაში ბოღო კოღონიღების დატოღების გადაწყვეტიღების შესახებ გამოაცხაღა, რასაც მოკლე ხანში მსოფღიოს რუკაზე რამღენიმე ახაღი არაბული მონარქიული სახელმწიღოს შეკმნა მოჰყვა. ტერიტორიული გაღართოების იმეღად ინგღისეღთა წასეღლისთღის ირანი საგანგებოღ ემსაღებოღა. ჯერ კიღვე 1927 წელს მან შიიტი არაბებით ჭარბად დასახღებულ კუნძულ ბაღრეინზე პრეტენზია განაცხაღა, რაც მეჯღლისმა საკანონმღებლო საღით გააღფორმა. მაგრამ ანექსიის რეაღური განხორციეღება ბრიტანეღებთან ხანგრძღივი მოღაპარაკების შეღდეღად ჩაიშაღა. სამაღეიროღ, თეირანს ხელღუხი გაეხსნა ჰორმუზის სრუტის პატარა კუნძუღების დასაკაღებღად. ირანული მეღია-საშუაღლები დიღხანს ასხამღნენ ხოტბას შაჰის დისშეიღის, საზღვაო ფლოტიის კაპიტან შაჰრიარ შაფიღის შენაერთს 1971 წღის 30 ნოემბერს კუნძუღებზე წარმატებული საღესანტო ოპერაციის ჩატარებისათღვის. მანამღვე ხელმოწერიღი შეთანხმების თანახმად, კუნძული აბუ-მუსა ირანს და შარჯას საკონტროლო ზონებად უნდა გაეყოთ და ნაღთობშემოსაღლებიც თანაბრად გაენაწიღებინათ. დიღი და მკირე თუღბის კუნძუღები კი რას-ელ-ჰაიღის საემიროს კუთენიღება იყო, რომღის დაპყრობა ორივე მხრიღან მსხვერპღით დასრუღდა. არაბული სამყარო აღშუოთების მორიგმა ტაღღამ მოიცივა. გამონაკღისი მხოღოღ იორდანია აღმოწნდა, რომეღმაც ერთი წღით აღრე 'პაღესტინის გათაღისუღების ორგანიზაციის' შეიარაღებული დაჯგუფების განაღგურების საქმეში ირანისგან დიღი დახმარება მიიღო¹⁴. მაშინ, როცა შაჰი ქვეყნის წარსული დიღების დაბრუნებაზე საუბრობღა, არაბუ-

ლი სახელმწიფოები კუნძულებიდან ირანის ჯარების გაყვანას გაეროში დაჟინებით მოითხოვდნენ, მაგრამ უშედეგოდ. ურთიერთმტრული მოქმედებების სერიის შემდეგ, რომლის დროს ერაყმა 60 ათასამდე ირანელის დეპორტაცია მოახდინა, 1975 წელს მხარეებმა ფაქტობრივი ზავი გააფორმეს. ალჟირის შეთანხმების საფუძველზე თეირანმა ქურთი მეამბოხეების მხარდაჭერაზე უარი თქვა და მდინარე შატლ-ალ-არაბის¹⁵ გასწვრივ მდებარე ზოგიერთი ტერიტორიის დათმობას მდინარის თანაბრად გამოყენების სანაცვლოდ დათანხმდა. იმის მიუხედავად, რომ შეთანხმების შესრულებას არც ერთი მხარე არ ჩქარობდა, ცივი ომი მაინც ცივმა მშვიდობამ ჩაანაცვლა და 1979 წელს როგორც თეირანში, ასევე ბაღდადში მომხდარი ხელი-სუფლების შეცვლამდე ვითარების გამწვავება აღარ მომხდარა. ვიდრე ეგვიპტის სათავეში გამალ აბდელ ნასერი იმყოფებოდა, მისი პანარაბული სოლიდარობის პოლიტიკის წინააღმდეგ ირანი ძალისხმევას არ იშურებდა. ეგვიპტის, ლიბიისა და სირიის ფედერაციულ სახელმწიფოდ გაერთიანების იდეის საპასუხოდ ის იორდანია-ერაყის პაშიმიტური სამეფოს შექმნის წახალისება-მხარდაჭერას ეწეოდა. საიდუმლო ოპერაციების გეგმის თანახმად, საეაქი ლიბანში ზოგიერთ პოლიტიკურ ჯგუფს, მაგალითად, მარონიტ ფალანგისტებს და სომეხ დაშნაკებს, ასევე ინფორმაციის საშუალებებს აფინანსებდა. კერძოდ, ირანმა 15 ათასი დოლარით დააფინანსა 'ალ-ჰაიათის' საგაზეთო კამპანია როგორც პირადად ნასერის წინააღმდეგ, აგრეთვე, ინტეგრაციის გზაზე დამდგარ არაბულ ქვეყნებს შორის განხეთქილების ჩამოგდების მიზნით. 1960 წელს ეგვიპტემ თეირანის მიერ ისრაელის სახელმწიფოს აღიარების საპასუხოდ მასთან დიპლომატიური ურთიერთობა გაწყვიტა, ათი წლის შემდეგ კი შაჰმა იგივე გადაწყვეტილება ლიბანთან მიმართებაში იქ თემურ ბახთიარის ყოფნის გამო მიიღო.

ირანი აქტიურად მონაწილეობდა სენტოს¹⁶ სამხედრო-პოლიტიკურ სტრუქტურებში, სადაც 1960-იან წლებში მის გარდა ბრიტანეთი, პაკისტანი, თურქეთი და აშშ შედიოდნენ. კომუნიზმის შეჩერების მიზნით გაერთიანებული ეს ქვეყნები სამხედრო და სადაზვერუო საკითხებში მჭიდროდ თანამშრომლობდნენ. 1970 წლისთვის რეგიონში კრემლი დიდ გავლენას ფლობდა. ეგვიპტეში მას 15 ათასი სამხედრო ექსპერტი ჰყავდა¹⁷, სირიაში, სამხრეთ იემენსა და სომალიში სამხედრო-საზღვაო ბაზები გააჩნდა, ლიბიასთან კი სტრატეგიული პარტნიორობა აკავშირებდა. ამასთან, პალესტინის კონფლიქტისადმი დამოკიდებულების და

მიუმხრობელი ქვეყნების ანტიკოლონიური ბრძოლის მხარდაჭერის გამო ახლო აღმოსავლეთის საზოგადოების საგრძნობ ნაწილშიც ის პოზიტიური იმიჯით სარგებლობდა. ამიტომ რუსულ ორბიტასთან მყოფი სირიისა და ეგვიპტის მოქმედებებს ირანი ეჭვის თვალით უყურებდა. კაიროსთან ურთიერთობის დათბობა შესაძლებელი მხოლოდ მას შემდეგ გახდა, რაც ახალმა პრეზიდენტმა, ნასერის ყოფილმა მოადგილემ ანვარ ალ-სადათმა საგარეო-პოლიტიკური კურსი დიამეტრალურად შეცვალა.

აღმოსავლეთით მონარქისტულ ავღანეთთან კონტაქტები დინამიურად ვითარდებოდა, მაგრამ 1973 წელს ქაბულში მომხდარი სასახლის გადატრიალების შემდეგ ქვეყანა შიდაარეულობამ მოიცვა და საზოგადოებრივ ასპარეზზე როგორც მარქსისტული. ასევე ისლამისტური დაჯგუფებების მკვეთრმა გააქტიურებამ შაჰის შემფოთება გამოიწვია.

პაკისტანსა და ინდოეთს შორის სისხლიანი ომების დროს თეირანი თავის მეზობელს უჭერდა მხარს. ორმხრივი შეთანხმების თანახმად, პაკისტანის სამხედრო-საჰაერო ძალების თვითმფრინავები ფრონტის ხაზიდან ირანის აეროდრომებზე ეშვებოდნენ, საწვავით უფასოდ მარაგდებოდნენ და ისევე საბრძოლო ამოცანების შესასრულებლად მიემართებოდნენ. თუმცა სენტოს წევრობამ და ირანის დახმარებამ 1971 წლის ომის კატასტროფული შედეგებისგან პაკისტანი მაინც ვერ იხსნა.

ფაქლავიმ არაერთხელ გამოაცხადა, რომ შეიარაღებული ძალების მოვალეობა მოიცავდა ეროვნული ინტერესების დაცვას ქვეყნის საზღვრებს გარეთაც. ამ მოტივით ის ამა თუ იმ კონფლიქტის მხარეს არა მხოლოდ ფინანსურად ან შეიარაღებით ეხმარებოდა, არამედ საბრძოლო შენაერთებითაც უზრუნველყოფდა. 1970 წელს შაჰმა მთელი საჯარისო ბრიგადა გააგზავნა სპარსეთის ყურის გაღმა ომანის სულთნის ომში ამბოხებული დოფარის პროვინციის დასამორჩილებლად. საუდის არაბეთთან, იორდანიასთან და ისრაელთან ერთად ირანი აგრეთვე აქტიურად ჩაერია იემენის სამოქალაქო ომში მონარქისტების მხარეზე რესპუბლიკელთა წინააღმდეგ, რამაც მხოლოდ მცირე ხნით გადააყვანა მუთავეაქილთა დინასტიის საბოლოო დამხობა.

ამდენად, ირანის რეგიონული პოლიტიკა შესაძლოა შეფასდეს როგორც თანმიმდევრული, მიზანდასახული და აქტიური. პოსტბრიტანულ ახლო აღმოსავლეთში თეირანის მიერ ჟანდარმის ფუნქციების შესრულებით ირანის ხელისუფლება ამაყოფა, არაბული სამყაროს ნაწილი კი ქილიკობდა. სწრაფმა ეკონომი-

კურმა ზრდამ შესაძლებელი გახადა, რათა ირანს დიდი რაოდენობით სამხედრო შესყიდვები განეხორციელებინა, შეიარაღების მოდერნიზაცია მოეხდინა და იმპერიული არმია მნიშვნელოვნად გაეძლიერებინა. ქვეყნის შიგნით ოპოზიციის ჩახშობის გზით პოლიტიკური ვითარების სტაბილიზაციის შედეგად თეირანს საშუალება მიეცა, მთლიანად რეგიონში მშვიდობისა და უსაფრთხოების გარანტიის როლის შესრულებაზე აღაპარაკებულიყო. ირანის გაელენის გაზრდაში, მით უფრო ქორმუზის სრუტის კუნძულების დაკალების ფონზე, არაბული სახელმწიფოების მმართველი წრეები რეგიონში სპარსული პეგემონიის დაბრუნების შემაშფოთებელ ტენდენციას ხედავდნენ. თავისი პოლიტიკის განხორციელებისას თეირანს მართლაც არა მარტო საკუთარ ინტერესებზე ზრუნვა ამოძრავებდა. ის, ამავე დროს, ამერიკის შეერთებულ შტატებთან, ბრიტანეთთან, ისრაელთან თუ სამხრეთ აფრიკის რესპუბლიკასთან პარტნიორობის პრინციპებს იცავდა¹⁸.

ყველაზე ნაკლებად შაჰი არაბული და მუსლიმანური სამყაროს ინტერესებს ითვალისწინებდა: გარდა იმისა, რომ დგამდა კონკრეტულ ნაბიჯებს სხვადასხვა ქვეყნების ერთიანობის ან ძლიერი ცენტრალური ხელისუფლების წინააღმდეგ, ის ხელს უშლიდა ზოგიერთი რესპუბლიკური წყობის მქონე ქვეყნების ურთიერთდაახლოებას და, რაც მთავარია, პალესტინის კონფლიქტის გარშემო ერთიანი ფრონტის ჩამოყალიბებას. საბოლოო ჯამში, ასეთმა პოლიტიკამ ირანის ხელისუფლებას მძიმე დარტყმა მიაყენა. მოგვიანებით ოპოზიციის ყველა სეგმენტს არაერთი მიზეზი მიეცა, რათა საშინაო პოლიტიკასთან ერთად შაჰის საგარეო კურსის წინააღმდეგ არანაკლებ მძაფრი კრიტიკით გამოსულიყო. ამიტომ მეზობელ ქვეყნებშიც მან ქმედითი დახმარება მიიღო. ხანგრძლივი დროის განმავლობაში შაჰის ოპოზიციის პროპაგანდისტული კამპანია მეზობელ ერაცს შეფარებული სასულიერო ლიდერებისგან ხორციელდებოდა, მომავალი პარტიზანული ბრძოლების მართვის გამოცდილებაც შიიტური სამღვდელოების დალოცვით ოპოზიციის მებრძოლებმა ღიბანის ტერიტორიაზე გაიარეს. მეზობელი ქვეყნების ოფიციალური წრეები ან აშკარად ხელს უწყობდნენ ან თვალს ხუჭავდნენ შაჰის საწინააღმდეგო მოძრაობის გაშლაზე. როდესაც გადამწყვეტი მომენტი დადგა, მუჰამედ რეზა ფაჰლავის მისი კეთილისმსურველები ვერაფრით დაეხმარნენ, მანამდე ჩაგრულისა და დევნილის მდგომარეობაში მყოფი ანტიმონარქისტული ძალების რეზურვმა კი შესძლეს ხელისუფლების სრული და-

მარცხება საინფორმაციო, ფსიქოლოგიურ და ბოლოს შეიარაღებულ ბრძოლებში.

¹ ებრ: ჰამოსად ლემოდინ ელე თაქილიმ მეიუჰადიმ – დაზეერვისა და სპეციალურ ოპერაციათა ინსტიტუტი

² სპარსული აკრონიმი: სააზმანე ამნიათ ეა ეთთელაათუ ქეშეარ – ქვეყნის უშიშროებისა და ინფორმაციის ორგანიზაცია

³ სტივენ გოლშტეინი, 'ქურუშიდან ამადინეჯადამდე'

⁴ 'დეილი ექსპრესი', 1972 წლის 14 ივნისი

⁵ 1978 წლის 31 აგვისტოს, ირანში რევოლუციური ბრძოლის აღმავლობის დროს, სადრი ტრიპოლიდან რომში თვითმფრინავით ჩასვლისას ორ მხლებელთან ერთად უკუაღივ დაიკარგა. მისი ბედის შესახებ დღემდე არაფერია ცნობილი, თუმცა თავიდანვე ეჭვი გაჩნდა, რომ ეს გაუჩინარება პოლიტიკური მკვლელობებით სახელგანთქმული საეაქის ან მისი პარტნიორი სპეცსამსახურების ოპერაციის შედეგი უნდა ყოფილიყო. სადრების სახელმოხვეტილმა რელიგიურმა ოჯახმა თავისი დაუმორჩილებლობით დიდი საზრუნავი სადამ ჰუსეინსაც გაუჩინა, რომელმაც დიდი მცდელობის მიუხედავად მისი მიმხრობა ან განუყვება ვერ შესძლო. მუსას ერთი ბიძაშვილი მუჰამედ ბაყირ ალ-სადრი თავის დასთან ერთად 1980 წლის 9 აპრილს ციხეში ჩამოახრჩეს, ხოლო მეორე ბიძაშვილი სადუე ალ-სადრი ორ ვაჟთან ერთად 1999 წელს ნეჯფში დახვრიტეს. სადუეის მეოთხე ვაჟი მუჰთადა ალ-სადრი ერაყში 2003 წლის ანგლო-ამერიკული შემოსევის შემდეგ გაელენიანი სასულიერო ლიდერი და 'შაჰდის არმიის' მეთევობით შიიტების შეიარაღებული წინააღმდეგობის მოძრაობის სულისჩამდგმელი გახდა.

⁶ არაბული აკრონიმი: აფეაჯ ალ-მუყაემათ ალ-ლუბნანია – ლიბანის წინააღმდეგობის რაზმები.

⁷ სპარს: მოჯაჰედინე ხალყე ირან – ირანის ხალხის მებრძოლები

⁸ არაბ: ფედაიუნ – თავისუფლებისათვის მებრძოლები.

⁹ არაფატი პირველი უცხოელი სტუმარი გახდა, რომელიც პოსტ-მონარქისტულ ირანს ოფიციალურად ეწვია.

¹⁰ შნიაზმატოვი, 'ირან-ერაყის კონფლიქტი', გვ38

¹¹ იქვე, გვ411

¹² არაბ: ჰიზბ ალ-ბაას ალ-არაბი ალ-იშთირაქ - არაბული სოციალისტური აღორძინების პარტია

¹³ შაჰის მეორე ცოლის სორაია ესფანდიარის ბიძა და ბოლო პრემიერ-მინისტრის შაჰფურ ბახთიარის ნათესავი თემურ ბახთიარი საეაქის პირველი უფროსი გახდა. მოგვიანებით მას ბრალი წაუყენეს ერაყის დაფინანსებით შაჰის ხელისუფლების წინააღმდეგ შეთქმულების ორგანიზებაში, კერძოდ, პრემიერ-მინისტრის და სასახლის მინისტრის მკვლელობის მცდელობაში, და დაუსწრებლად სიკვდილი მიუსაჯეს. 1970 წლის აგვისტოში საეაქის აგენტებმა შესძლეს ერაყში თავშეფა-

რეზულ ბახთიართან მსაკერულად დაახლოება და ნდობის მოპოვება, რის შემდეგ ის ნადირობის დროს მოკლეს.

¹⁴ ოცი წლის შემდეგ იორდანის მეფე ქუსეინ ბინ ტალალი ერთადერთი არაბი ლიდერი იქნება, რომელიც ერაყის მიერ ქუეყითის ოკუპაციას არ დაგმობს.

¹⁵ ტოპონიმიკური ომის პირობებში ირანში არ ცნობენ ტერმინს “შატლ-ალ-არაბ” (არაბული მდინარე) და მას არეანდ რუდს (მდინარე არეანდს) უწოდებენ. ანალოგიურად, არაბებისთვის მიუღებელია საყოველთაოდ აღიარებული ტერმინი ‘სპარსეთის ყურე’ და მას არაბეთის ყურის სახელით მოიხსენიებენ.

¹⁶ ინგლისური აკრონიმი: ცენტრალური ხელშეკრულების ორგანიზაცია

¹⁷ ანვარ აღ-სადათი, ‘თვითმყოფადობის ძიებაში’, 1978, გვ.237

¹⁸ სამხრეთ აფრიკის რესპუბლიკას კაცთმოძულე აპარტეიდული რეჟიმი მართავდა, თუმცა ეს გარემოება შაჰს მასთან მოშგებიანი საეკონომიკური ურთიერთობის წარმოებაში ხელს არ უშლიდა.

ძალაუფლების დაბრუნების შემდეგ ფაქლავიმ ირწმუნა, რომ ეაშინგტონის სახით სანდო მოკაეშირე ჰყავდა და ამიტომ მასთან ყოვლისმომცველი მჭიდრო ურთიერთობების დამყარებას შეუდგა. უპირველესად, მომავალში შიდაპოლიტიკური მდგომარეობის შესაძლო გამწვავების თავიდან აცილების მიზნით მან უშიშროებისა და თავდაცვის ეფექტური სისტემის ჩამოყალიბება განიზრახა. საჭირო გახდა შეიარაღებულ ძალებში 1941 წელს დამკვიდრებული დამარცხებულის სინდრომის გადალახვა და არმიის მოდერნიზაცია, აღჭურვა და იდეოლოგიურად მომზადება. ამ მიზნით პირველი ამერიკელი სამხედრო მრჩეველები და ინსტრუქტორები ირანში 1944 წელს გაჩნდნენ.

მუჰამედ რეზას მმართველობის საწყის 22 წელიწადში შიდაკარიზისული ვითარების დასარეგულირებლად არმია სამჯერ იქნა გამოყენებული: მან ჯერ ჩრდილოეთ ირანში მარქსისტ სეპარატისტებს მოუღო ბოლო, 1953 და 1963 წლებში კი შაჰის პოლიტიკურ მოწინააღმდეგეთა მოძრაობა ჩაახშო. მადლიერმა მონარქმა ჯარი თავისი ზრუნვის პრიორიტეტად აქცია. დიდძალი თანხები დაიხარჯა სამხედრო ინფრასტრუქტურის განვითარებაზე. მაღალი სტანდარტით გარემონტებულ ბაზებზე მეჩეთები და კინოთეატრებიც აშენდა. სამხედრო მოსამსახურეთა სახელფასო შემოსავალი წოდების მიხედვით საკმაოდ განსხვავდებოდა, მაგრამ საზოგადოების სხვა ფენებთან შედარებით მაინც სოლიდურად გამოიყურებოდა: გენერლები ექვსი ათასი დოლარის ექვივალენტ ირანულ რიალს იღებდნენ, ოფიცრები – საშუალოდ ორი ათასს, სერჟანტების ხელფასი ერთი ათას დოლარს შეადგენდა, ხოლო რიგითების შემოსავალი ოთხას დოლარს აღწევდა. ეს გარემოება, ისევე როგორც ირანში ზოგადად არმიის მზარდი ელიტური სტატუსი, ჯარში სამსახურის და კარიერული წინსვლის მოტივაციას ხელსაყრელ პირობებს უქმნიდა, მით უფრო, რომ სამხედროები სოციალური შეღავათებითაც სარგებლობდნენ.

ყოველდღიურად ისინი ღმერთის, შაჰისა და სამშობლოს ერთგულების ფიცს დებდნენ. ამ ტრიადაში შაჰის მეორე ადგილი იმას მიუთითებდა, რომ მისი ძალაუფლების დაცვა სამხედროების უმნიშვნელოვანეს მოვალეობას წარმოადგენდა. ოფიცერთა დაწინაურების ბრძანებებს მაიორის წოდების ზეით შაჰი ხელს პირადად აწერდა. მას ძალიან უყვარდა სამხედრო მუნდირში გამოწყობა თუ უცხოური სამხედრო თემატიკის ჟურნალების

გაცნობა. სხვა ქვეყნების კომპანიებთან სამხედრო შეთანხმებების გაფორმებასაც ის უშუალოდ ზედამხედველობდა. კონტრაქტებისათვის მიღებული დიდი ქრთამის გამო ირანულ ბომონდში გენერალიტეტი მალე ერთ-ერთი ყველაზე მდიდარი ჯგუფი გახდა.

პორმუზის სრუტეში კუნძულების დაკაფების ოპერაციამ არმიის ავტორიტეტი გაზარდა. ვინაიდან ხელისუფლება შეიარაღებულ ძალებს საგარეო პოლიტიკის წარმოების ერთ-ერთ საშუალებად განიხილავდა, მან სამხედრო გადაიარაღების გამაღებული პროგრამა გააგრძელა.

ჯერ კიდევ 1964 წელს, როცა ქვეყანას საკმარისი რაოდენობით სავალუტო რეზერვი არ გააჩნდა, მეჯლისმა მოიწონა მთავრობის გადაწყვეტილება 100 ერთეული ფ-5 ტიპის ავიაგამანადგურებლის შესაძენად აშშ-სგან 200 მილიონი დოლარის ოდენობით კრედიტის აღების თაობაზე. ოთხი წლის შემდეგ შაჰის ეიზიტის დროს გაფორმდა შეთანხმება 600 მილიონი დოლარის ღირებულების სამხედრო ტექნიკის შესყიდვის შესახებ. ბრიტანეთის შემდეგ ირანი ფ-4 'ფანტომების' შემსყიდველი მეორე უმსხვილესი სახელმწიფო გახდა. მხოლოდ ოთხი წლის განმავლობაში 1973-76 წწ. შეიარაღების შეძენაზე თეირანმა 15 მილიარდი დოლარი დახარჯა, ხოლო ოცი წლის მანძილზე – 36 მილიარდი¹, მათ შორის 6,8 მილიარდი აშშ-ს კონგრესისგან გასაიდუმლოებული შეთანხმებების საფუძველზე.

შაჰის არმია გიგანტური მასშტაბებით იზრდებოდა. მის შეიარაღებაში 400 მოიერიშე და გამანადგურებელი თვითმფრინავი და 2200 საბრძოლო ტანკი იყო, რაც საუდის არაბეთის შეიარაღებას რაოდენობით ხუთჯერ აღემატებოდა. ორი ირანული ავიაგამანადგურებელი ფურეში იყო ბაზირებული. 1972 წელს კუნძულ ხარკზე მსოფლიოში სამხედრო-საზღვაო ძალების ერთ-ერთი უმსხვილესი ბაზა გაიხსნა. საზღვაო ფლოტის ბაზის კეთილმოწყობის მიზნით 200 მილიონი დოლარი დაიხარჯა ასევე ბენდერ-აბასში, ოთხჯერ მეტი კი – პაქისტანის საზღვრის სიახლოვეს ჩაპბჰარში ინდოეთის ოკეანის ზონაში მსხვილი საავიაციო და საზღვაო ბაზის შესაქმნელად.

ყოველივე ეს ამერიკელთა ყოველმხრივი დახმარების საფუძველზე ხორციელდებოდა. საელჩოში თავდაცვის ატაშეს ოფისის გარდა, პენტაგონს ირანში მუდმივმოქმედი სამხედრო მისია გააჩნდა, რომლის მეშვეობით ყველა ერთობლივი პროექტი სრულდებოდა. 1978 წლის ოქტომბრისთვის ირანში 58 ათასი ამერიკელი სამხედრო მოსამსახურე და სამოქალაქო კონტრაქ-

ტორი მოღვაწეობდა² მაშინ, როდესაც თვით ირანის თავდაცვის საშინისტროში 450 ათასი კაცი მსახურობდა. აშშ-ს სამხედრო პერსონალი ირანის ჯარში სრულად იყო ინტეგრირებული: ხელფასით, ტრანსპორტირებით, განთავსებით, სოციალური შეღავათებით და ბავშვებისთვის განათლებით უსრუნველყოფა შაჰის მთავრობის კომპეტენციაში შედიოდა. ამერიკელთა სამსახურეობრივი პირადობის მოწმობებიც კი მიუთითებდა, რომ ისინი ირანის შეიარაღებულ ძალებს ეკუთვნოდნენ³. ამერიკელი ოფიცრების წლიური ხელფასი 150 ათასიდან ორასი ათას დოლარამდე მერყეობდა.

ირანის სახმელეთო, საზღვაო და საავიაციო ბაზებით შეერთებული შტატები აქტიურად სარგებლობდა. ინდოეთის ოკეანეში წყალქვეშა ნაგების სტაციონირებისათვის კენჭულ დიეგო-გარსიას გარდა ის ირანის სანაპიროზე ჯასკში მდებარე ბაზას იყენებდა. არაბთა გაერთიანებულ საემიროებთან ტერიტორიული დავის საკითხში ვაშინგტონის მიმხრობის მიზნით თეირანმა მას კენჭულ აბუ-მუსასზე რადიო-საკომუნიკაციო ცენტრის ჩამოყალიბების ნებართვა მისცა. ანალოგიურ საიდუმლო ობიექტს ჩრდილოეთ ირანში კასპიის ზღვის ნაპირებთან მდებარე სადაზვერვო დანიშნულების ბაზა წარმოადგენდა. ამ ობიექტზე, რომელიც გარეგნულად მთვარესე ასტრონავტიკების სადგურს უფრო ჰგავდა, ცენტრალური სადაზვერვო სამსახურის ოფიცრები განსაკუთრებით მნიშვნელოვან ამოცანებს ასრულებდნენ⁴. ამერიკელთა ხელშეწყობით შაჰი აგრეთვე ქვეყნის შიგნით ტოტალური კონტროლის სისტემის შექმნას ცდილობდა. უშიშროებაზე პასუხისმგებელ უწყებას სავაჭო წარმოადგენდა, რომელიც ისრაელისა და აშშ-ს ტექნიკური, მატერიალური და საკადრო დახმარებით 1957 წელს შეიქმნა. სავაჭმა ამერიკულ ფირმა 'როქველ ინტერნეშნალთან' 5,5 მილიონი დოლარის ღირებულების კონტრაქტი გააფორმა, რომლის საფუძველზე მის განკარგულებაში სატელეფონო საუბრების მონიტორინგის სისტემა 'აიბიექსი' აღმოჩნდა. საიდუმლო სამსახურს სათავეში შაჰის ნდობით აღჭურვილი უახლოესი ადამიანები ედგნენ. მაგრამ, ამის მიუხედავად, სამეფო სასახლის კარზე შაჰმა სპეციალური სადაზვერვო ბიურო ჩამოაყალიბა, რომლის ხელმძღვანელად ბავშვობისდროინდელი მეგობარი ჰოსეინ ფარდუსთი დანიშნა და, სხვა ამოცანებთან ერთად, სწორედ სავაჭის მაღალი თანამდებობის პირების სატელეფონო მოსმენა დააკისრა. გარდა ამისა, შაჰის არმიის მეთაურების საუბრების მონიტორინგისათვის აშშ-ში საჭირო ტექნიკური საშუალებების შესაძენად 7,5 მილიონი დო-

ლარი დაიხარჯა⁵. ფაქტად ჩაღრმავდა სტრუქტურების ურთიერთკონტროლის ისეთი მექანიზმი შექმნა, რომელსაც სასახლის ან სამხედრო გადატრიალების შესაძლებლობა სრულად უნდა გამოერიცხა.

შაჰზე შეიარაღებული თავდასხმა ორჯერ განხორციელდა: პირველად 1949 წელს უნივერსიტეტში ვიზიტის დროს ის ფედაინების აქტივისტმა რევოლუციურიდან გასროლით დაჭრა, ხოლო 1965 წელს სამეფო სასახლეში დაცვის შეიარაღებულმა წევრმა სროლებით სცადა ფაქლავის სამუშაო ოთახში შეჭრა. თუმცა შაჰისგან განსხვავებით მისი ორი პრემიერ-მინისტრი ჰაჯ-ალი რაზმარა და ჰასან ალი მანსური მეტელეობას ვერ გადაურჩნენ.

საეაქის მოვალეობა, ცხადია, ამგვარი თავდასხმების აღკვეთა იყო, მაგრამ ის არა მხოლოდ ექსტრემისტულად განწყობილ დაჯგუფებებს ან პოლიტიკურ ოპოზიციას, არამედ თითოეულ დისიდენტურ აზრს ახშობდა. მიკროსახელმწიფოს ფუნქციების მქონე საეაქმა უზარმაზარი სახელისუფლო მანქანა ტოტალიტარული რეჟიმის განმტკიცების საქმეში ჩააბა: იმ პირობებში, როცა განსხვავებული მრწამსის მქონე პოლიტიკური პარტიების საქმიანობა აკრძალული იყო, ხოლო პრესა მკაცრი კონტროლის ქვეშ იმყოფებოდა, ყველა წიგნი თუ თეატრალური წარმოდგენა ცენზურას ექვემდებარებოდა. საეაქის სამოქმედო არე მთელი ქვეყანა იყო. ეს ერთი შეხედვით უხილავი ძალა სახელმწიფო უწყებებში, სასწავლო დაწესებულებებში, ბაზრებში, საზოგადოებრივ ტრანსპორტში და დასასვენებელ პარკებში იყო დაბუდებული. 60 ათასამდე აგენტი შაჰის ხელისუფლებისადმი კრიტიკულად განწყობილი ადამიანების გამოვლენისა და ნეიტრალიზაციის საქმით იყო დაკავებული. ზოგი ცნობით, საკუთარი სურვილით ან იძულებით ინფორმატორის როლს სამი მილიონამდე ადამიანი ასრულებდა⁶.

მოსმენების გარდა, ფართოდ მოიკიდა ფეხი დასმენის ინსტიტუტმა. ასეთ დროს კი ბუნებრივია, რომ რეალურ დისიდენტებთან ერთად დაბეზდებულთა შორის ყოფით ნიადაგზე გადამტერებული ადამიანებიც აღმოჩნდნენ. საეაქის კლანტებში მოხვედრილებს ერთობ მძიმე ხვედრი ელოდათ. წამების მრავალგვარ მეთოდში შედიოდა გაწყეპლეა, ფეხისგულზე ცემა, ფრჩხილების დაძრობა, ძვლების დამტერება, სიგარეტით ან ქიმიური ნივთიერებით სხეულის სხვადასხვა ნაწილების ამოშანთვა, გაუპატიურება, სოდომიზირება თუ ნელი შეწვა – მსხვერპლს ელექტრომავთულზე მიაბადნენ და ტოსტერში პურის ნაჭერის

მსგავსად თანდათან აცხილებდნენ. უხეშმა ძალამ ბევრი სასულიერო პირი, სტუდენტი, მუშა და ინჟინერი დაიმორჩილა, მაგრამ ასევე ბევრი შეიწირა. საეკლესიო შებენიერება არ ახასიათებდა, მას არც სასულიერო წოდება ან სამეცნიერო ხარისხი აინტერესებდა: სახელოვან აიათოლა თალეჟიანის მისი ქალიშვილის გაუპატიურება აყურებინეს, ხანგრძლივი წამების შემდეგ აიათოლა საიდი ელექტროსკამზე მოკლეს, ხოლო აიათოლა აზარშარი ადუღებული ზეთით საესე ქებაში ჩააგდეს. ზოგ ნაწამებ ადამიანს საეკლესიო უკვალოდ აქრობდა. მისი ერთი მაღალჩინოსნის აღიარებით, 'მათ იოლად შეეძლოთ წამების ცოცხალი დოკუმენტების თავიდან მოცილება'⁷. ისფაჰანის ციხეში პატიმრებს დამშუულ კატებს და შხამიან გველებს უგდებდნენ, ხოლო რიგში მდგომი სხვა ფსიქოლოგიურად უკვე გატეხილი პატიმრები მზად იყვნენ, ხშირად ყველაზე წარმოუდგენელი დანაშაული ელიარებინათ⁸. ამერიკელი ექსპერტების თანახმად, საეკლესიო ჯურღმულებში წლიურად საშუალოდ 150 პოლიტპატიმარი იღუპებოდა⁹.

შაჰის საპყრობილებებში არაერთი პოეტი, რეჟისორი, პროფესორი, მწერალი თუ თეატრის დირექტორი იჯდა. ჩვეულებრივ, წამების შემდეგ ისინი სატელევიზიო კამერების წინაშე აღმოჩნდებოდნენ ხოლმე, რათა თავიანთი ცოდვები მოენანიათ პრობლემებისადმი ზედმეტი ყურადღების მიქცევა და ქვეყნის წარმატებების არასაკმარისი აღნიშვნა. კომუნისტური საბჭოეთის მსგავსად, მონარქისტულ ირანშიც ოპონენტების მისამართით საქვეყნოდ იარღიყების მიკერება იყო გავრცელებული: მაგალითად, ხარაბქარ (მავნებელი) ან ღოშმან (ჩტერი). 'მაკბეტის' და 'ჰამლეტის' დადგმა პიესებში მეფის და პრინცის მკვლელობის გამო ტაბუდადებული იყო. რომელიმე აკრძალული წიგნის წაკითხვა ან სახლში შენახვა და მოსადეყის ან ხომეინის სურათის ქონა დაპატიმრებისთვის საკმარის დანაშაულად ითვლებოდა.

'დიადი ცივილიზაციის' გზაზე დამდგარი ირანელები იძულებული იყვნენ, ქარაგმებით ესაუბრათ ან პირადი უსაფრთხოების გამო სარისკო საკითხები საერთოდ არ ეხსენებინათ. ბევრი ადამიანი საზღვარგარეთ გაიქცა. ნახევარ მილიონამდე ირანელი მხოლოდ შეერთებულ შტატებში გაემგზავრა. მათ შორის შემოქმედებითი ინტელიგენციის ბევრი წარმომადგენელი იყო, რომელიც უშიშროების სამსახურის მუდმივი მეთვალყურეობის ქვეშ საქმიანობას წარმოუდგენლად მიიჩნევდა. იყვნენ, აგრეთვე, სტუდენტები, რომლებიც შაჰის მთავრობამ სასწავლებლად გა-

აგზავნა. უცხოეთში მათი დაფინანსება პოტენციური შფოთის-
თავეების თავიდან მოშორებას და, მეორე მხრივ, ხელისუფლები-
სადმი მადლიერების მიღებას ემსახურებოდა.

საეაქის ცენტრალურ აპარატში ამერიკელთა მუდმივი მისია
ფუნქციონირებდა, ასევე, შტატებში აქტიურად მოქმედებდა სა-
ეაქის ბიურო მანსურ რაფიზადეს ხელმძღვანელობით. ამდენად,
სასწავლებლად მეოფი სტუდენტების შესახებ საეაქს სრული
ინფორმაცია მოეპოვებოდა. თუმცა მორჩილი მასის ნაცვლად ამ
სტუდენტებისგან შაჰმა მოგვიანებით მეგრძოლი ახალგაზრდო-
ბა მიიღო, რომელმაც მას და ამერიკულ ინტერესებს ირანული
და ამერიკული ქუჩებიდან შეუპოვარი წინააღმდეგობა გაუწია.
ძნელია ისტორიაში სხვა ისეთი მაგალითის მოძებნა, როცა გა-
ნათლების მიმცემ ქვეყანას ასეთი დიდი რაოდენობით ადამიანი
მოკლე დროში ესოდენ უკომპრომისო მოწინააღმდეგედ გადაექ-
ცა. შემდგომი მოვლენების განვითარებაში ამ ირანულმა ფენო-
მენმა გამორჩეული როლი შეასრულა.

ფარაჰ ფაჰლავიმ თავის მემუარებში აღიარა:

*‘საეაქის ზოგმა აგენტმა უდავოდ გადააჭარბა მისთვის
მინიჭებულ უფლებამოსილებას და გაუმართლებელი
საქციელი ჩაიდინა, რითაც უნებურად მეფისა და მო-
ნარქიის მორალურ სახეს ზარალი მიაყენა’¹⁰.*

მისი მტკიცებით, გარკვეული დროის შემდეგ ჩაფიქრებული იყო
საეაქის რეორგანიზაცია და მისი გადაქცევა ამერიკული და
ბრიტანული უშიშროების სამსახურების მსგავს უწყებად. 1977
წელს ვითარება მართლაც შეიცვალა: უცხოეთის პოლიტიკური
მოღვაწეების მიერ ადამიანის უფლებების საკითხის წინ წამო-
წევამ და საერთაშორისო უფლებადამცველი ორგანიზაციების
მიერ ირანის შესახებ მკვეთრად უარყოფითი მოხსენების შემ-
დეგ შაჰმა 357 პოლიტიკური პატიმარი გაათავისუფლა. საპყრო-
ბილეს კარები პირველად გაიღო ‘ემნესთი ინტერნეშნალის’ თუ
‘წითელი ჯერისა და წითელი ნახევარმთვარის’ ორგანიზაციის
წარმომადგენლებისთვის. მცირე ხანში დისიდენტური ტიპის
მწერალთა ასოციაციამ დარბევების და დაპატიმრებების გარე-
შე პირველი შეკრება ჩაატარა. ნოემბერში ჟურნალი ‘თაიმი’ აღ-
ნიშნავდა, რომ ‘მთავრობამ პოლიციური სახელმწიფოდან უფ-
რო ფართო პიროვნული თავისუფლებების დამკვიდრებისკენ მი-
მართული ნაბიჯები გადადგა’¹¹. თუმცა ერთპარტიული პოლი-
ტიკური სისტემის პირობებში საეაქი აბსოლუტური მონარქიის
ძირითად დასაყრდენად ბოლომდე დარჩა.

როგორც სამხედროების, ასევე საეკლესიო მეთაურებმა შაჰის ნდობა გაამართლეს და მონარქიის მიმართ მართლაც ერთგულების მაღალი დონე გამოავლინეს. ფაჰლავი მათ ყოელისშემძლეობაში იმდენად დარწმუნებული იყო, რომ ამაყად აცხადებდა:

ჩემს დამხობას ვერაფერს შესძლებს. ჩემს უკან 700 000 ჯარისკაცი დგას¹.

თუმცა სამსახურის 22 წლიანი არსებობის მანძილზე საეკლესიო დირექტორის თანამდებობაზე ნამყოფი ოთხი გენერლიდან ძალადობრივი სიკვდილის თავის აცილება ვერც ერთმა მათგანმა ვერ შესძლო: თემურ ბახთიარი შაჰის ხელისუფლებამ მოაკლევინა, ხოლო ჰასან ფაქრავანი, ნემათოლა ნასირი და ნასერ მოყადამი რევოლუციურ ტერორს შეეწირნენ.

¹ 'თაიმი', 1978 წლის 27 ნოემბერი

² უილიამ სალივანი, 'მისია თეირანში', 1981

³ იქვე, გვ.74

⁴ ჯემს ბომფორდი, 'საიდუმლო ორგანიზაცია', 2001, გვ.124

⁵ პოსეინ ფარდუსთი, 'ფაჰლავთა დინასტიის აღმასვლა და დაცემა', 1999

⁶ რიშარდ კაპუშჩინსკი, 'შაჰინშაჰი', 1982

⁷ 'თაიმი' 1979 წლის 19 თებერვალი

⁸ 'შაჰინშაჰი', გვ.64

1964 წელს წამებას ვერც მომავალი პრეზიდენტი ალი აკბარ ჰაშემი-რაფსანჯანი გადაურჩა. მას საეკლესიო მეთაური მოსტეხეს.

⁹ 'თაიმი', 1979 წლის 19 თებერვალი

¹⁰ ფარაჰ ფაჰლავი, 'მარადიული სიყვარული', 2004, გვ. 238

¹¹ მუჰამედ რეზა ფაჰლავი, 'პასუხი ისტორიას', 1980, გვ.152

¹² ასაფ ჰუსეინი, 'ისლამური ირანი', 1985, გვ.124

1963 წლის 26 იანვარს შაჰმა საერთო-სახალხო რეფერენდუმზე რეფორმების ჩატარების საკითხი გაიტანა, რომელიც სოციალური, საგანმანათლებლო, ეკონომიკური და სასოფლო-სამეურნეო დარგების მოდერნიზაციას ისახავდა მიზნად. თვით რეფერენდუმის გამართვის ფაქტი იმას მიუთითებდა, რომ ქვეყნის შიგნით და გარეთ ფაქტადის ისეთი ლიბერალი მონარქის სახელის დამკვიდრება სურდა, რომელიც თავისი ახლოაღმოსავლელი კოლეგებისგან განსხვავებით მნიშვნელოვან გადაწყვეტილებებს ხალხის ნება-სურვილით იღებდა. იმის მიუხედავად, რომ ღონისძიების შედეგები ეჭვს არ იწვევდა, კენჭისყრა მაინც ორიგინალური მეთოდით ჩატარდა: ამომრჩეველს ბიულეტენის ჩასაგდებად ორი ყუთი შესთავაზეს, მათგან ერთს გარკვევით სიტყვა 'მოვაფეყ' (მომხრე) ეწერა, ხოლო მეორეს - 'მოხალფე' (მოწინააღმდეგე). სავაქის რეპრესიების ფონზე გასაკვირი არ იყო, რომ ხმების 99,6% შაჰის ინიციატივების მხარდამჭერად გამოცხადდა. ამით ხელისუფლებამ ცხოვრებაში რეფორმების გასატარებელი კარტ-ბლანში მიიღო.

ირანის ისტორიაში 6 ბაჰმანის რევოლუციის და თეთრი რევოლუციის სახელით შესულ ამ მოვლენას ქვეყნის განვითარების საქმეში ახალი ეპოქა უნდა დაეწყო. უპირველესად, მთავრობა შეუდგა მსხვილი მემამულეებისგან მიწების შესყიდვას და საბაზრო ღირებულებასთან შედარებით 30% ფასდაკლებით გლეხებისთვის მათ მიყიდვას. ამასთან, გლეხს საშუალება მიეცა, თანხა 25 წლის მანძილზე დაბალი საპროცენტო განაკვეთით გადაეხადა. ამ გზით დაახლოებით ცხრა მილიონ ადამიანს სოფლად ფეოდალისგან გათავისუფლების საშუალება მიეცა. რეფორმების მეორე პუნქტის შესაბამისად, გამოცხადდა ტყის ნაციონალიზაცია და გატარდა ღონისძიებები ხეების მასობრივი განაშენიანებისთვის. ხელისუფლებამ ასევე დაიწყო სახელმწიფოს კუთვნილებაში არსებული ფაბრიკა-ქარხნების გადაცემა კერძო მფლობელობაში, რასაც ახალი სამრეწველო კლასის ჩამოყალიბებისთვის უნდა შეეწყო ხელი. წერაკითხვის უცოდინრობის აღმოსაფხვრელად 'განათლების კორპუსი' შეიქმნა, აგრეთვე სოფლად გავრცელებული დიფტერიის, მალარიის, ტუბერკულოზის და ქოლერის დაავადებების წინააღმდეგ საბრძოლველად 'ჯანმრთელობის კორპუსი' ჩამოყალიბდა, სადაც ჯანდაცვის სფეროს ათასობით სპეციალისტი შევიდა. ახლად-დაკომპლექტებულ 'რეკონსტრუქციის და განვითარების კორ-

პუბს' გლეხებისთვის ფერმერობის ახალი მეთოდების სწავლება დაეწყო. შესაბამისი ფონდის მეშვეობით პროფინციებში შეუდგნენ სკოლების, ბიბლიოთეკების და საზოგადოებრივი აბანოების მშენებლობას, აგრეთვე, წყლის საქანების და დენის გენერატორების დამონტაჟებას. დაწყებით სკოლაში სწავლა სავალდებულო და უფასო გახდა. დაიწყო მუშაობა სოციალური უსაფრთხოებისა და დაზღვევის სისტემის შესაქმნელად, რომელიც პენსიაზე გასვლის შემდეგ მოქალაქისთვის ხელფასის 100%-ით მიცემას ითვალისწინებდა.

გამოიცა შაჰის ბრძანებულება ქალებისთვის საარსებო უფლების მინიჭების შესახებ, რასაც კიდევ რამდენიმე ნოვატორული კანონი დაემატა. საოჯახო სამართალში შეტანილი ცვლილებების შემდეგ განქორწინების და ბავშვის პატრონაჟის საკითხების გადაწყვეტისას ქალს მამაკაცთან გათანაბრებული უფლება მიეცა. მრავალცოლიანობის ზღვარი აღრინდული ოთხის ნაცვლად ახლა ორით განისაზღვრა, ამასთან, მეორე ცოლის მოყვანა მხოლოდ პირველი მეუღლის თანხმობის შემთხვევაში გახდა შესაძლებელი¹. დროებითი ქორწინების ინსტიტუტი სიღეაიკრძალა.

ერთი დეკადის განმავლობაში წერა-კითხვის უცოდინართა პროცენტული მაჩვენებელი ორჯერ შემცირდა, მოსწყელეთა რაოდენობა კი ოთხჯერ გაიზარდა. სიკვდილიანობა 1000 კაცზე 25-დან 16-მდე შემცირდა, ხოლო სიცოცხლის საშუალო მაჩვენებელი 10 წლით მოიმატა და 51 წელს მიაღწია. პოლიკლინიკების რიცხვი 80%-ით გაიზარდა, აფთიაქების – 50%-ით. თუმცა საზღვარგარეთ ევალიფიცირებული პერსონალის გადინებაც თვალშისაცემი გახდა. ხუთი წლის მანძილზე უცხოეთში ხუთჯერ მეტი უმაღლესი სამედიცინო და ტექნიკური სფეროს სპეციალისტი წავიდა, რომელთაგან ბევრი უკან აღარ დაბრუნებულა. ხუზისტანის ნავთობის ექსპლუატაციისგან ირანის შემოსავლებმა 12 წელიწადში 11-ჯერ იმატა და 3,4 მილიარდ დოლარს მიაღწია. არაბ-ისრაელის 1973 წლის ოქტომბრის ომის შემდეგ გადაუმუშავებელი ნავთობის ფასმა ბარელზე 3 დოლარიდან 11,6 დოლარამდე აიწია, შესაბამისად, ნავთობის საბიუჯეტო შემოსავლები თითქმის გაოთხმაგდა. ამუშავდა ნავთობგადამამუშავებელი ქარხნები შირაზში, ქერმანში და თეირანის რაიონში, გაფართოვდა აბადანის ქარხნის მუშაობის მოცულობა. კუნძულ ხარკზე კი სათანადო ინფრასტრუქტურის განვითარების შედეგად პორტს საათში 40 ათასი ტონა ნავთობის მომსახურების საშუალება მიეცა.

ამერიკის შეერთებული შტატების ადმინისტრაციამ ირანი განვითარებული ქვეყნების ნუსხაში შეიტანა, ამიტომ თავდაპირველი წლიური 29 მლნ დოლარის ოდენობის ეკონომიკური დახმარება 1967 წელს სრულად შეუწყვიტა. მცირე ხანში საზღვარგარეთ საფინანსო დახმარების აღმოჩენა თვით ირანმა დაიწყო. 1974 წელს შაჰმა თავისი ახალი მიზანი დაასახელა:

‘ახლო აღმოსავლეთში პირველობა საკმარისი არ არის, ჩვენ მსოფლიოს მქლავრი სახელმწიფოების დონეზე უნდა ავიდეთ’.

მისი პროგნოზით, ათ წელიწადში ეკონომიკური განვითარების დონით ირანი გერმანიას დაეწოდა, ხოლო XXI საუკუნის დასაწყისში საუკეთესო ხუთეულში დაიკავებდა ადგილს.

1960-70 წწ. სპარსეთის ყურის მთელი რეგიონი სწრაფ ეკონომიკურ აღმასვლას განიცდიდა. ნავთობით მდიდარი არაბული სამეფოები ერთ დიდ სამშენებლო კომპლექსად გადაიქცა. იგივე ხდებოდა ირანშიც. ფრანგი ჟურნალისტი ედუარ საბლიე ასე აღწერდა ნანახ შთაბეჭდილებებს:

‘დასახლებული პუნქტები სოკოებივით მომრავლდა. ყველგან შენობა-ნაგებობები და გზები იგება. დედაქალაქის ცენტრში თხუთმეტსართულიანი შენობები აღმოცენდა. ცხოვრების დონე სწრაფად იზრდება. მრეწველობის განვითარების მხრივ ირანს მხოლოდ იაპონია უსწრებს’.

ასეთ ვითარებაში შაჰმა საჭიროდ მიიჩნია თავისი პიროვნების წინ წამოწევა. მონარქიის მეტი პოპულარიზაციის მიზნით უცხოელ სტუმართა მონაწილეობით მან არაერთი გრანდიოზული ღონისძიება გამართა, მათ შორის 1967 წელს სამეფო კორონაცია და 1976 წელს ფაქლავის დინასტიის დაარსების 50 წლისთავი. 1971 წლის ოქტომბერში კი მან ირანი რამდენიმე დღით მსოფლიოს მიზიდულობის ცენტრად აქცია. ათეულობით სახელმწიფოს მეთაურთა თანდასწრებით სპარსეთის უძველეს დედაქალაქ პერსეპოლისში მონარქიის 2500 წლოვანი ისტორიის აღსანიშნავი ზეიმი ჩატარდა⁴.

ქალაქის ნანგრევების წინ სამი უზარმაზარი სამეფო კარვის და 59 მცირე ზომის კარვისგან დიდი ბანაკი გაშენდა. ხიზილალის გარდა ყველა საკეები პროდუქტი ევროპიდან იქნა ჩატანილი. 25 ათასი ღვინის ბოთლი, ისევე როგორც ბაკარას ჭიქები და სერაღინ ღვინის ჭურჭელი საფრანგეთიდან გატანა⁵. პარიზის რესტორანმა ‘მაქსიმამ’ ირანში 165 მზარეული მიაგვლინა, რომლებმაც მეფის ოჯახს და სტუმრებს ფარშეკანგის მკერ-

დი მთავრად. ლანგინმა სასახლის კარის პერსონალისთვის საგანგებოდ 50 ახალი ტანსაცმელი მოამზადა, ელისაბედ არდენმა კი ახალი კოსმეტიკური ნაწარმი 'ფარაქი' გამოუშვა. სხვა მხრივ, უმაღლეს დონეზე ორგანიზებული ბანკეტების გარდა ორი ღირსშესანიშნავი მოვლენა მოხდა.

ქურუმ მეფის საფლავთან მუჰამედ რეზა შაჰი მგზნებარე სიტყვით გამოვიდა:

'ახლა, როდესაც ირანი თავის ისტორიასთან კავშირის აღდგენისთვის იღვწის, ჩვენ აქ მოვედით, რათა მთელი ხალხის უდიდესი მადლიერება გამოუხატოთ ისტორიის უკვდავი გმირის, მსოფლიოში პირველი იმპერიის დამაარსებლის, დიდი განმათავისუფლებლის, კაცობრიობის ღირსეული შეილის წინაშე'.

შემდეგ მოეწყო სპარსეთის ისტორიის უნიკალური ექსპოზიცია. ქვეყნის სხვადასხვა ეპოქის ამსახველი სამხედრო აღჭურვილობით 1700-ზე მეტმა ჯარისკაცმა საზეიმო აღლუმში მიიღო მონაწილეობა. აქ იყვნენ ძველი მიდიელები, აქემენიანი ფეხოსნები, პართიელი კავალერისტები, სეფიანთა არტილერისტები, ასევე ბაქტრიულ აქლემებზე და ბრიტანულ ტანკებზე ამხედრებული მეომრები, თანამედროვე სამხედრო მოსამსახურე ქალები და ავიაციის პილოტები. ფაქლავი კიდევ ერთხელ ადასტურებდა ძველი სპარსეთის იმპერიის მემკვიდრეობას და ქურუმის პერიოდის იდეალიზაციით ირანის დიდების დაბრუნების პირობას დებდა. ამ პოლიტიკამ აპოგეას 1976 წლის 31 მარტს მიაღწია, როცა შაჰმა ახალი, იმპერიული კალენდარი შემოიღო: მზის ისლამური პიჯრის კალენდარი, რომელიც ათეულას მექიდან მედინაში წინასწარმეტყველ მუჰამედის გადასვლის თარიღიდან იღებდა, მან მონარქიული კალენდრით ჩანაცვლა, სადაც წელთაღრიცხვა ქურუმის გამეფებიდან იწყებოდა. 1355 წელი ირანში უცბად 2535 წლით შეიცვალა⁷.

ფაქლავისეული დიადი ცივილიზაციის გეგმით გათვალისწინებული ამბიციური და შორსმხედველი პროექტები საგარეო სფეროსაც მოიცავდა. შაჰის ჩანაფიქრით, ინდოეთის ოკეანის ზონაში დასაველეთ ევროპის თანამეგობრობის მსგავსი ორგანიზაცია უნდა ჩამოყალიბებულიყო, სადაც ირანიდან სინგაპურამდე რეგიონის ყველა ქვეყანა შევიდოდა მომავალში ინდოჩინეთის ნახევარკუნძულის და აფრიკის სახელმწიფოების ჩართვის პერსპექტივით⁸. სხვა პროექტით, თეირანი დასაველეთ ევროპასა და შორეულ აღმოსავლეთს შორის ძირითად სატრანზიტო პუნქტად უნდა გადაქცეულიყო. ამ მიზნით კომპანია 'ირან ვირმა'

წინასწარი თანხმობა განაცხადა 1978 წლისთვის კონკორდის ტიპის ორი თვითმფრინავის შესყიდვაზე. ეს ირანული ორგანიზაცია მსოფლიოს წამყვანი ავიაკომპანიების რიცხვში უნდა შესულიყო.

შიდაპოლიტიკურ ცხოვრებაში შაჰმა ორპარტიულობის გაუქმება გადაწყვიტა. ჯერ კიდევ 1950 წწ. ბოლოს ამერიკული სისტემის მიბაძვით თავის მხარდამჭერ მაღალი რანგის პირებს მან ორი პარტიის შექმნა დააეხლა. ვინაიდან განსხვავებული მსოფლმხედველობის მქონე ორგანიზაციები არაღეგალურად იყო გამოცხადებული, სასახლის კარის სატელიტ პარტიებს კონკურენციის შთაბეჭდილება უნდა შეექმნათ. პიროვნული მიზეზის გამო ლიდერებს შორის ერთმანეთის მიმართ რეალური ქიშის შექმნევაშიც მონარქიისადმი მათი მხარდაჭერა სრული და უპირობო უნდა ყოფილიყო. შაჰის პირადი მეგობარი და მომავალი პრემიერ-მინისტრი ასაღოლა ალაში პარტია 'მარდომს' (ხალხი) ჩაუდგა სათავეში, ხოლო მოქმედი პრემიერი მანუჩერ ეყბაღი - პარტია 'შელიუნს' (ნაციონალისტები). თუმცა ეს ორივე პარტია მხოლოდ ქაღალდზე არსებობდა და ქვეყნის ცხოვრებაში რაიმე გავლენით არ სარგებლობდა. პლურალისტული პოლიტიკური გარემოს იმიტაციას ფაქლავი განსაკუთრებით დასაველეთში საჯარო გამოსვლებისას თავისი მმართველობის სარეკლამოდ იყენებდა.

'შე რომ დიქტატორი ეყოფილიყავი, პიტლურის მსგავსად ერთ დომინანტ პარტიას დაეფინანსებდი';

განაცხადა მან 1961 წელს. როგორც ჩანს, 14 წლის შემდეგ შაჰის წარმოდგენა დიქტატურის შესახებ მნიშვნელოვნად შეიცვალა. იმ ვითარებაში, როცა სწრაფი ეკონომიკური პროგრესის გამო შაჰის პიროვნება მსოფლიოში მზარდ ინტერესს იწვევდა, ხელისუფლებამ ორპარტიულობის თამაში დაასრულა და ერთი ძლიერი ცენტრალიზებული პოლიტიკური დაჯგუფების შექმნა გამოაცხადა. ამიერიდან 'რასთოხი-ი' (აღორძინება) სავალდებულო წესით ყოველი ირანელის ნავსაყუდელი უნდა გამხდარიყო. ყველა სოციალური ფენის წარმომადგენელი - სახელმწიფო მოხელე, ვაჭარი, ხელოსანი, სტუდენტი თუ მასწავლებელი მასში უნდა გაწევრიანებულიყო. ქვეყანაში შექმნილი ახალი რეალობა შაჰმა მკაფიო სიხისტით ჩამოაყალიბა:

"ირანელებს ჩვენ ორ კატეგორიად ეყოფთ - მონარქიის, კონსტიტუციის და ექვსი ბაჰმანის რეეოლუციის ერთგულებად და არაერთგულებად. პიროვნებას, რომელიც ახალ პოლიტიკურ პარტიაში არ შევა, ორი

გზა რჩება: მას, როგორც არაღმკაცრად ორგანიზაციის, კანონგარეშე 'თუღეს' წევრს ანუ მოღალატეს ირანის საპატიმრო ელის ან სურვილის შემთხვევაში მას ხეაღმკაცრად ქვეყნის დატოვება შეუძლია. ის უკვე არ არის ირანელი, ის უსამშობლოა, ხოლო მისი საქმიანობა კანონის თანახმად დასჯას ექვემდებარება⁹."

განსხვავებული აზრისადმი შაჰის ნულოვანმა შემწყნარებლობამ სავაქს ახალი მასშტაბური დაპატიმრებების ტალღის აგორების საშუალება მისცა, რომლის მსხვერპლი შემოქმედებითი ინტელიგენციის ბევრი წარმომადგენელი გახდა. 'რასთოხიზის' შექმნით ადამიანებს აიძულებდნენ არა მხოლოდ მასში შესვლას და საწევრო შესატანის გადახდას, არამედ ზოგადად კიდევ უფრო მეტად პოლიტიკურ გარემოსთან შეგუებას. იმის მიუხედავად, რომ შაჰის მხარდამჭერებმა ერთი წლის თავზე სიამაყით გამოაცხადეს ირანის 33 მილიონი მოსახლეობიდან პარტი-აში 23 მილიონი ადამიანის გაწევრიანების შესახებ, ბიუროკრატიულმა სისტემამ მხოლოდ ერთი დანამატი მიიღო, რომელიც რეალური ფუნქციებს მოკლებული იყო.

პარტიის გენერალურ მდივნად თავდაპირველად პრემიერ-მინისტრი ამირ აბას ჰოვეიდა დაინიშნა, რომელსაც აბსოლუტური მონარქიისა და მძლავრი სავაქის პირობებში საკმაოდ შეზღუდული ძალაუფლება გააჩნდა. პროფესიონალი დიპლომატი ჰოვეიდა სამეფო კარზე არაერთგვაროვანი რეპუტაციით სარგებლობდა. გაელენისათვის მიმდინარე შიდაინტრიგების დროს ძმები ჰოვეიდების დაჯგუფებას მამა-შვილ ზაჰედების კლანთან, აგრეთვე, სასახლის კარის ვაზირის ასადოლა ალამის გარემოცვასთან მტრული დამოკიდებულება ჰქონდა. რამდენადაც ჰოვეიდა თავისუფალ მასონთა წრის ფორულის ღოვას წარმოადგენდა, ალამი ანტიმასონური ხასიათის წიგნების გავრცელებას აფინანსებდა, სადაც ჰოვეიდას სახელიც ფიგურირებდა. თუმცა შაჰი თავის საკადრო პოლიტიკას სწორედ ერთმანეთის გამაწონასწორებელ დაპირისპირებულ ბანაკებს შორის ლავირებით აწარმოებდა. აშშ-ში თავისი მუდმივი წარმომადგენლებიც მან ამ პრინციპით მიაღწინა: პრემიერის ძმა ფერეიდუნ ჰოვეიდა გაეროში, ხოლო თავისი სიძე არდეშირ ზაჰედი – ელჩად ვაშინგტონში.

13 წლის მანძილზე პრემიერ-მინისტრის თანამდებობაზე მყოფი ამირ აბას ჰოვეიდა შაჰის კარზე ერთ-ერთი იშვიათი გამონაკლისი იყო, რომლის სახელი რომელიმე ხმაურიან კორუფციულ საქმესთან არ ასოცირდებოდა. ბუნებით თავმდაბალი ჰოვეიდა

მძღოლის მომსახურეობაზეც კი უარს ამბობდა და ნაკლებად კომფორტულ ირანულ სამსახურეობრივ ავტომანქანას თავად მართავდა¹⁰. შაჰთან მას უჩვეულოდ არაფორმალური ურთიერთობა აკავშირებდა – საუბრის დროს ხშირად ერთად ვისკის მიირთმევდნენ და მიწის თხილს შეექცეოდნენ. პირადი ოპონენტები ჰოვეიდას თავს ესხმოდნენ არაირანულ ძალებთან მისი კონტაქტის გამო, თუმცა გავლენიანი სამთავრობო თანამდებობის მისაღებად მასონთა წრეში არაერთი მოღვაწე შედიოდა. ამასთან ერთად ჰოვეიდას ბაჰაის სექტანტობაში დებდნენ ბრალს, რასაც თავად პრემიერი უარყოფდა.

ირანში მასონთა ლოჟის მეთაური ორგზის პრემიერ-მინისტრი ჯაფარ შარიფ-ფემამი იყო, რომელიც აღიარებულ კორუმპირებულ ჩინოსნად ითვლებოდა. სხვადასხვა ბიზნესსაქმიანობიდან წილის მიღების გამო მას მეტსახელად მისტერ 5% დაარქვეს. 'ფაჰლაეის ფონდის' ხელმძღვანელობის დროს მან დიდი როდენობით თანხა მიითვისა, რომლის უცხოეთში გადაგზავნა წარმატებით შესძლო. თვით 'ფაჰლაეის ფონდი' 1958 წელს შეიქმნა და სამეფო დინასტიის წარმომადგენელთა ბიუჯეტად იქცა, სადაც შავ ფულთან ერთად ლეგალური ფულადი ოპერაციების არაოფიციალური საკომისიო გადასახადი ილექებოდა. არსებობის ოცი წლის განმავლობაში ფონდის ანგარიშზე ფანტასტიური ოდენობის თანხების აკუმულირება მოხდა. შაჰის ოჯახი საზღვარგარეთ დიდძალ უძრავ ქონებას ფლობდა: რამდენიმე პექტარი მიწის ფართობს ავსტრალიაში, პატარა კუნძულს იტალიის სანაპიროსთან, მიწის დიდ ნაკვეთს ჟენევის ტბის პირას, ზამთრის კურორტს შვეიცარიის ალპებში, სახლებს ლონდონში, პარიზში, მანჩესტერზე და სეიშელის კუნძულებზე. ზოგი შეფასებით, ფაჰლაეთა უძრავი ქონების ფასი 32 მლრდ დოლარს აჭარბებდა¹¹.

შაჰის გარემოცვა აკონტროლებდა ყველაზე მსხვილი სასტუმროების თეპრან ჰილტონის, ხაზარ ჰაიათის, მეშჰედ ჰაიათის და არიაშერატონის რესტორნების, სამორინეების და ღამის კლუბებიდან მიღებულ შემოსავლებს. მოგვიანებით ცნობილი გახდა აგრეთვე ფაჰლაეთა წილის შესახებ სხვა ორგანიზაციებში: უმრან ბანკი, ირანშაჰრ ბანკი, დარიუშ ბანკი, შაჰრიარ ბანკი, ქურუშის საკრედიტო-შემნახველი ბანკი, ეკბატანის საკრედიტო-შემნახველი ბანკი, ჯენერალ მოტორსის ირანის ფილიალი, ალუმინის ქარხნები, ხუზისტანის და ფარსის ცემენტის ქარხნები, ფარსის, აჰვაზის, შაჰაბადის, ქერმანშაჰის და ლურისტანის შაქრის ქარხნები და ა.შ. 'ნიუ-იორკ თაიმსის' თანახმად, შაჰის

ოჯახის სიმდიდრის შედარება მხოლოდ როკფელერის, საუდის არაბეთის მეფე ფაჰდის და ქუვეითელი ემირის ალ-საბაჰის ქონებასთან შეიძლება¹², თუმცა თვით შაჰმა 1980 წლის დასაწყისში ტელეკომპანია 'ეიზისისთან' ინტერვიუში 100 მლნ დოლარის ფლობა აღიარა.

6 ბაჰმანის რევოლუცია ხელისუფლების სავიზიტო ბარათად იყო ქცეული. საგანი მის შესახებ სკოლაში ცალკე ისწავლებოდა, კრიტიკა კი, ისევე როგორც ზოგადად შაჰის პოლიტიკის ოპონირება, დასჯად დანაშაულთა რიცხვში შედიოდა. უსომო პოლიტიკების გამო რეფორმების ობიექტური შეფასება შეუძლებელი იყო, თუმცა რეფერენდუმიდან დაახლოებით 12 წელიწადში საზოგადოების სხვადასხვა ფენაზე მისი შედეგების გაელენა თანდათან გამოიკვეთა.

სოფლად მიწის რეფორმა იმგვარად განხორციელდა, რომ ბევრი ახალი მიწისმფლობელი იძულებით ქალაქში გაიქცა: გლეხების 73%-მა ფერმერული საკმიანობისათვის აუცილებელ ფართობზე ნაკლები მიწა მიიღო. ზოგან მიწა მათ სესხის გადაუხდელობის გამო დაკარგეს. საირიგაციო სისტემა, რომლის შეკეთებას ადრე მემამულეები უზრუნველყოფდნენ, სიძველის ან უკმაყოფილო ფეოდალების მხრიდან საბოტაჟის გამო მწყობრიდან გამოვიდა. ტრადიციული სასოფლო-სამეურნეო ცხოვრების მოშლის შედეგად ბევრი ადამიანი უსაქმოდ, უშემოსავლოდ და ბუნდოვანი პერსპექტივის წინაშე აღმოჩნდა. უკეთესი ცხოვრების იმედად ისინი ქალაქში მიემართებოდნენ. ურბანიზაციის ტემპები ისეთი მაღალი აღმოჩნდა, რომ ქალაქებში, მათ შორის თეირანის სამხრეთ ნაწილში, ქოხმახები გაჩნდა. მაგრამ ინტენსიურმა საგზაო მოძრაობამ და მშენებლობებმა პროვინციიდან ჩამოსულს უცხო გარემოში მოხვედრის განცდა შემატა. ხელისუფლება ამაყობდა თეირანში არსებული ავტომანქანების რაოდენობით, რაც ფინანსურად ძლიერი ადამიანების ღიდი რიცხვის შთაბეჭდილებას ქმნიდა, მაგრამ ამავე დროს დედაქალაქში, რომლის მოსახლეობამ ბოლო ოცი წლის მანძილზე 1,5 მლნ-დან 4,4 მლნ-ს მიაღწია, საკანალიზაციო სისტემა არ არსებობდა. იმის ფონზე, რომ ქალაქებში მრავალსართულიანი სახლების მშენებლობის ბუმი იდგა, 66 ათასი სოფლიდან მიღებით წყალი მხოლოდ სამი ათასში იყო შეყვანილი¹³. ტრადიციების მოყვარული ირანელები, რომლებიც უწინ ეზოს მაღალი კედლის მიღმა სხვის თვალისგან დაუნახავად ინტიმურ გარემოში ცხოვრობდნენ, საცხოვრებელ კორპუსებს ამრეზით უყურებდნენ.

ვაჭართა ფენა მათ ბიზნესში ხელისუფლების ადმინისტრაციულმა ჩარევამ სერიოზულად დააზარალა. 1975 წელს განსაკუთრებით ფართო კამპანია ჭარბი შემოსავლების წინააღმდეგ განაღდა, რაშიც, მაგალითად, სპეკულაციური მიზნებისათვის ტონობით სავაჭრო საქონლის შენახვაც იგულისხმებოდა. მხილებული პირები სახელმწიფოს მტრებად გამოცხადდნენ და მკაცრად დაისაჯნენ. ქვეყანაში დაწყებული ინფლაციური პროცესები უფრო მტკივნეული აღმოჩნდა. იაპონიამ და დასავლეთ ევროპის რამდენიმე სახელმწიფომ ირანული ნავთობის იმპორტის ოდენობა შეამცირა, ირანში შემომავალი სამრეწველო საქონლის ფასი კი გაიზარდა. შესაბამისად, შემოსავლების კლების პარალელურად ბიუჯეტის ხარჯვითმა ნაწილმა მატება დაიწყო, რამაც ხუთწლიანი გეგმით გათვალისწინებული სხვადასხვა პროექტების შესრულება შეუძლებელი გახადა. ინფლაციამ შავი ბაზარი ააყვავა და ლეგალური ბიზნესი დააქინა. დაბალპროცენტიანი სესხების გაცემის შენეებით მთავრობამ მცირე მეწარმეებს დიდი დარტყმა მიაყენა. უძრავ ქონებაზე ფასების სავალდებულო დაკლებით კი საშუალო ფენას შემოსავალი შეუმცირდა. საერთო ჯამში, ეკონომიკური მდგომარეობის შეცვლით ღარიბებმა და ფიქსირებული შემოსავლის მქონე მოქალაქეებმა იზარალეს, ხოლო მდიდრებმა იხიერეს. 1976 წლის ოქტომბერში შავი იძულებული გახდა პრობლემები ეღიარებინა და თანამემამულეებისადმი მოწოდებით გამოსულიყო:

‘ყველამ მეტი უნდა იშრომოს. ეროვნული ინტერესებისათვის საჭიროა სირთულეების გადასატარად მომზადება’¹⁴.

თეირანის სამხრეთ ნაწილის გადატაკების სანაცვლოდ ჩრდილოეთ უბნებში უმდიდრესი სასახლეები წამოიჭიმა. 6 ბაჰმანის რეეოლუციამ ძველი პოლიტიკური გეარდია ახალი ევსტერნიზებული ელიტით ჩაანაცვლა. ამერიკაში და ევროპაში წლების მანძილზე ნაცხოვრები წარჩინებული ირანელები სპარსულ ღირებულებებს ავადებულად უყურებდნენ და თავიანთი იდეებით და ქცევებით საზოგადოების ძირითად ნაწილს მკვეთრად ემიჯნებოდნენ¹⁵. მათ არ იცოდნენ, სად წაეღოთ იოლად ნაშოენი ფული და ძირითადად თავიანთი საცხოვრებელი კვარტლების სიახლოვეს მომრავლებულ სამორინეებს და ღამის კლუბებს სტუმრობდნენ, ბავშვებს სასწავლებლად საზღვარგარეთ უშვებდნენ, თვითონაც თავისუფალ დროს იქ ატარებდნენ. მაღალჩინოსნები კერძო თვითმფრინავით ევროპაში სასადილოდ მიემგზავრებოდნენ და ფეშენებლურ რესტორანში მოლხენის შემ-

დევ რამდენიმე საათში უკან ბრუნდებოდნენ. ამასთან, საკუთარი ფუფუნების საქვეყნოდ დემონსტრირებას ისინი განსაკუთრებულ ყურადღებას უთმობდნენ, რის საპასუხოდ სხვებისგან მხოლოდ კრძალვის და პატივისცემის გამოხატვას ელოდნენ.

ქვეყნიდან ინტელექტუალური პოტენციალის გადინების პროცესი მზარდი ტემპით მიმდინარეობდა, პარალელურად კი მოწვეულ უცხოელ სპეციალისტთა რაოდენობა მატულობდა. მხოლოდ ტექნიკურ სფეროში 26 ათასამდე უცხოელი მოქალაქე მუშაობდა, რომელიც ადგილობრივი კოლეგისგან შედარებით მეტ ანაზღაურებას იღებდა.

სტუდენტების და საზოგადოების დისიდენტური ნაწილის მოლოდინი რეჟიმის ლიბერალიზაციასთან დაკავშირებით არ მართლდებოდა. სიტყვის თავისუფლების და პოლიტიკური უფლებების მიღების ნაცვლად ისინი, პირიქით, დილემის წინაშე აღმოჩნდნენ – ციხე ან უცხოეთში გახიზვნა. სასახლის კარმა იცოდა, რომ საზოგადოებაში უკმაყოფილება იზრდებოდა. შაჰბანუმ უკვე 1975 წელს იგრძნო, რომ

‘მონარქიასა და ხალხს შორის არსებულ პარმონიას და ნდობას ერთგვარი ჩრდილი გადაეფარა’¹.

მაგრამ დროის გასვლასთან ერთად გაუცხოება მხოლოდ ღრმავდებოდა. სულ უფრო მეტი ადამიანი ასკენიდა, რომ რეჟიმები არ უკავშირდებოდა ქვეყნის კულტურას და ისტორიას და მიზნად დასაველეთის ცხოვრების სტილის დანერგვას ისახავდა.

ასეთ პირობებში ბევრი ირანელი მორალური ავტორიტეტის, მეჩეთის აზრს დაეწაფა.

¹ სორაია ესფანდიართან განშორება სწორედ იმ ფაქტმა განაპირობა, რომ უშვილო დედოფალმა უარი განაცხადა სხვა ქალზე შაჰის დაქორწინებისთვის თანხმობის მიცემაზე, რადგან მეორე ცოლად გახდომის იდეა მორალური პრინციპიდან გამომდინარე მან მიუღებლად ჩათვალა.

² აფშინ აფშარი, “შაჰი და ხალხი”.

³ ფარაჟ ფაქლაევი, “მარადიული სიყვარული”, 2004, გვ.214

⁴ სპარსეთის აქემენიანთა დინასტიის დაარსების წლად ძველი წელთაღრიცხვის 559 წელი ითვლება. საზეიმო ღონისძიების ჩატარებისთვის ხელი არ შეუშლია იმ გარემოებას, რომ იუბილეს აღნიშვნა მთელი დეკადით დაგვიანდა. ანალოგიურად, მეფედ კურთხევის ცერემონიალიც ტახტზე ასვლიდან 26 წლის შემდეგ გაიმართა.

- ⁵ თარიქ ალი, 'ფუნდამენტალისტთა შეჯახება', 2002, გვ.128
ლონდონის გაზეთ 'ინდეპენდენტში' 2008 წლის 30 დეკემბერს გამოქვეყნებული სტატიის ავტორის კეპელ მილმოს შეფასებით, ირანის ხაზინას პერსეპოლისში გამართული ზეიმი დაახლოებით 50 მლნ გირანქა სტერლინგის ექვივალენტი თანხა დაუჯდა.
- ⁶ 'მარადიული სიყვარული', გვ.220
- ⁷ მზის უძრავი კალენდარი ხუთი ათეული წლით ადრე მამა-თაძლები შემოიღო, რითაც მთვარის ციკლზე დაფუძნებული მოძრავი ისლამური კალენდარი შეცვალა. ეს უკანასკნელი არაბული სამყაროს ბევრ ქვეყანაში დღესდღეობით ოფიციალურად მოქმედებს, ირანში კი მხოლოდ რელიგიური დღესასწაულების აღსანიშნავად გამოიყენება.
- ⁸ 'თაიმი', 1974 წლის 3 ოქტომბერი
- ⁹ 'ქეიპანი', 1975 წლის 3 თებერვალი
- ¹⁰ 'მარადიული სიყვარული', გვ.260
- ¹¹ 'თაიმი', 1979 წლის 10 დეკემბერი
- ¹² 'ნიუ-იორკ თაიმი', 1979 წლის 27 დეკემბერი
- ¹³ 'თაიმი', 1979 წლის 10 დეკემბერი
- ¹⁴ ჟერეიდუნ პოვეიდა, 'შაჰის დაცემა', 1980, გვ.57
- ¹⁵ ამ ინტელიგენციის მიერ სპარსულ ენაში ღიდი რაოდენობით ბარბარიზმების დამკვიდრების მცდელობა ხანდახან პაროდულ სიტუაციას ქმნიდა. მაგალითად, 1970 წელს თეირანის ტელევიზიამ ამერიკული ტელესერიალის ჩვენება დაიწყო, რომელიც II მსოფლიო ომის პერიოდში ნაცისტების ზურგში მოქმედ კომანდო ჯგუფებს ეხებოდა. ფილმს 'პარტიზანები' ერქვა, მაგრამ სპარსულენოვანი შესატყვისის ('ჩერიკჰა') ნაცვლად ის ინგლისურიდან ნასესხები სიტყვით 'გორილჰა' თარგმნეს, რაც მაიმუნების ერთ-ერთ ჯიშს ნიშნავს.
- ¹⁶ 'მარადიული სიყვარული', გვ.261

ისლამი სპარსეთში მე-VII საუკუნეში არაბთა შემოსევის შემდეგ დაშვიდრდა, თუმცა შიიზმი სახელმწიფო რელიგიად მხოლოდ მე-16 საუკუნეში გამოცხადდა. რელიგიური განხეთქილების ძირითადი მიზეზი წინასწარმეტყველ მუჰამედის მემკვიდრეობა გახდა. შიიტთა რწმენით, მემკვიდრედ (ხალიფ) მუჰამედმა თავისი სიძე ალი დაასახელა, რომლის შთამომავლებს მუსლიმანთა სულიერი და პოლიტიკური ხელმძღვანელობა უნდა გაეგრძელებინათ. სუნიტებად წოდებულ მორწმუნეთა მეორე ნაწილი ისლამური მრევლის (უმმა) მიერ ხალიფის არჩევითობის პრინციპს იცავდა. სუნიტებმა ალის მომხრეები მწვალებლებად შერაცხეს, რიცხოვრივ უმცირესობაში მოაქციეს, დაამარცხეს და იმ დროიდან მათ სასტიკ დევნას შეუდგნენ. შიიტები, რომლებიც საკუთარ თავს ყოველგვარი სახის უსამართლობის წინააღმდეგ მებრძოლებად წარმოსახავდნენ, უპირველესად უზურპატორ ხალიფებს დაუპირისპირდნენ. მათ ცნობიერებაში ხალიფა იაზდის მიერ 680 წელს იმამ ალის შვილების ჰუსეინის და ჰასანის დახოცვა უდიდესი ტრაგედიის სახით შევიდა, რაც მას შემდეგ რელიგიურ ცერემონიალებს შორის ყველაზე ფართოდ აღინიშნება. შიიტური ისლამი მტრული გარემოს პირობებში განვითარდა, ამიტომ რწმენისათვის წამებულის ცნებამ თავიდანვე განსაკუთრებული დატვირთვა შეიძინა. სწორედ შიიზმის წიაღში წარმოიშვა ისმაილიტი ასასინების სექტა, რომლის სახელი ინდივიდუალური პოლიტიკური ტერორის პიონერობას უკავშირდება.

ფაქლავთა პერიოდში დაახლოებით 80 ათას მეჩეთში ორასი ათასამდე სხვადასხვა რანგის ღვთისმსახური მოღვაწეობდა, 300 სასულიერო სემინარიაში კი განათლებას 60 ათასამდე სტუდენტი იღებდა¹. სამღვდლოება შეძლებულ ფენას ეკუთვნებოდა, რომელიც დიდი რაოდენობით მიწას ფლობდა. შემოსავლის მნიშვნელოვან ნაწილს ასევე მრევლისგან მიღებული შემოწირულობები შეადგენდა. ტრადიციულად ღრმადმორწმუნე ირანულ საზოგადოებაში მეჩეთი წამყვან როლს თამაშობდა, მით უმეტეს, რომ განათლების და საოჯახო სამართლის სფეროებიც მის კომპეტენციაში შედიოდა. ფაქლავთა პოლიტიკა კი სამღვდლოების გაელენის შესუსტებას ითვალისწინებდა. სასულიერი პირთა წინააღმდეგობის დაძლევა, მათი მიწების ექსპროპრიაცია და შემოსავლების მითვისება რეზა შაჰმა ძალის გამოყენებით მოახდინა. მემკვიდრეობით მან შეიღწა 1000-მდე

სოფელი და ნაწილობრივ მეჩეთის ქონების ხარჯზე დაახლოებით ერთი მილიონი დოლარი დაუტოვა².

მუჰამედ რეზას მმართველობის დასაწყისში სამღვდლოება ძირითადად პოლიტიკაში ჩაურევლობის პრინციპით მოქმედებდა. ხანგამოშეებითი კრიტიკული გამოსვლების მიუხედავად ხელისუფლებას პრობლემებს არ უქმნიდნენ არც აიათოლა აბულყასემ ქაშანი და არც დიდი აიათოლა სეიდ კუსეინ ბურჟუერდი, რომლის გარდაცვალების შემდეგ შაჰმა სამღვდიანი საყოველთაო გლოვა გამოაცხადა. მოსადევთან დაკავშირებულ კრიისულ დღეებში ქაშანი თავის მხარდამკერებთან ერთად შაჰის მხარეზეც კი დადგა. მაგრამ 1962 წლისთვის, როცა ორივე გაღვნიანი სასულიერო პირი გარდაიცვალა, დამოკიდებულება სასახლის კარსა და მეჩეთს შორის შეიცვალა. წინა პლანზე აიათოლა ხომეინის მეთაურობით სამღვდლოების რადიკალური ნაწილი გამოვიდა.

აიათოლა ('ღვთის ნიშანი') შიიტურ იერარქიაში უმაღლეს სასულიერო წოდებას წარმოადგენს. მომავალი აიათოლას კარიერა ჩვეულებრივ შიიტთა წმიდა ქალაქებში არსებულ რელიგიურ სასწავლებელში იწყება³. ხანგრძლივი სწავლის შემდეგ სემინარიის სტუდენტი ხდება ექსპერტი თეოლოგიის, მეცნიერების, იურისპრუდენციის ან ფილოსოფიის საკითხებში, კითხულობს ლექციებს და ახდენს რელიგიური ტექსტების ბრძნულ და გამორჩეულ ინტერპრეტირებას. თანდათან ის იძენს მსმენელთა დიდ რაოდენობას, ხდება პოპულარული ღვთისმეტყველი და სწავლების, ქადაგების და წიგნების გამოცემის შემდეგ სარგებლობს პატივისცემით როგორც მრევლის, ასევე მასწავლებლების მხრიდან. თვით აიათოლებს შორის იერარქიული განსხვავება არ არსებობს. საქვეყნოდ აღიარებული აიათოლა კი ხდება დიდი აიათოლა (მარჯა), რომელსაც მრევლისთვის რელიგიური განკარგულებით (ფატვა) მიმართვის უფლება ეძლევა. ამდენად, ამა თუ იმ საკითხის გარშემო სასულიერო ლიდერებს შესაძლებელია განსხვავებული აზრი გააჩნდეთ, რომლის მიხედვით მათ პირობითად ლიბერალურ, კონსერვატიულ, ორთოდოქსალურ, ულტრაორთოდოქსალურ და ა.შ. ბანაკებს მიაკუთვნებენ.

რუჰოლა მუსავი წარმოშობით ისფაჰანის პროვინციის სოფელ ხომეინიდან იყო. მან ხომეინი მაშინ დაიარსა, როდესაც გეარების შემოღების შესახებ რეზა შაჰის ბრძანებულება გამოიცა. მამა რუჰოლას ექვსი თვის ასაკში გარდაეცვალა, ხოლო დედა – 15 წლის ასაკში, ამიტომ ნათესაებმა ობოლი ბავშვი სასუ-

ლიერო სკოლაში (მაქთაბ) შეიყვანეს. 60-იანი წლების დასაწყისისთვის ხომეინი ნეჯფუსა და ეუმში ფილოსოფიაში, ისლამის ისტორიასა და ეთიკაში ცნობილი ლექტორი იყო. შაჰთან მის ოპონირებას საფუძველად დაედო ხელისუფლების რამდენიმე ნაბიჯი, უპირველესად კი კანონპროექტი, რომლის მიხედვით არამუსლიმანს უფლება მიეცემოდა, პროვინციული საბჭოს კანდიდატი გამხდარიყო, ხოლო არჩევნებში გამარჯვების შემთხვევაში წარმომადგენლობით კრებაზე ფიცი ეურანის ნაცვლად სხვა წმიდა წიგნზე დაედო. ამიერიდან ებრაელს, ქრისტიანს თუ ზოროასტრიელს შესაძლებლობა ექნებოდა, ერთგულება შესაბამისად თორაზე, ბიბლიაზე და ავესტაზე დაეფიცა. სამღვდლოების მტკიცე პროტესტის შემდეგ ხელისუფლებამ კანონპროექტი უკან გაიწვია, მაგრამ ხომეინის მხრიდან კრიტიკის მორიგი ობიექტი რეფერენდუმზე გატანილ რეფორმათა პაკეტი იქცა. მან სასულიერო პირები ყუმში მიიწვია და შეხვედრის შემდეგ მორწმუნეებს რეფერენდუმის ბოიკოტის მოწოდებით მიმართა. სამღვდლოებას მიწის რეფორმა მტკივნეულად შეეხო. ვინაიდან მისი ზედა ფენა მსხვილი მიწათმფლობელების ოჯახებს ეკუთვნოდა, მეჩეთმა მნიშვნელოვანი მიწები და შემოსავალი დაკარგა. მის მფლობელობაში არსებული ობოლთა სახლები, სამშობიარო სახლები და სკოლები ხელისუფლებამ ახლა სამოქალაქო მართვა-გამგებლობას დაუქვემდებარა. საოჯახო სამართლის წარმოებაც შაჰმა სახელმწიფოს პრეროგატივად აქცია.

ხომეინიმ ხელისუფლების გეგმები სამღვდლოებაზე საბოლოო შეტევის დაწყებად შეაფასა:

ჩემი რელიგიური ვალდებულებაა, ირანელი ხალხის და მთელი მსოფლიოს მუსლიმანების წინაშე განვაცხადო, რომ წმიდა ეურანი და ისლამი საფრთხეშია. თუ მუსლიმანთა ფატალური სიზუმე გაგრძელდება, სიონისტები ქვეყნის მთელს ეკონომიკას დაეპატრონებიან და მუსლიმანურ სახელმწიფოს გაანადგურებენ.

მიწის რეფორმას ის განიხილავდა, როგორც ისრაელ-ამერიკული შეთქმულების ნაწილს, რომლის განხორციელებით მორჩილი შაჰი სპარსული აგრარული მეურნეობის მოსაშობას და დასაუფლების საქონლის გასაღებ ბაზრად ირანის გადაქცევას ისახავდა მიზნად. მან ხალხს მოუწოდა, რათა პროტესტის ნიშნად ახალი წელი (ნოურუს) არ ეხეიმა.

ავტოკრატიული მმართველობის პირობებში ფაქლავისთვის წარმოუდგენელი იყო მისი პოლიტიკის ესოდენ ხისტი კრიტიკა,

ამიტომ მან ხომეინის განუშემა სცადა. ყუმში ჩასული მისი ემისრები აიათოლას დაბეჯითებით ურჩევდნენ, სასულიერო საქმეებისათვის მიეხედა, პოლიტიკა კი პოლიტიკოსებისათვის დაეტოვებინა, მაგრამ მისგან მუდმივად ერთ პასუხს ისმენდნენ: 'მთელი ისლამი პოლიტიკაა'. მაშინ პოლიციამ ფაიზიეს სემინარია დაარბია, სადაც ხომეინი ლექციებს კითხულობდა. პასუხად ხომეინი შაჰის საწინააღმდეგო ტირადით გამოვიდა. 1963 წლის 3 ივნისს ყუმში მრავალათასიანი აუდიტორიის წინაშე სიტყვით გამოსვლისას ფაჰლაეის საწინაო და საგარეო პოლიტიკის მკაცრი დაგმობის შემდეგ მან უშუალოდ შაჰს მიმართა:

'შენი ცხოვრების 45 წელი უკვე გავიდა. არ დადგა დრო, რომ დაფიქრდე და მამაშენის ცხოვრება გაკეთ-თილად მიიღო?!.. ჩვენ უკვე გაგვიჭირდება შენი ატანა და აღარ მოგცემთ ამ გზით სვლის უფლებას'.

ბოლოს მან შაჰი შიიტი წმინდანების ჯალათს შეადარა და თანამედროვე იაზდი უწოდა. ხომეინი დააპატიმრეს, რის საპროტესტოდ ათასობით ადამიანი ყუმის, შირაზის, მეშჰედის და თეირანის ქუჩებში გავიდა. პოლიციასთან შეტაკებების და უწყსრიგობების დროს ექვს დღეში 400-მდე ადამიანი დაიღუპა. დაძაბულობა მხოლოდ საგანგებო მდგომარეობის შემოდების და მასობრივი რეპრესიების შემდეგ განიმუხტა.

ხომეინი ათი თვით შინაპატიმრობაში იმყოფებოდა, გათავისუფლების შემდეგ კი ფაჰლაეის ხელისუფლებას ის კელაე რადიკალურად დაუპირისპირდა. ამჯერად აიათოლას გამოსვლის მიზეზი მეჯლისში აშშ-სთან შეთანხმების დამტკიცება გახდა, რომლის საფუძველზე ირანში მყოფ ამერიკელ სამხედრო პირებს და სამოქალაქო კონტრაქტორებს ადგილობრივი მართლმსაჯულებისგან იმუნიტეტი მიენიჭა. კანონპროექტის მხარდამჭერებს მან ქვეყნის მოღალატეები უწოდა, მრევლს კი ვითარება მარტივად დაუხატა - თუ ამერიიდან ირანელის მკვლელ თანამემამულეს სახრობელას მიუსჯიან, ირანელის მკვლელობისთვის ამერიკელი დაუსჯელი დარჩება - და მორწმუნეებს დაუმორჩილებლობისკენ მოუწოდა.

ხომეინი ისევ დააპატიმრეს, ანტისახელმწიფოებრივი მოწოდებების ბრალდება წაუყენეს და სიკვდილი მიუსაჯეს, მაგრამ ხელისუფლებამ მცირე ხანში მისი გადახედვის გადაწყვეტილება მიიღო. სავაქის დირექტორი ჰასან ფაქრავანი პატიმარს ყოველკვირეულად ხედებოდა და სხვადასხვა თემებზე ესაუბრებოდა. ხომეინიმ მასზე მომხიბლავი და ქარიზმის მქონე და, ამასთან ერთად, ძალიან ამბიციური და გასაიდუმლოებული ადამიანის

შთაბეჭდილება დატოვა⁷. ფაქრავანმა შესძლო შაჰის დარწმუნება, რომ სახელგანთქმული აიათოლას მოკელა ხალხში აგრესიას გამოიწვევდა, ამიტომ სანაცვლოდ მისი გასახლების წინადადება წამოაყენა. გენერალი ვარაუდობდა, რომ მოსადგუის მსგავსი შინაპატიმრობა ირანულ სოფელში ამ შემთხვევაშიც საუკეთესო გამოსავალი იქნებოდა, რადგან უშიშროების სამსახური ხომეინის და მისი მომხრეების მუდმივ კონტროლს განახორციელებდა. მაგრამ პრემიერ-მინისტრ ალაამის ინიციატივით საბოლოოდ მისი საზღვარგარეთ გაძევების იდეა მოიწონეს. აიათოლა თურქეთში გაგზავნეს, საიდანაც 1965 წლის ოქტომბერში ის ნეჯფში გადავიდა⁸.

სამღვდელოების საპროტესტო გამოსვლას შაჰი რეაქციონერების ბნელ მსოფლმხედველობას უკავშირებდა. ამიერიდან 'შავი რეაქცია' მისი ხელისუფლების მხრიდან ყველაზე ხშირად გამოყენებადი ტერმინი გახდა. წითელი ანუ კომუნისტური რეაქცია უკვე ათი წლის განმავლობაში სასტიკი დენის გამო ღრმა იატაკქვეშეთში იყო გადასული. ნებისმიერი სხვა ფერის ოპოზიციური აზრის ჩახშობაზეც საეაქი საგანგებოდ ზრუნავდა. ქვეყანაში გაბატონებული ტოტალური ცენზურის პირობებში კრიტიკული განცხადებები მხოლოდ მეჩეთიდან ისმოდა. თუმცა სამღვდელოება ხელისუფლებასთან მიმართებაში ერთსულოვანი სულაც არ იყო. ხომეინის გარდა, დიდი გავლენით სარგებლობდნენ აგრეთვე პოლიტიკურად ნეიტრალური აიათოლები, რომლებიც ბურჟუაზიის კურსს აგრძელებდნენ. ამ მხრივ გამორჩეული ადგილი ღიდ აიათოლა ყაზემ შარიათმადარის ეკავა. ამიტომ სამეფო კარი ხომეინის მხარდამჭერებს ერთი მუჭა რეაქციონერებად აღიქვამდა, რომლებიც უმეცრებას და სიბნელეს განასახიერებდნენ. 8 ივნისს ქამადანში შეკრებილი ხალხის წინაშე სიტყვით გამოსვლისას შაჰი მათ მიმართ რისხვას ეერ მაღავედა:

*'შვემა რეაქციამ გადაწვა ბიბლიოთეკა, ეინაიდან მისთვის მიუღებელია ყველაფერი, რაც ცოდნასა და განათლებაზეა დაფუძნებული. მან ცეცხლი წაუკიდა სპორტულ დარბაზს, მანქანებს, ავტობუსის ბილეთის ჯიხურებს, რადგან მისი აზრით იმ მსოფლიოში, რომელიც დღეს კოსმოსს ითვისებს, ჩვენ სახედრებზე და ჯორებზე ამხედრებული უნდა დავდიოდეთ'*⁹.

შიიტთა წმიდა ქალაქში დამკვიდრებულმა ხომეინიმ სემინარიის ში ლექციების წაკითხვა გააგრძელა. სტუდენტების და ადგილობრივი მორწმუნეების გარდა, მის სიტყვებს ასევე ყურადღე

ბით უსმენდნენ ირანიდან პილიგრიმოებაზე ჩასულები ადამიანები, რომელთა მეშვეობით ხომეინის აზრები სამშობლოშიც ხდებოდა ცნობილი. მოგვიანებით პილიგრიმები აიათოლასთვის ირანელებთან საკონტაქტო ხიდის ფუნქციას ასრულებდნენ. მათ უკან აუდიოკასეტები ჩაჰქონდათ, სადაც ხომეინის ქადაგებები იყო ჩაწერილი. თითქმის ყოველ გამოსვლაში ის მონარქს პიროვნულად ესხმოდა თავს. ერთგან შაჰს პარაზიტად იხსენიებდა, რომელმაც მდიდარი სასახლეები წამოჭიმა და უცხოური ბანკები ირანელებისგან მოპარული ფულით ააგო, სხვაგან თანამემამულეებს უცხოელთა კოლონიური ინტერესების წინააღმდეგ საბრძოლველად მოუწოდებდა და შაჰს ებრაელთა აგენტს ან ამერიკულ გველს უწოდებდა, 'რომლის თავი ქვით უნდა გაისრისოს'.

1970 წელს ხომეინიმ თავისი ცხოვრებისეული ხედვა წიგნში 'ისლამური მთავრობა' გააერთიანა, რომელიც ქადაგებების კრებულს წარმოადგენდა. წიგნის ძირითადი აზრი უდიდეს საფრთხეს ეხება, რომლის წინაშე ისლამი დგას: დასავლეთის სამსაუკუნოვანი კოლონიური პოლიტიკის მიზანს მუსლიმანთა მიწისქვეშა სიმდიდრის, მიწის და ადამიანთა ექსპლუატაცია წარმოადგენს; უცხოელებმა ბუნებრივი რესურსების აღმოჩენასთან ერთად ხალხის ფსიქოლოგია საგულდაგულოდ შეისწავლეს და დაასკენეს, რომ კოლონიური გეგმების განხორციელების გზაზე ერთადერთი დამაბრკოლებელი მხოლოდ ისლამი და სასულიერო ხელმძღვანელობა დარჩა; ტერიტორიების უკეთ კონტროლისათვის აუცილებელია, რათა ადგილობრივი მოსახლეობა ჩამორჩენილი და გაღატაკებული იყოს; ებრაელები და მათი უცხოელი დამქაშები, რომლებიც მთელს მსოფლიოში ებრაული დომინირების გავრცელებას ცდილობენ, ისლამის განადგურების პოლიტიკას ბოროტი პროპაგანდისტული ცენტრების მეშვეობით აწარმოებენ; მათ სათავეში მყოფი ქრისტიანების, სიონისტების და ბაჰაიტების ძირითადი სამიზნე კი ახალგაზრდობაა, რომელთა გადაბირებას ისინი სხვადასხვა სახის მატერიალური დაინტერესებით ახდენენ, - წერს აიათოლა¹⁰.

მისი აზრით, შექმნილი ვითარებიდან ერთადერთი გამოსავალი ისლამური მთავრობის ჩამოყალიბებაა, ანუ ქვეყანა უნდა იმართოს რელიგიური კანონმდებლობის (შარია) საფუძველზე, ხოლო მთავრობის ზედამხედველობა (ველაიათ) უმაღლესი რანგის მქონე სასულიერო პირმა (ფაყიჰ) უნდა განახორციელოს. ისლამური ხელისუფლები მიზნებია:

- აღკვეთოს ისლამურ მიწაზე უცხო ქვეყნების გავლენა;

- არ დაუშვას მჩაგვრელი კლასის მიერ სუსტების უფლებების ხელყოფა, აგრეთვე, სიამოვნებისა და მატერიალური ინტერესების გამო ადამიანების სულიერი გახრწნა;
- შეინარჩუნოს ისლამური წესრიგი და ხელი შეუშალოს ადამიანებს ისლამის ტექმარიტი გზიდან გადახვევაში;
- აღკვეთოს ისლამური კანონმდებლობის მოდიფიკაციის მცდელობები და პარლამენტის მიერ ანტიისლამური კანონების მიღების შესაძლებლობა¹¹.

აგტორის განმარტებით, ეკონომიკურმა სისტემამ ხალხი ორ ჯგუფად დაჰყო, ჩაგრულებად და მჩაგვრელებად, ამიტომ ჩაგრულთა მხარდაჭერა მომავალი ხელისუფლების სოციალური პოლიტიკის მთავარი მიმართულება გახდება, თავად ხელისუფლება კი ღატაკი მუსლიმანების მსგავსად ხელმომჭირნედ იფუნქციონირებს. ამასთან, მთავრობა გააუქმებს ამჟამინდელ გადასახადებს და სახელმწიფო შემოსაულებს მხოლოდ იმ გადასახადებს დააფუძნებს, რომელიც ისლამმა დაადგინა: ხუმსი, ზაქათი, ჯიზია და ხარაჯი¹².

მთავრობის ზედამხედველი სასულიერო ლიდერის პიროვნულ და პროფესიულ თვისებებს ხომეინი გადამწყვეტ მნიშვნელობას ანიჭებს. იგი აუცილებელად მიიჩნევს ფაჟიჰის მიერ ისლამის კანონების და სამართლის საფუძვლიან ცოდნას, მის სიბრძნეს და ადმინისტრაციული მართვის ნიჭს. ამ წინაპირობის დაკმაყოფილების შემთხვევაში შარიას მეშვეობით ღუნიაზე სამართლიანი საზოგადოების დამყარებას ის შესაძლებლად მიიჩნევს. ამასთან, მუსლიმანთა კეთილდღეობის მიღწევის პარალელურად ხომეინი წინ იხედება და არამუსლიმანურ სამყაროში სავარაუდო კარდინალურ ცვლილებებზე საუბრობს:

‘თუ ისლამური ხელისუფლების ფორმა განხორციელდება, მსოფლიოში ახლა არსებული მთავრობები კონკურენციას ვერ გაუძლებენ და დაემხოებიან’¹³.

აღსანიშნავია, რომ თავისი ხედვები ხომეინიმ ზავუალირებული სახით ჩამოაყალიბა. როგორც ობიექტური, ასევე პრაგმატული მიზეზით მას წიგნის ფართოდ გავრცელება და ‘ველაიათე ფაჟიჰის’ ინსტიტუტის აფიშირება არ მოუხდენია. როგორც ჩანს, აიათოლა მოერიდა შაჰის წინააღმდეგ ერთობლივ ბრძოლაში პოტენციური მოკავშირე ლიბერალური და მემარცხენე ძალების დაფრთხობას, აგრეთვე, ზომიერი სამღვდელოების გაუცხოებას, რომელიც მის თეზისებს უტოპიად მიიჩნევდა. თვით წიგნი ‘ისლამური მთავრობა’ ხომეინიმ იმამ მუსავე ქაშეფ ალ-ქიტას ფსევდონიმით გამოუშვა. დიდმა აიათოლებმა ის სკეპტიკურად

შეაფასეს, ერთადერთი გამონაკლისი პოსეინ ალი მონთაზერი გახდა, რომელიც მოგვიანებით სულიერი მეთაურის თანამდებობაზე ხომეინის მემკვიდრედ გამოცხადდა.

ზოგადად, 60-იანი წლები ისლამური თვითშეგნების გამოღვიძების პერიოდად იქცა. მსოფლიოში გაშლილი განმათავისუფლებელი მოძრაობის ტალღაზე სუნიტურ და შიიტურ სამყაროში ფართოდ მოიკიდა ფეხი დასავლეთის მატერიალური კულტურის დაგმობის და ისლამის ჭეშმარიტი ფასეულობების გაზიარების მოწოდებებმა. მაგალითად, არაბულ ქვეყნებში ძალიან პოპულარული გახდა ეგვიპტელი მოაზროვნე საიდ ყუტბი, რომლის რევოლუციური ისლამის იდეოლოგია გამაღ აბდელ ნასერმა ისეთ საფრთხედ ჩათვალა, რომ თეოლოგი ჩამოახრჩობინა. რადიკალური ისლამური დაჯგუფებები ორგანიზაციულად ოდნავ მოგვიანებით დაარსდა, მაგრამ მათი ლიდერების მსოფლმხედველობის განვითარებას ყუტბმა და სხვა არაერთმა მოღვაწემ დიდად შეუწყეს ხელი.

ირანში კი სოციალურ-რელიგიური ქადაგებებით ანალოგიურად სახელი გაითქვა დოქტორმა ალი შარიათიმ. მას სწამდა, რომ დედამიწაზე მისტიურ იმამ მაჰდის დაბრუნების ლოდინში პასიური ცხოვრების ნაცვლად ირანელებს სოციალური სამართლიანობისათვის დაუღალავი ბრძოლით ეს მოვლენა უნდა დაეწქარებინათ. შარიათიმ პოპულარული გახდა ტერმინი 'ღარბზადეგი' (დასავლეთმანია ან დასავლეთოქსიკაცია) და ირანული თვითმყოფადობის დასაცავად დასავლური საგანმანათლებლო, ეკონომიკური და კულტურული გავლენის წინააღმდეგ ენერგიულად ილაშქრებდა. ამ დაავადებით ერთადერთ არაინფიცირებულ ინსტიტუტად ის მეჩეთს მიიჩნევდა.

სამღვდელოების სხვა დაუმორჩილებელი ნაწილი შაჰის ოპონირებას კელავინდებურად აგრძელებდა. ამ მხრივ გამორჩეულად დაუღალავი მაჰმუდ თალეჟანი იყო, რომელმაც ფაჰლავის ხელისუფლება უკანონოდ პირველმა გამოაცხადა. ის, აგრეთვე, პირველი აიათოლა გახდა, რომელიც სავაქის საპყრობილეში აღმოჩნდა¹⁴. თალეჟანი, რომლის მსოფლმხედველობა მემარცხენე იდეებით ხასიათდებოდა, ციხეში 12 წლის განმავლობაში იმყოფებოდა, სადაც ფიზიკურ და ფსიქოლოგიურ წამებას განიცდიდა.

მოლები შიშობდნენ, რომ შაჰის საბოლოო მიზანი საზოგადოებაზე ისლამის გავლენის მოსპობა იყო, რომელსაც ის ხანგამოშვებითი შეტევებით ახორციელებდა. ეს შიში კიდევ უფრო გამყარდა პერსეპოლისის საზეიმო ღონისძიებების დროს. საჯა-

რო გამოსვლებში ფაქლავი სიამაყით საუბრობდა აქემენიური სპარსეთის ღიდებასა და რელიგიური შემწყნარებლობის შესახებ. მაგრამ ოფიციალურ სახელმწიფო რელიგიას და იმპერიის 2500 წლოვან ისტორიაში მის როლს საერთოდ არ ახსენებდა. ღონისძიებამდე რამდენიმე თვით ადრე უშიშროების სამსახური სხვადასხვა ფორმით მუშაობზე სასულდო პირების განუმეხებას შეუდგა. მაგრამ ერაყში მყოფი სომეხის ტონი კელავაც შეუვალ იყო:

‘ირანის ხალხს ისლამის მოღალატის და მუსლიმანთა ინტერესების გამოყენების მმართველობა არ ეხებიება. ირანის მეფეების დანაშაულებებმა შავად აქცია ისტორიის ფურცლები’¹⁵.

უადრესად მწვავე იყო აგრეთვე მისი რეაქცია ისლამური კალენდრის გაუქმების გადაწყვეტილებაზე, რომელიც, ხომეინის შეფასებით, შაჰის მიერ ნაღვნილ დანაშაულთა შორის ყველაზე უარესი იყო¹⁶. ფაქლავის მსგავსად, მონარქიას ხომეინიც ირანისთვის სამკედრო-სასიცოცხლო საკითხად მიიხსენებდა, ოღონდ საპირისპირო მხრიდან: ‘პირველი დღიდან დღემდე მეფობა ისტორიის სირცხვილად რჩება’. აცხადებდა ის და ეურადღებას მონარქიისა და ისლამის ურთიერშეუთავსებლობაზე ამახვილებდა¹⁷.

მეჩეთის გავლენის ზრდა რამდენიმე ფაქტორმა განაპირობა: ღვთისმსახური ირანში ყოველთვის შაჰის მოხელეზე მეტი ავტორიტეტით სარგებლობდა, ახლა კი, რეფორმების შემდეგ, სამღვდლოება მრევლის თვალში დანაგრულად წარმოიჩინდა, რამაც მისი მხარდამჭერების რაოდენობა გაზარდა. ოპოზიციური შიმშილის მოსაკლავად ბევრმა განათლებულმა ადამიანმა მეჩეთში დაიწყო სიარული. ეს ერთადერთი ადგილი აღმოჩნდა ასევე ნაკლებად მორწმუნე და პოლიტიკურად პასიური ირანელებისთვის ქვეყნის ეკონომიკური უკესელით გამოსწვეული უკმაყოფილების გამოსახატავად. სოფლიდან წასულები კი თანამედროვე მეგაპოლისებში სრულიად უცხოვრებოდ გრძნობდნენ თავს და დასავლური ტიპის კინოთეატრების, მშენებარე კათამბრჯენების და საგზაო საცობების ფონზე ღვთის ტაძარს მშობლიურ სახლად აღიქვამდნენ.

ამიტომ გასაკვირი არ არის, რომ პოლიტიკური ოპოზიციის განადგურების შედეგად შექმნილი ვაკუუმი მეჩეთმა თანდათან შეავსო და ხელისუფლების ალტერნატიული ცენტრის როლი შეიძინა.



ზევიდან ქვევით: მუხმელ რეზა და ფარაბი 1960-იანი წლების დასაწყისში,
 რეზა შაბი, მუხმელ მოსდელი, ხომეინი ნოფლ-დეშტოში



ზეჟუდანი შაჰი და კარტერი, 31/12/1979, დემონსტრაცია თეირანში; აბადანის ტრაგედია, ქუჩის ბრძოლები 1979 წლის თებერვალში.

- ¹ ლ.მედვედკო, ა.გერმანოვიჩი, 'ალაჰის სახელით', 1988, გვ.112
- ² 'ნიუ-იორკ თაიმსი', 1961 წლის 27 ივლისი
- ³ საკუთრივ შიიტებს ხუთი წმიდა ქალაქი აქვთ: ყუმი და მეშედი ირანში, ნეჯეფი, ქერბალა და სამარა კი ერაყში.
- ⁴ დ.ჟუკოვი, 'ირანის თავზე ცა ნათელია', 1999, გვ.64
- ⁵ ს.მაქეი, 'ირანელები', 1996, გვ.227
- ⁶ იქვე, გვ.226
- ⁷ ფატიმა ფაქრავეანი, 'ირანიანი', 1998 წლის 3 დეკემბერი
- ⁸ მიუხედავად იმისა, რომ ფაქრავეანმა ხომეინი სიკედილით დასჯისგან იხსნა, ხელისუფლების სათავეში ხომეინის მოსვლის შემდეგ თავად გენერალი დახვერტას ვერ გადაურჩა.
- ⁹ 'ირანის თავზე ცა ნათელია', გვ.411
- ¹⁰ რუჰოლა ხომეინი, 'ისლამური მთავრობა', 2002, გვ.34 და 140
- ¹¹ იქვე, გვ.54
- ¹² იქვე, გვ.45
- ¹³ შესაბამისად: შემოსავლის 1/5 გადასახადი, წელიწადში ქონების 2,5% გადასახადი, არამუსლიმანებზე დაწესებული გადასახადი და სასოფლო-სამეურნეო მიწის გადასახადი.
- ¹⁴ იქვე, გვ.122
- ¹⁵ 'თაიმი', 1979 წლის 24 სექტემბერი
- ¹⁶ თარიქ ალი, 'ფუნდამენტალისტთა შეჯახება', 2002, გვ.129
- ¹⁷ 'ირანის თავზე ცა ნათელია', გვ.408
- ¹⁸ 'ირანელები', გვ.234

1977 წლის 20 იანვარს თეთრ სახლში დემოკრატიული პარტიის წარმომადგენელი ჯიმი კარტერი შევიდა. ანტისაომახარი კამპანიით და რასობრივი თანასწორობის ხმაურიანი მოძრაობით გამოწვეული რყევები ამერიკას უკვე გადატანილი ჰქონდა, მაგრამ ინდონეზიის ნახევარკუნძულზე განცდილი კატასტროფის შემდეგ საგარეო სფეროში ის ჯერ კიდევ ძიების პროცესში იმყოფებოდა. ვიეტნამური სინდრომის დასაძლევად კარტერის გეგმა მსოფლიოს მასშტაბით ადამიანის უფლებების დაცვისათვის ბრძოლის გააქტიურებას ითვალისწინებდა, რაც ტოტალიტარულ კომუნისტურ და პროდასავლურ დესპოტურ ქვეყნებთან ურთიერთობების დროს ამ საკითხის მიმართ მეტი ყურადღების დათმობას გულისხმობდა. იმის მიუხედავად, რომ ბევრი გაელენიანი პოლიტიკური მოღვაწე ირანთან ურთიერთობაში უპირატესობას წმინდა მერკანტილურ ინტერესებს ანიჭებდა, მოწოდებები შაჰის მიერ პიროვნული თავისუფლებების პატივისცემის აუცილებლობის შესახებ სულ უფრო ხმამაღლა გაისმოდა. ამ აზრს გამოთქვამდნენ როგორც კონგრესის დემოკრატი წევრები, ასევე ადმინისტრაციის მაღალჩინოსნები ვიცე-პრეზიდენტ უოლტერ მონდელიის და ეროვნული უსაფრთხოების საკითხებში პრეზიდენტის მრჩეველის ზბიგნევ ბეჟინსკის ჩათვლით. ბეჟინსკის მოადგილის დევიდ აარონის თქმით,

‘შაჰს სიურპრიზები ელის, თუ მას ჰგონია, რომ მიიღებს ყველაფერს, რაც სურს’.

თუმცა ამასთან დაკავშირებით აზრთა ერთსულოვნება არც აშშ-ს აღმასრულებელ ხელისუფლებაში შეინიშნებოდა. პიროვნული და ტაქტიკური უთანხმოებები კარტერის გარემოცვაში მომდევნო წელს უფრო აშკარა გახდა, რამაც შაჰის გადაწყვეტილებებზე და მთლიანად მის ბედზე გადაწყვეტი გაელენა მოახდინა. ჯერჯერობით კი ფაჰლავის მთავრობა უცხოეთიდან კრიტიკულ შენიშვნებს მზარდი სიხშირით იღებდა. ადამიანის უფლებათა დარღვევების გამო შაჰის ხელისუფლებას პოლიტიკოსებთან ერთად უფლებადამცველი ორგანიზაციებიც რეგულარულად გამოდნენ. მაგალითად, ‘ემნესთი ინტერნეშნალი’ ხაზს უსვამდა მსოფლიოში ირანის პირველობას სასიკვდილო განაჩენების აღსრულების მხრივ, აგრეთვე, წამების გამოყენების ხშირ პრაქტიკას. მაგრამ რეჟიმის ლიბერალიზაციას შაჰი ჯერ ნაადრევად მიიჩნევდა და პოლიტიკური რეფორმების დაწყებას

დაახლოებით ათი წლის შემდეგ ვარაუდობდა². დემოკრატიისათვის ირანელთა მოუმზადებლობის შესახებ სტანდარტული ფრაზების წარმოთქმისას სამეფო კარის მოხელეები აპელირებას წამყვანი ევროპული ქვეყნების, მაგალითად საფრანგეთის ისტორიაზე ახდენდნენ, რომელმაც რევოლუციიდან დემოკრატიის დამკვიდრებამდე ხანგრძლივი და მრავალგვარი კატაკლიზმები გადაიტანა. თავის მოგონებებში ფარაბი აღიარებს, რომ მოქალაქეებისათვის მეტი უფლებების მინიჭების მიზნით ხელისუფლებაზე ზეწოლა კარტერის გაპრეზიდენტების შემდეგ გაძლიერდა. 1977 წლის აგვისტოში შაჰმა პრემიერ-მინისტრი პოვეიდა სასახლის კარის მინისტრად გადაიყვანა, მის ადგილას ჯემშიდ ამუზეგარი დანიშნა და ღია პოლიტიკური ატმოსფეროს შექმნის შესახებ გამოაცხადა. მცირე ხანში საზოგადოებრივმა ცხოვრებამ გამოცოცხლება დაიწყო. ნაციონალისტები, მარქსისტები და სხვა მსოფლმხედველობის მქონე ადამიანები ღია ასპარეზზე გამოვიდნენ. თუმცა ერთპარტიული სისტემა და მკაცრი ცენზურა ძალაში დარჩა.

ნოემბერში მეფე-დედოფალი ოფიციალური ვიზიტით ჯიმი კარტერის გასაცნობად ვაშინგტონში ჩავიდნენ. დასავლეთის ქვეყნებში შაჰის თითქმის ყველა ვიზიტს თან გარკვეული ექსცესები ახლდა, რომელიც ჩვეულებრივ დემონსტრაციებით და პოლიციასთან შეტაკებით გამოიხატებოდა. ქუჩაში გასული ირანული ემიგრაციის ან რომელიმე განდევნილი პოლიტიკური ლიდერის თუნდაც მცირერიცხოვანი მხარდამჭერები ხმაურიანი აქციებით საინფორმაციო საშუალებების ყურადღების მიპყრობას ახერხებდნენ. თუ ათი წლით ადრე ბერლინში მომხდარი არეულობების დროს პოლიციასთან ჭიდილში ანტიმონარქისტი სტუდენტი დაიღუპა კიდეც, ვაშინგტონის დემონსტრაციები ახლა მშვიდობიანად, მაგრამ კურიოზულად დასრულდა. როცა თეთრი სახლის ბაღში პრეზიდენტი და შაჰი ჟურნალისტების წინ პრეს-კონფერენციაზე გავიდნენ, ამ დროს რეზიდენციის წინ ათი ათასამდე ირანელი აქციას მართავდა. პოლიციის მიერ მათ დასაშოშმინებლად ქაერში გაშვებულმა ცრემლსადენმა გაზმა ბაღში შეკრებილ აუდიტორიას მიაღწია, რის შედეგად მსოფლიომ ორი ქვეყნის მეთაურის ხველების და ცხვირსახოცით თვალების მოწმენდის იშვიათი სცენა იხილა.

თავდაპირველად შაჰს აზრი გაუჩნდა, რომ ეს ინციდენტი მისი რეპუტაციის შელახვის მიზნით საგანგებოდ იქნა დადგმული, მაგრამ კარტერთან შეხვედრამ ყველა ეჭვი გააქარწყლა. საუბრები თბილ გარემოში წარიმართა, რამაც ახლო პირადი კონ-

ტაქტიკის პერსპექტივა წარმოშვა. დეკემბრის ბოლოს უკვე შაჰ-თან ჩასულმა კარტერმა ახალი წლის ღამე თეირანში გაატარა. პრეზიდენტის ვიზიტის გამო ფაქლავი აღტაცებას არ მალავდა:

‘სველი ტრადიციის თანახმად ითვლება, რომ ახალ წელს პირველი სტუმრის მოსვლა მთელს წელიწადს განსაზღვრავს. ჩვენი სტუმარი ისეთ ენერგიას და კეთილშობილებას განასახიერებს, რომ მის ვიზიტს ჩვენ ყველაზე დიდებულ სიმბოლურ ნიშნად აღვიქვამთ’.

კარტერის საპასუხო სიტყვის ჯერი დადგა. შაჰს მანამდე შეხვედრები ექვს ამერიკელ პრეზიდენტთან ჰქონდა გამართული და საქებარი სიტყვები ყოველი მათგანისგან მოესმინა. მაგრამ მისი გამბედაობისა და შორსმჭერეტელობის შესახებ თუნდაც ტრუმენის კომპლიმენტები კარტერისეული პანეგირიკის ფონზე ერთობ უსახური აღმოჩნდა:

‘შაჰის დიდებული ხელმძღვანელობის მეშვეობით ირანი მსოფლიოს ერთ-ერთ ყველაზე შფოთიან რეგიონში ღღეს სტაბილურობის კუნძულს წარმოადგენს. მსოფლიოში არც ერთი სხვა ქვეყანა ჩვენთან ასე ახლოს არ არის ორმხრივი სამხედრო თანამშრომლობის სფეროში. არც ერთი სხვა ქვეყანა ჩვენთან ასე მკიდროდ არ თანამშრომლობს რეგიონისათვის საჭირო ბოროტო პრობლემებთან დაკავშირებით. არც ერთი სხვა სახელმწიფოს მეთაურის მიმართ არ მაქვს უფრო მეგობრული დამოკიდებულება და მაღლიერი გრძნობა’.

შესაძლოა, კარტერს მიაჩნდა, რომ მისგან შაჰისთვის ხოტბის შესხმა და ირან-ამერიკული ურთიერთობის ობიექტური დახასიათება საზოგადოებას მონარქიის გარშემო მეტი კონსოლიდაციისკენ უბიძგებდა, მაგრამ რეალობა სხვაგვარი იყო. წინა წლებში გახშირდა ამერიკელ სამხედრო და სამოქალაქო პირებზე თავდასხმები, რომლებიც ორგანიზებული კამპანიის შთაბეჭდილებას ტოვებდა. სამხედრო მისიის სამი ოფიცრის, მათ შორის ორი პოლკოვნიკის მეკლელობას სავაქის ‘აიბიექსის’ სისტემაზე მომუშავე ტექნიკური პერსონალის სამი ამერიკელი თანამშრომლის დაღუპვა დაემატა. რადიკალური მემარჯვენე და მემარცხენე ელემენტები ამერიკელთა მიმართ თავიანთ სიძულვილს ძალადობრივი გზით გამოხატავდნენ, გაღიზიანებას კი პოლიტიკური საკითხების გარდა ყოფითი სარჩულიც განაპირობებდა. საუდის არაბეთისგან განსხვავებით, შაჰის ხელისუფლებას უცხოელი სპეციალისტებისთვის ადგილობრივი ტრადიციების პა-

ტივისცემა და კულტურული მგრძნობიარობის გათვალისწინება არ მოუთხოვია. შედეგად, ათასობით ამერიკელი შაბათ-კვირას ზღვის სანაპიროებზე მიემართებოდა. მამაკაცები შამფურებზე ღორის ხორცს წვაებდნენ, მათი ცოლები მუხის ქვეშ დასაჯელურ საცურაო კოსტიუმებში ირუჯებოდნენ, ქალაქებში კი შორტებში და მოკლესახელოიან მაისურებში დასეირნობდნენ. მიზეზთა ერთობლიობის გამო კარტერის ვიზიტის დროისთვის ირანული საზოგადოების საგრძნობი ნაწილი უკვე ანტიამერიკულად იყო განწყობილი, ამიტომ პრეზიდენტმა საახალწლო გამოსვლით მხოლოდ საპირისპირო ეფექტი მოახდინა. თეირანში მის ჩასვლამდე სამი დღით ადრე ირან-ამერიკის ინსტიტუტში ბომბი აფეთქდა, ხოლო უნივერსიტეტის სტუდენტებმა, რომლებიც ახალ წლად ოფიციალურ და ტრადიციულ ნოურუს აღიარებდნენ, კარტერის ვიზიტისადმი პროტესტის ნიშნად სწავლა შეწყვიტეს. უნივერსიტეტი სამი დღით დაიხურა. სტუმრის გამგზავრებიდან ერთ კვირაში კი სათავე დაედო მოვლენათა უწყვეტ სერიას, რომელმაც 'სტაბილურობის კუნძული' თანდათან საბოლოოდ ჩაძირა.

როგორც ყოველთვის, სტუდენტობა საზოგადოების წამყვანი მემოხე ძალა იყო. პირველი გამოსვლები მან ოქტომბერში მოაწყო და ზომიერი მოთხოვნები წამოაყენა: კონსტიტუციის დაცვა, ხელისუფლების შტოების განცალკავება, ცენზურის გაუქმება, სიტყვის თავისუფლების უზრუნველყოფა, პოლიტიკურ პატიმართა გათავისუფლება, პარტია 'რასთოხიზის' დაშლა, სტუდენტთა დევნის შეწყვეტა. სასულიერო სემინარიების სტუდენტებს ისლამური ფასეულობების და რელიგიური ინსტიტუტების, დაცვასთან დაკავშირებული სპეციფიური მოთხოვნები გააჩნდათ. 8 იანვარს ყუშში მათი შეკრების მიზეზი გახდა ყოველდღიურ 'ეთელაათში' აშშ-მ მოთლაქის ფსევდონიმით დაბეჭდილი სტატია 'წითელი და შავი რეაქცია ირანში', რომელიც პირადად ხომეინის შეურაცხყოფელ წერილს წარმოადგენდა. ბრადლებათა ნაწილი გარე აგენტურასთან მის თანამშრომლობას ეხებოდა:

‘მან გამოიჩინა წითელი და შავი იმპერიალიზმის გეგმების განხორციელების ინიციატივა, შეებრძოლა მწიწის რეფორმას, ქალებისათვის მეტი უფლებების მინიჭებას, ტყის ნაციონალიზაციას, და ენთუზიაზმით შეუდგა მეჩუთე კოლონისტებისთვის დამახასიათებელ საქმიანობას’.

აიათოლას საზოგადოებრივი მოღვაწეობის შეფასების გარდა, სტატიაში არც მის პირად ცხოვრებას აუარა გვერდი. ავტორის თანახმად, ხომეინი წარმოშობით უცხოელი და ამასთან მოცეკვავე ქალის შვილი იყო.

რამდენიმე თვის შემდეგ გაირკვა, რომ საგაზეთო მასალის გამოქვეყნება წინასწარ პრემიერ-მინისტრ ამუზეგარის და ინფორმაციის მინისტრ ჰომაიუნის ზედამხედველობით მოხდა, სტატია კი სამეფო კანცელარიაში მომზადდა. ამრიგის თვეში გაეროში ირანის წარმომადგენელთან ფერეიდუნ ჰოვეიდასთან შეხვედრისას შაჰმა ეს ბრალდებები სრულად გაიმეორა:

‘ეს მოლა ხომ ირანელიც არ არის: მამა ინდოელი.

ჰყავდა, ღედა კი საეჭვო რეპუტაციით სარგებლობდა’.

შაჰისა და აიათოლას სიტყვიერი დუელის დროს გამოყენებული გამოთქმები ეთიკურ ნორმებში ისედაც ნაკლებად ჯდება; თუმცა მხარეთა განკარგულებაში არსებული პროპაგანდისტული საშუალებები ძალიან უთანასწორო იყო. შაჰის თქმით,

‘ირანელი ხალხი წყევლის ხომეინის, რომელიც არის წარმოშობით უცხოელი, ინდოეთში დაბადებული და მიმღები ქვეყნის მოღალატე. ამბობენ, რომ ის ბრიტანელთა ფასიანი აგენტია, მას ასევე ერაყი აფინანსებს’.

ხომეინის რიტორიკა, რომელშიც ასევე დაღაბისა და უცხოელთა აგენტობის თემა ჭარბობდა, არანაკლებ გამანადგურებლად მწვავე იყო:

‘შაჰი ...არის რაღაც საზიზღარი ნაბუშარი, რომელსაც ძნელია სახელი მოუძებნო’.

13 წლის მანძილზე გადასახლებაში მყოფი აიათოლას ოჯახში ოქტომბერში უბედურება მოხდა: მოულოდნელად გარდაიცვალა ნეჯფუში მასთან მყოფი უფროსი ვაჟი 49 წლის მუსტაფა. გაერცელდა ხმები, რომ ის საეაქმა მოწამლა. მკვლელობაში ხომეინიმ პირადად შაჰს დასდო ბრალი. ასეთ პირობებში ანტაგონიზმის შენელება ძნელად წარმოსადგენი გახდა.

დევნილი და შეილმკედარი სასულიერო პირის მხარდასაჭერად ყუმის ქუჩებში მრავალი ათასი ადამიანი გავიდა. დემონსტრაციის მონაწილეთა მოთხოვნებს შორის იყო ხომეინის საწინააღმდეგო ცილისწამების შეწყვეტა, ფაიზიეს სემინარის გახსნა და სამშობლოში თავად აიათოლას დაბრუნება. დემონსტრაცია უშიშროების ძალებთან სისხლიანი შეტაკებით დასრულდა, რომელმაც რვა ადამიანის სიცოცხლე იმსხვერპლა.

საზოგადოებრივი სტაბილურობის მოჩვენებითობა ერთბაშად წარმოჩნდა. ცხადი გახდა, რომ ხელისუფლებას აქტიურად მებრძოლი ოპონენტები ჰყავდა, ხოლო, მეორე მხრივ, შაჰი ძალის გამოყენებისგან უკან არ იხედა. საწყისი მდგომარეობით ვითარება 1963 წლის ივნისს წააგავდა. ახლაც ფაქლავის შექმლო ეფიქრა, რომ ყუმის გამოსვლები საიმედოდ ჩაახშო. მაგრამ თუ ბაჰმანის რევოლუციის პერიოდში ბევრი ადამიანი რეფორმების პერსპექტივას ოპტიმისტურად უყურებდა, 15 წლის თავზე გარდაქმნების ყველა დადებითი და უარყოფითი მხარე უკვე სახეზე იყო. თვით ფაქლავების აღიარებით, უკმაყოფილო და იმედგაც-რუებული ადამიანების რაოდენობა საგანგაშოდ დიდი იყო⁸. ყველა საზოგადოებრივი კლასი თავს მოტყუებულად მიიჩნევდა – ბევრმა მსხვილმა მემამულემ სახელმწიფო საწარმოებში დაპირებული წილი არ მიიღო, ფერმერები მიწების უფრო სამართლიან განაწილებას ელოდნენ, ეაჭართა შეძლებული ფენა ხელისუფლების ორგანოების მხრიდან მზარდ ჩარევას უჩიოდა, მოღვაწეები რელიგიური ინსტიტუტების და ტრადიციების ხელყოფის გამო შფოთავდნენ, ინტელიგენცია ტოტალიტარული სახელმწიფო სისტემის შეცვლას მოითხოვდა და ა.შ., ყველა ერთად კი აყვავებულ კორუფციას, ჩინოსანთა არაკომპეტენტურობას თუ დასავლეთის ქვეყნების მიმართ ირანის ქედმოხრილ დამოკიდებულებას გმობდა.

შაჰის გეგმები აგრარული მეურნეობის ხარჯზე მრეწველობის სექტორის გაძლიერების თაობაზე სოფლის დაცემას იწვევდა. ათასობით სოფელი ცარიელდებოდა, ირანულ ბაზარზე კი სხვადასხვა საქონლის იმპორტირება 129 ქვეყნიდან ხდებოდა: ბოსტნეული ისრაელიდან შემოდის, ხახვი თურქეთიდან, ხორცი ავსტრალიიდან, ხორბალი შეერთებული შტატებიდან, ფორთოხალი კი ექვსი სხვადასხვა ქვეყნიდან⁹. ვაშინგტონში აკრედიტებულ ელჩი არდეშირ ზაჰედი თავის ქვეყანაში ამერიკული საქონლის მოზღვაებას პროგრესულ მოელენად აფასებდა¹⁰.

ამაედროულად ირანის სანავთობო ინდუსტრია ახალ სიმაღლეებს იპყრობდა. სექტემბერში გამოცხადდა, რომ ქვეყნის საექსპორტო მაჩვენებელმა დღეში 5,2 მლნ ბარელს მიაღწია¹¹. ამ უდავო წინსვლასთან ერთად საეაჯრო ტვირთბრუნვის და შესაბამისად შემოსავლების მხრივ ირანი ნავთობზე სულ უფრო მეტად დამოკიდებული ხდებოდა.

შაჰის პოლიტიკის მოწინააღმდეგე ირანელებისათვის კლასობრივი სოლიდარობის საკითხი დღის წესრიგში ბუნებრივად

დადგა. ტრადიციის თანახმად, ორმოცი დღის შემდეგ ირანელები გარდაცვლილის მოსახსენიებელ ღონისძიებას მართავენ, რაც ამ შემთხვევაში სამგლოვიარო მსვლელობით გამოიხატა. 18 თებერვალს სხედასხვა ქალაქში გამართული დემონსტრაციების დროს სტუდენტი, ვაჭარი, პოლიტიკური ოპოზიციის აქტივისტი თუ სამღვდელოების წარმომადგენელი უკვე ერთმანეთის გვერდიგვერდ იდგა. ხელისუფლება გაოგნებას ვერ მაღავედა ოპოზიციური კონგლომერატის გამო, კერძოდ იმ გარემოებით, რომ სწრაფი ლიბერალიზაციის მომხრეები კონსერვატიულ მოღვათა ალიანსში შევიდნენ. მაგრამ ამ ტაქტიკურ გაერთიანებას შაჰის პოლიტიკის მიუღებლობა განაპირობებდა.

მართლწესრიგის ძალებთან შეტაკების არენად ამჯერად აზერბაიჯანის მთავარი ქალაქი თაერიზი იქცა, სადაც მასშტაბური უწესრიგობები დაიწყო. პროტესტანტებმა თავდასხმების სერია შაჰის ხელისუფლებასთან და დასავლეთთან ასოცირებულ ობიექტებზე – 'რასთოხიზის' ფილიალებზე, ბანკებზე და კინოთეატრებზე მოაწყვეს, რისი მიზნებიც მარტივად აიხსნებოდა: 'რასთოხიზი' რეჟიმის განსახიერება იყო, ბანკის მიერ წარმოებული მეფახშვობა ისლამის პრინციპს ეწინააღმდეგებოდა, ხოლო კინოთეატრების დარბევას ტრადიციული ფასეულობებისათვის შეუფერებელი დასავლური ფილმების ჩვენება იწვევდა. ქალაქზე კონტროლის აღდგენა მხოლოდ მეორე დღეს რეგულარული არმიის ნაწილების ჩარევის შემდეგ მოხერხდა. დაახლოებით ასი ადამიანი დაიღუპა. ამიერიდან ყოველი ტრაგიკული მოვლენის მეორმოცე დღეს გარდაცვლილთა მოსახსენიებელი რელიგიური ცერემონიალის დასრულების შემდეგ ახალი დემონსტრაციების გამართვა, მორიგი შეტაკებები და მსხვერპლი ნორმად იქცა.

ძალადობის ტალღის აგორებიდან ერთი წლის შემდეგ შაჰი თაერიზის მოვლენებს მის ძალაუფლებაზე იერიშის მიტანის დასაწყისად შეაფასებს:

'თაერიზულმა ამბოხებამ სათავე დაუდო ჩემი უფლებების შეზღუდვის, სუსტ და არაეფექტიან კონსტიტუციურ მონარქად გადაქცევის და საბოლოოდ ჩემი დამხობის მცდელობას'².

შექმნილმა მდგომარეობამ შაჰს მნიშვნელოვანი სამომავლო გეგმების შემუშავებისკენ უბიძგა, რომელიც მან 12 აპრილს გაეროში თავის ელჩს გააცნო. რამდენადაც ეკონომიკურ კეთილდღეობასთან ერთად დემოკრატიისათვის ირანელთა მზაობაც მან უკვე შემდგარ ფაქტად შეაფასა, ფაქლავიმ პოლიტიკური

რეფორმების დაწყება ახლა მიზანშეწონილად ჩათვალა და 1979 წლის საფხულში თავისუფალი არჩევნები ჩატარების მზადყოფნა გამოთქვა, სადაც გამარჯვებულ პარტიას მთავრობის დაკომპლექტების შესაძლებლობა მიეცემოდა. მსოფლიოში მიმდინარე მოვლენებს შაჰი ყურადღებით ადევნებდა თვალს. მას ნიშანდობლივი ენენა ესპანეთის მეფის ხუან კარლოსის არაფორმალური და უშუალო ურთიერთობა თავის ყოფილ მოწინააღმდეგე კომუნისტებთან, ამიტომ აქამდე მკაცრად დევნილი პარტია 'თუდეს' ლეგალიზება არ გამოირიცხა. ჰოვეიდამ საიდუმლო დავალება მიიღო, რათა არჩევნებზე დაკეირვების მსურველი პოტენციური ორგანიზაციები ამერიკის შეერთებულ შტატებში მოეძებნა¹³.

ჯერ კიდევ რამდენიმე თვით ადრე შაჰი ამტკიცებდა, რომ რეფორმების ბოლომდე მისაყვანად ქვეყანას მისი სახით ძლიერი ხელი სჭირდებოდა. ამ საკითხში მისი პოზიციის ცვლილება ქუჩებში მიმდინარე პროცესების გარდა ჯანმრთელობამაც გამოიწვია. 1974 წელს ფრანგმა ექიმებმა მონარქს სისხლის ქრონიკული ლიმფოციტური დაავადება დაუდგინეს, რომელიც ვალდენსტრიომის დაავადებად გამოაცხადეს. სამწლიანი ხშირი მკურნალობის შემდეგ მათ შაჰს აცნობეს, რომ ეს ბუნდოვანი ტერმინი კიბოს დაავადებას ნიშნავდა. იმის მიუხედავად, რომ ფაქტად გარეგნულად ჯანმრთელი და ენერგიული ადამიანის შთაბეჭდილებას კიდევ რამდენიმე ხნის მანძილზე ტოვებდა, ავადმყოფობა სინამდვილეში მის საერთო მდგომარებას ნელი ტემპით აუარესებდა, რაც სახელმწიფოს მართვაზე შესაბამისად აისახებოდა. ახლო მომავალში მოსალოდნელ აღსასრულს შაჰი შეგუებული იყო, ამიტომ მისთვის პრიორიტეტად სამოქალაქო სიმშვიდის აღდგენა იქცა, რომელსაც გზა უნდა გაეხსნა არჩევნებისკენ და შემდეგ ტახტის გადაბარებისკენ: მეფისათვის აუცილებელ 21 წლიან ასაკობრივ ზღვარს პრინცი რეზა 1980 წლის 31 ოქტომბერს გადააბიჯებდა.

ქუჩის გამოსვლებთან დაკავშირებული კრიზისის განმავლობაში ძალოვანი სტრუქტურების მეთაურებისადმი შაჰის მთავარი ბრძანება სისხლისღერის თავიდან აცილება იყო, მაგრამ ადამიანების დაღუპვა არ წყდებოდა. იენისში ორასზე მეტი კაცი მხოლოდ ქალაქ მეშველში მომხდარ შეტაკებებს შეეწირა. თითოეული ახალი მსხვერპლის შემდეგ ხელისუფლება თანდათან პასიურ მხარდამჭერებს კარგავდა, რადიკალური ბანაკი კი ზომიერი ოპოზიციის რიგების შეთხელების ხარჯზე ახალ ცოცხალ ძალას იძენდა.

უწესრიგობებთან გამკლავებას საჭირო აღჭურვილობის არქონის გამო პოლიცია ვეღარ ახერხებდა. კარტერის აღმინისტრაციამ უარყო შაჰის თხოვნა რეზინის ტყეების და ცრემლსადენი გაზის მიწოდების შესახებ¹⁴, არმია კი, რომელიც გარეშე მტრის მოსაგერიებლად იყო გაწერთილი, პოლიციური ტიპის ოპერაციების ჩასატარებლად მოუქნელი აღმოჩნდა. ფაქლავი თავს იმ იმედით იმშვიდებდა, რომ არეულობები დემოკრატიის გზაზე გარდაუვალ დროებით მოვლენას წარმოადგენდა. მაგრამ რაც დრო გადიოდა, საპროტესტო აქციების მასშტაბი იზრდებოდა. მაღალფარდოვან ცნებასაც ორივე მხარე თავისებურად აღიქვამდა. ოპოზიციის გამოსვლების ძირითადი ლოზუნგი ამ ეტაპზე სწორედ ლიბერალური იდეების დამკვიდრება იყო. იენისში მოსადეყის მიერ დაარსებული 'ეროვნული ფრონტის' სამმა თვალსაჩინო წევრმა ქარიმ სანჯაბიმ, შაჰფურ ბახთიარმა და დარიუშ ფორუქარმა შაჰს ღია წერილით მიმართეს და კელავ მოუწოდეს ცენზურის გაუქმების, ციხეებიდან პოლიტიკურ პატიმართა გამოშვების და ხალხის მხარდაჭერის მქონე მთავრობის შექმნისკენ. მაგრამ ქუჩებში ჯავშანტექნიკის გრუხუნი და მაღაზიების თუ ავტომანქანების მსხვერვის ხმაური კონსტიტუციონალისტების ხმას სულ უფრო მტკიცედ ახშობდა. აპრილში მთავრობამ გამოაცხადა საბჭოთა ჯაშუშური ქსელის აღმოჩენის და განადგურების შესახებ. ოფიციალური პირები დაბეჯითებით აცხადებდნენ, რომ დესტაბილიზაციას კრემლის ინტრიგები ასულდგმულებდა. რუსული კვალის ძიება განსაკუთრებით ავღანეთის მოვლენების შემდეგ გაძლიერდა. 27 აპრილს ქაბულში სამხედრო გადატრიალება განხორციელდა, რომლის დროს პრეზიდენტი მუჰამედ დაუდი დაიღუპა, ხოლო ხელისუფლების სათავეში სახალხო-დემოკრატიულ პარტიად წოდებული რადიკალ კომუნისტთა დაჯგუფება მოვიდა. კოლექტივიზაციის ძალდატანებითი პროცესის და სამღვდელოების შევიწროების დაწყებამ ანტისამთავრობო განწყობა და სამოქალაქო ომის საშიშროება შექმნა. აღმოსავლეთის საზღვარზე ვითარების ესკალაციას შაჰი შეშფოთებით ადევნებდა თვალს. თვით ირანშიც ხანგამოშვებით შეიარაღებული თავდასხმები ხდებოდა. თებერვალში და მარტში აფეთქებები მოხდა ყუმში 'რასთოხიზის' შტაბ-ბინაში, ასევე ყუმისა და თავრიზის პოლიციის განყოფილებებში.

შეიარაღებული ბრძოლის ავანგარდში ორი ორგანიზაცია იდგა. მათგან 'ფედაინები' კლასიკურ მარქსისტულ ჯგუფს წარმოადგენდნენ, 'მოჯაჰედები' კი უნიკალურ იდეოლოგიურ თეორიებს

ავითარებდნენ. ძირითადად უნივერსიტეტის სტუდენტებისგან და უმაღლესი განათლების მქონე აქტივისტებისგან დაკომპლექტებული ხალხოსნები მარქსიზმისა და ისლამის სრულ თავსებადობაზე საუბრობდნენ: კომუნისტურ ლოზუნგებს უკლასო საზოგადოების და კაპიტალიზმის დამყრობლური ბუნების შესახებ ისინი ჩაგერის წინააღმდეგ შიიტი წმინდანების საქმის გაგრძელების აუცილებლობას უხამებდნენ. შედეგად, იმპერიალიზმის, კაპიტალიზმის და დესპოტიზმის საწინააღმდეგო ბრძოლა მათ საკუანძო პრინციპებად აღიარეს. პირველი შეიარაღებული გამოსვლა მოჯაჲედებმა პერსეპოლისის ღონისძიების ჩაშლის მიზნით 1971 წელს განახორციელეს. მოგვიანებით მათ ექვსი ბანკი დააყანადეს, თეირანის პოლიციის უფროსი და ამერიკელი სამხედრო მრჩეველი მოკლეს, თვითმფრინავის გატაცება სცადეს და რამდენიმე უცხოურ ორგანიზაციაში აფეთქება მოაწვეეს. ხელისუფლების მხრიდან დახერებების შედეგად მათ ასამდე მებრძოლი დაკარგეს, თუმცა ძალების შეესებას მოჯაჲედები ღიბანიდან იღებდნენ, სადაც მათი არაერთი აქტივისტი საბრძოლო მზადებას გადიოდა.

აგვისტოს დასაწყისისთვის ვითარების განმუხტვის იმედს შაჰი ორ გარემოებას აფუძნებდა. მისი გათვლით, არჩევნების თარიღის დასახელება და მუსლიმანთა მარხვის დაწყება ქეჩაში ემოციების ნაცხრომას გამოიწვევდა. 5 აგვისტოს შაჰმა საქვეყნოდ გამოაცხადა 1980 წლის გაზაფხულისათვის ყველა პარტიის მონაწილეობით თავისუფალი არჩევნების ჩატარების შესახებ. მეორე დღეს რამადანის თვე დაიწყო. მაგრამ მოლოდინის საწინააღმდეგოდ პაჰანაქება სიცხეში ძღის მანძილზე მშიერმწყურებად აღამიანების მხრიდან საპროტესტო აქტიურობა მხოლოდ გაიზარდა. ყველაზე სისხლიანი დაპირისპირება ახლა ისფაჰანში მოხდა, სადაც ათობით დემონსტრანტი დაიღუპა და დაიჭრა. წესრიგის აღსადგენად ადგილობრივმა ხელისუფლებამ 20 საათიდან ღიღის ექვს საათამდე კომენდანტის საათი შემოიღო და სამზე მეტი ადამიანის შეკრება კატეგორიულად აკრძალა.

პოლიტიკურმა სპექტრმა წელიწადნახევრის შემდეგ არჩევნების გამართვის შეპირება უნდობლობით მიიღო. წარსული გამოცდილებიდან გამომდინარე, საპროტესტო კამპანიის შეჩერება მან თვითმკელელობის ტოლფას იდუად მიიჩნია, რადგან საეაქის მხრიდან ფართო რეპრესიების დაწყება ყველაზე რეალურ ვარიანტად მოჩანდა. პოლიტპატიმრების გათავისუფლების და მედიასე დიქტატის მოხსნის გარეშე ოპოზიციისათვის არჩევნების

თარიღის დასახელება საკმარისი არ იყო. თავის მხრივ, ფაქლავის ამ მოთხოვნების შესრულების შემთხვევაში მოწინააღმდეგის გაძლიერების სავარაუდო პერსპექტივა გაცნობიერებული ქონდა: ასობით გამოცდილი შეურიგებელი პოლიტიკური მოღვაწის გათავისუფლება და მათთვის ტრიბუნის დათმობა დემონსტრაციების შეწყვეტის ნაცვლად უკუშედეგს გამოიღებდა. ამიტომ კომპრომისზე წასვლა ორივე ბანაკისთვის მიუღებელი იყო. შაჰს არსენალში ერთგული არმია გააჩნდა, რომელიც ის ფაქტში კომენდანტის საათის აღსრულებას შედეგიანად ახერხებდა. საჭიროების შემთხვევაში ანალოგიური ღონისძიება სხვა ქალაქებშიც გატარდებოდა. ყველაფრის მიუხედავად, მონარქის მდგომარეობა უიმედო არ ჩანდა. 19 აგვისტოს 'ეთელათში' გამოქვეყნებულ ინტერვიუში შაჰი სინანულით აღნიშნავდა, რომ არ ეგონა, 'თუ თავისუფლებისათვის გადასახდელი ფასი ესოდენ მაღალი იქნებოდა'. თუმცა გაზეთის დაბეჭდვიდან მხოლოდ რამდენიმე საათი იყო გასული, როცა ქვეყანა შემზარავმა ტრაგედიამ შეარყია.

¹ სეფერ ზაბიძე, 'ირანი რევოლუციის შემდეგ', 1982, გვ.3

² ფარაჟ ფაქლავი, 'მარადიული სიყვარული', 2004, გვ.234

³ იქვე, გვ.272

⁴ იქვე, გვ.272-73

⁵ ფერეიდუნ ჰოვეიდა, 'ირანიანი', 'ჩემი ბოლო აუდიენცია შაჰთან', 2000 წლის 18 აგვისტო.

ხომეინის წინაპრები მე-18 ს. დასაწყისში ინდოეთში გადასახლდნენ. რუპოლას პაპა სეიედ აჰმადი სპარსეთში 1839 წელს ჩავიდა და ხომეინში მამული შეიძინა, სადაც ოჯახი დააფუძნა.

⁶ ასაფ ჰუსეინი, 'ისლამური ირანი', 1985, გვ.124

⁷ დ.უეკოვი, 'ირანის თავზე ცა ნათელია', 1999, გვ.408

⁸ 'მარადიული სიყვარული', გვ.258

⁹ 'ქეიანი', 1977 წლის 16 სექტემბერი

¹⁰ 1977 წლის 27 მაისს დაღასში გამართულ მიღებაზე სიტყვით გამოსვლისას ზაჰედმა სიამაყით განაცხადა: 'ირანი რეგიონში შეერთებული შტატების საქონლის უდიდეს ბაზარს წარმოადგენს'. 'ირანიანი', 2001 წლის 11 თებერვალი

¹¹ 'ქეიანი', 1977 წლის 13 სექტემბერი

¹² მუჰამედ რეზა ფაქლავი, 'პასუხი ისტორიას', 1980, გვ.154

¹³ დაეაღების შესრულების მიმდინარეობა შაჰმა 20 ივნისს ელჩთან სატელეფონო საუბრის დრო დროს მოიკითხა, მაგრამ ჰოვეიდას ამ მხრივ არაფერი გაეკეთებინა.

'ჩემი ბოლო აუდიენცია შაჰთან'

¹⁴ 'მარადიული სიყვარული', გვ.275

ხალხით სავსე აბადანის კინოთეატრ 'რექსში' ფილმის ჩვენება ახალი დაწყებული იყო. უეცრად კინოღარბაზში ჯერ კვამლი, შემდეგ კი ცეცხლი გაჩნდა. ადამიანები პანიკამ მოიცვა. სიბნელეში ისინი გასასვლელ კარს მიაწყდნენ, მაგრამ ვერ გააღეს. ის გარედან ჩაკეტილი აღმოჩნდა. ოცი წუთის შემდეგ ადგილზე მისულმა სახანძრო სამსახურის ჯგუფებმა 477 ცოცხლად დამწვარი ადამიანის ნაშთების გამოტანა დაიწყეს. მათი უდიდესი ნაწილის ამოცნობა შეუძლებელი იყო, ამიტომ დაღუპულები საერთო საფლავში დაკრძალეს.

დაძაბული პოლიტიკური ვითარების გამო ტრაგედიას თავიდანვე შესაბამისი შეფერილობა მიეცა. ყველაზე სარწმუნო გახდა ვერსია იმის შესახებ, რომ აბადანის ქუჩებში პოლიცია ოთხი ისლამისტის დევნას ახორციელებდა, რომლებმაც თავი კინოთეატრს შეაფარეს. ხალხის დიდ ნაკადში პოლიციელებისგან შეუმჩნეველად გაქცევის მიზნით მათ შენობას ცეცხლი წაუკიდეს, თუმცა მართლწესრიგის დაცვის ოფიცერმა დამხმარე რაზმის მოლოდინში 'რექსის' კარები გარედან ჩარაზა, რითაც რამდენიმე კაცის დაპატიმრების სურვილს უამრავი ადამიანის სიცოცხლე გადააყოლა.

უკიდურესად დაზაფრული საზოგადოება კრიზისში მონაწილე მხარეებისგან ახსნა-განმარტებას ელოდა. ხელისუფლებამ ოპონენტების მიერ კინოთეატრების გადაწვის ორგანიზებულ ქმედებებზე მიუთითა და მომხდარში 'შემდგომ დესტაბილიზაციაში დაინტერესებული ძალები' ამხილა. ის ამტკიცებდა, რომ გარეშე მტრების მიერ მართული რეაქციული ელემენტები თავიანთი ბოროტი ზრახვების განხორციელებისას უკან არ იხევდნენ თვით ყველაზე ამაზრზენი დანაშაულის ჩადენისგან; იმ დროს, როცა სამოქალაქო მშვიდობის აღსადგენად შაჰი ძალისხმევას არ იშურებდა და 5 აგვისტოს განცხადებით სამომავლოდ საკუთარი ძალაუფლების შეკეცვის მზადყოფნა გამოთქვა, ექსტრემისტების მთავარი სამიზნე უდანაშაულო ხალხი გახდა, რათა ხელისუფლების კომპრომეტაციის საშუალებით ახალი უწესრიგობები გამოიწვიოს, - განმარტავდნენ ოფიციალური პირები.

სრულიად საწინააღმდეგო არგუმენტებზე დაყრდნობით ოპოზიცია პროცესებს ასეთ შეფასებას აძლევდა: მრავალთვიანი დაპირისპირების შემდეგ შაჰის რეჟიმი მიხედა, რომ ვერც უხეში ძალის გამოყენებით და ვერც ტკბილი დაპირებებით საზოგადოების პროტესტის ჩახშობას ვერ შესძლებდა, ამიტომ ეს და-

ნაშაულო მან ოპონენტებისათვის სახელის გასატეხად ჩაიდინა; ისევე როგორც ნაცისტების მიერ რაიხსტაგის გადაწვა გახდა საყოველთაო რეპრესიების დაწყების სიგნალი, აბაღანის ტრადიციულ სასტიკი ანგარიშსწორება მოჰყვება, თუ საზოგადოება ხელისუფლების წინააღმდეგ ერთსულოვნად არ დაირაზმება. ოპოზიციის მომხრეებისთვის პიტლერის გერმანიასთან ირანის შედარება ზედგამოჭრილი იყო, რადგან სავაქს ისინი ისედაც გესტაპოს ნაირსახეობად მიიჩნეოდნენ. კინოთეატრს მათ 'არია-მჰკრის საქაბაბე' დაარქვეს. თუმცა ორი წლის შემდეგ პოსტ-მონარქიულ ირანში გამართული სასამართლო პროცესის შედეგად გაირკვა, რომ დანაშაული არა სავაქის აგენტებმა, არამედ რელიგიურმა აქტივისტებმა ჩაიდინეს. რევოლუციურმა ტრიბუნალმა 'რექსის' გადაწვის ბრალდებით ექვს პიროვნებას სასიკეთდილო განაჩენი გამოუტანა. ნებისმიერ შემთხვევაში პოლიციელთა გონიერული ქმედებით და მეხანძრეთა დროული მისვლით უბედურების თავიდან აცილება შესაძლებელი იქნებოდა. ხალხის გულის დასაპყრობად ბრძოლის საკენამო ეტაპი დაიწყო. ცხადი იყო, რომ ის პოზიციური დაპირისპირება, როცა ხელისუფლება დაძაბულობის განმუხტვას ვერ ახერხებდა, ხოლო ოპოზიცია სასურველ შედეგს ვერ აღწევდა, უსასრულოდ ვერ გაგრძელდებოდა. შაჰმა ინიციატივის ხელში აღება გადაწყვიტა. მან მთავრობა გადააყენა და ჯაფარ შარიფ-ემამის მეთაურობით შექმნილ ახალ კაბინეტს მდგომარეობის გამოსასწორებლად ფართო უფლებამოსილება მიანიჭა. შარიფ-ემამი ბოლო 15 წლის მანძილზე სენატს თავმჯდომარეობდა, 'ფაღლაის ფონდსაც' ხელმძღვანელობდა და კორუპტირებული ადამიანის იმიჯით სარგებლობდა, მაგრამ პირველივე საჯარო გამოსვლაში განაცხადა, რომ ის 'ძველი შარიფ-ემამი არ იყო'. მან თავიდანვე რამდენიმე გაბედული ღონისძიება გაატარა: პრესის ცენზურა გააუქმა, ოპონენტებს პირდაპირი რადიოეთერი დაუთმო, ხელფასებისა და პენსიების მომატების პირობა დადო, სავაქის 34 მაღალი რანგის ოფიციალური პირი თანამდებობიდან ერთ დღეში გაათავისუფლა, კორუფციის ბრალდებით რამდენიმე მოხელის წინააღმდეგ გამოძიების დაწყება გამოაცხადა, სამორინეები და კინოთეატრები დახურა, ხელისუფლების ოპონენტების დენაში მხილებული პროვინციების თუ სასწავლო-დაწესებულებების ხელმძღვანელები შეცვალა. შარიფ-ემამის გეგმით, ფასების ზრდას ბრინჯზე, ჩაიზე, შაქარსა და პურზე სუბსიდიების დაწესება შეაჩერებდა, გაზრდილი საბიუჯეტო ვალდებულებების გასტუმრება სამხედრო პროექტების შემცირების და

ბირთვული ელექტროსადგურების მშენებლობის პროგრამების გადახედვის ხარჯზე მოხდებოდა, ხოლო სოფლის მეურნეობის უხვი დაფინანსება ქალაქებში ჩასულ ადამიანებს პროვინციებში დაბრუნებისკენ უბიძგებდა.

‘მე მომთმენი ვარ და არ გადავდგები, ვიდრე ირანში სიმშვიდე არ დაისადგურებს’;

- რიხით განაცხადა მან². ახალი პრემიერი წარმოშობით რელიგიური ოჯახიდან იყო და სამღვდლოებასთან და სამოქალაქო ოპოზიციასთან წარმატებული დიალოგის იმედი ჰქონდა. სასულიერო პირების შეხედულებების არაერთგვაროვნების გამო მოლებს ის სერიოზულ საფრთხედ არ აღიქვამდა, მით უმეტეს, რომ დიდი აიათოლა შარიათმადარის ზომიერ მხარდამჭერებთან შედარებით ხომეინის მომხრეების რაოდენობა უმნიშვნელოდ მიაჩნდა. შერიგებისთვის მნიშვნელოვანი სიმბოლური ექსტის სახით მან შაჰის მიერ ორი წლით ადრე გაუქმებული ისლამური კალენდარი ისევ აღადგინა. პირად საუბრებში პრემიერი მიუთითებდა, რომ წინამორბედებისგან განსხვავებით შაჰისგან დამოუკიდებლად მოქმედებდა, ოპონენტებისადმი დიდ დათმობებს კი იმით ამართლებდა, რომ ისინი ყველაფერს მიიღებდნენ და ბრძოლას შეწყვეტდნენ. ერთობ სეკატიკურმა ბრიტანელმა და ამერიკელმა ელჩებმა ამ კურსს ‘ნიაზების გამოკვეთის პროგრამა’ დაარქვეს³.

შაჰის ძირითადი მოკავშირე ქვეყნების ეს ორი წარმომადგენელი ნიაგარანის სასახლეში რეგულარულად დადიოდა. სექტემბრის დასაწყისში მორიგი შეხვედრის დროს ფაქლავი მათ სტრესულ მდგომარეობაში დახვდა. მიმდინარე პროცესები მან ხელისუფლების წინააღმდეგ უცხოეთიდან კარგად ორგანიზებულ შეთქმულებად დაახასიათა. შაჰის თქმით, საფუძვლიანი ანალიზის შემდეგ მან დაასკენა, რომ საბჭოთა სუკის გარდა არეულობებში თავიანთი წვლილი ამერიკულ და ბრიტანულ სპეცსამსახურებსაც მიუძღვოდა. მაშინ, როდესაც ინგლისელთა არაკეთილგანწყობას ის თეირანის სანავთობო პოლიტიკის მიმართ უკმაყოფილებით ხსნიდა, ვაშინგტონის მოქმედებათა საფუძველი შაჰს ეერ გაეგო. მან ეჭვიც კი გამოთქვა, რომ შესაძლოა მსოფლიოში გავლენის სფეროების ახალი გადანაწილების მიზნით მძლავრ სახელმწიფოებს შორის საიდუმლო გარიგება მოხდა⁴. აშშ-თან მეგობრობის საკითხში მონარქს თვალსაზრისი შეეცვალა. რამდენიმე თვის წინ ის და კარტერი ერთმანეთის მიმართ გულისამაჩუყებელ ფრაზებს გამოთქვამდნენ, ახლა კი, ამ მძიმე ეამს, პრეზიდენტის სიწუმე უსიამოვნო ფიქ-

რებს აღძრავდა. თავის მრჩეველთან ექსან ნარაღისთან საუბარში შაჰს ამერიკელთა ქცევამ ბრიტანელთა 37 წლისწინანდელი ქმედებები გაახსენა:

‘მათ რეგიონში ჩვენი ძლიერების შიში აქეთ და ურჩევნიათ სუსტ მეფესთან ჰქონდეთ საქმე, რომლის მანიპულირებას იოლად შესძლებენ’.

ელჩი სალივანისგან შაჰი გამუდმებით ისმენდა სიტყვებს შეერთებული შტატების მხრიდან მისი შეურყეველი მხარდაჭერის შესახებ, მაგრამ მას ქმედითი დახმარება სჭირდებოდა. ფაქლავი მხოლოდ საყვედურებს ამბობდა, სინამდვილეში კი ვითარების უფრო გაუარესებასთან ერთად თითოეული ნაბიჯის გადადგამდე ის სწორედ ამერიკისკენ იხედებოდა.

7 სექტემბერს ოპოზიციამ რამადანის თვის დასრულებასთან დაკავშირებით ახალი დემონსტრაცია ჩაატარა. თეირანის ქუჩები 100 ათასამდე ადამიანმა მშვიდობიანი მარშით ჩაიარა. მიტინგზე გამოცხადდა, რომ მომდევნო დღეს ქვეყნის მთავარ ქალაქებში ყუმში დაღუპულთა ხსოვნის აღსანიშნავად მორიგი აქციები გაიმართებოდა. შეშფოთებულმა შაჰმა გეიან საღამოს თავის უახლოს გარემოცვასთან საგანგებო თათბირი ჩაატარა. დემონსტრაციების აღკვეთის მიზნით ხელისუფლებამ 11 ქალაქში ექვსი თვის ვადით კომენდანტის საათის დაუყოვნებლივი შემოღება გადაწყვიტა. მთავრობის დადგენილების შესახებ ინფორმაციის გადაცემა რადიომ პარასკევს დილით დაიწყო, როდესაც ათასობით მოქალაქე უკვე ქუჩაში იყო გასული. განკარგულების შესრულება გენერალ-ლეიტენანტ ლოლამ-ალი ოყეისის ჰქონდა დაკისრებული, რომელიც გადამჭრელი ზომების გატარების მომხრე იყო. ოყეისის მიერ ქუჩაში გაყვანილი არმიის ნაწილებმა დემონსტრანტებს გზა ქალაქის სამხრეთ-აღმოსავლეთ ნაწილში მდებარე ჟალეს მოედანზე გადაუკეტეს, სადაც მასობრივი ხოცვა-ჟლეტა გაიმართა⁶.

ხელისუფლებამ ისევ თავის გამართლება სცადა. ამჯერად სროლის დაწყება მან სახლების სახურავებზე მყოფ პალესტინელ მებრძოლებს დააბრალა, ჯარის გამოყენება კი კომენდანტის საათის რეჟიმის დაცვის აუცილებლობით გაამართლა. მაგრამ სასახლის კარის შეფასებები ნაკლებ ნდობას იწვევდა ირანშიც და დანარჩენ მსოფლიოშიც, სადაც დემონსტრაციის დახვერტის ვიდეოკადრები სწრაფად გაერცელდა. მსხვერპლის რაოდენობით შაჰი შოკირებული ჩანდა. საგანგებო ზომები ძალაში დარჩა, ოყეისიმაც შეინარჩუნა თანამდებობა, მაგრამ კანონგარეშედ გამოცხადებული საპროტესტო აქციები მომდევნო

დღეებში გაგრძელდა. პროპაგანდისტულ ომში ოპოზიცია ცხადია ამუშავდა ხელისუფლების დანაშაულის მასშტაბს, მაგრამ უყურადღებოდ არ დარჩენილა ის გარემოება, რომ ჟალეს მოედანზე მყოფი სამხედროების ნაწილი სპარსულ ენაზე არ საუბრობდა. ცნობილი გახდა, რომ ტრაგედიის ადგილას ოვეისის მართლაც ეთნიკური ქურთებით დაკომპლექტებული სამხედრო შენაერთი ჰყავდა. ასევე სწრაფად გავრცელდა ხმები, რომ თეირანმა დახმარება ისრაელს სთხოვა, რომლის არმიას პალესტინაში სპონტანურ ამბოხებებთან ბრძოლის დიდი გამოცდილება გააჩნდა. ირანში თავიანთი სამხედროების გაგზავნის ამბავი ოდნავ მოგვიანებით ისრაელის გაზეთებმა დაადასტურეს. ჰაიფას მახლობლად მდებარე რამათ-დავითის ავიაბაზას და ირანის აეროდრომ ღუდს შორის საჰაერო ხიდი შეიქმნა, რომლის მეშვეობით ცრემლსადენის გაზის, სპეციალური აღჭურვილობის და კომანდო ჯგუფების ტრანსპორტირება ხდებოდა. ისრაელის არმიის სადაზვერვო სამსახურის ჯგუფს სათავეში რაბბამ ზიბაკი ჩაუდგა, რომელიც ადრე ტურიზმის საკითხებში პრემიერ-მინისტრის მრჩეველი იყო. ჯარისკაცებს ირანის შეიარაღებული ძალების უნიფორმა ეცვათ და ადგილობრივი ებრაელი თარჯიმნების სამსახურით სარგებლობდნენ, უწესრიგობების აღკვეთის ვარჯიშებს კი აბადანის სიახლოვეს მდებარე სამხედრო ბაზაზე გადიოდნენ⁷.

‘შავი პარასკევი’ შემობრუნების წერტილად იქცა. ხელისუფლებას ნერვებმა უმტყუნა, ოპოზიციამ კი აქამდე ნეიტრალური ირანელებისგან თანაგრძნობისა და მხარდაჭერის ძალზე საჭირო მუხტი მიიღო. ის დრო, როცა დემონსტრანტები შაჰისგან მეტ თავისუფლებას ითხოვდნენ, წარსულს ჩაბარდა. ახლა უკვე მათი მოთხოვნა თვით ფაქლავისგან ირანის გათავისუფლება იყო. ყველაზე პოპულარული ლოზუნგი ‘მარგ ბარ შაჰ’ (სიკვდილი შაჰს) გახდა. დიდ ქალაქებში ყოველდღიური მასობრივი გამოსვლები მიმდინარეობდა, მაგრამ ამიერიდან ქუჩის მარშებს სამოქალაქო დაუმორჩილებლობის ელემენტები დაემატა. 17 სექტემბერს ნავთობის მრეწველობაში დასაქმებულმა სამუშაო პერსონალმა პოლიტიკური და სოციალური მოთხოვნებით პირველი გაფიცვა მოაწყო. 23 სექტემბერს სკოლებში სასწავლო სეზონი დაიწყო, თუმცა საკლასო ოთახების ნაცვლად უფროსკლასელებმა ორგანიზებულად დემონსტრაციებს მიაშურეს. ოთხი დღის შემდეგ რკინიგზელთა გაფიცვამ ამ სატრანსპორტო საშუალების პარალიზების საფრთხე წარმოშვა, უმაღლესი სას-

წავლებლების გახსნისთანავე კი ინსტიტუტები ანტიმონარქისტული ბრძოლის ციტადელეზად გადაიქცა.

ამასობაში თეირანმა ერაყთან დამთბარი ურთიერთობები გამოიყენა და ნეჯფუში მყოფი ხომეინის განუშვება სცადა. ერაყის უშიშროების მინისტრმა სადუნ შაკირმა აიათოლას ულტიმატუმში წაუყენა და ქვეყნიდან გაძევებით დაემუქრა, მაგრამ ცალსახა პასუხი მიიღო:

‘რემთეის პოლიტიკა და რელიგია განუყოფელია, ამიტომ უკან არ დავიხევ და საკუთარ პოლიტიკურ შეხედულებებზე უარს არასოდეს ვიტყვი’.

4 ოქტომბერს ხომეინი ქუვეითისკენ გაემართა, თუმცა შაჰის განაწყენების შიშით მას საზღვარი ჩაუკეტეს. მომხრეების წინადადებით, მაშინ ის საფრანგეთში ჩაფრინდა, სადაც მდიდარმა ირანელმა პარიზიდან 25 კმ-ში მდებარე სოფელ ნოფლ-ლეს შატოში საცხოვრებლად თავისი მამული დაუთმო. ხელისუფლება კმაყოფილებას ვერ მაღავედა. შარიფ-ემამის სჯეროდა, რომ ‘საზოგადოება ხომეინის ველარ დაინახავედა და მის ხმას ველარ მოისმენდა’.

მაგრამ რამდენიმე დღეში შაჰის გარემოცვას მწარე იმედგაცრუება ელოდა. ხომეინი ორ სახლში განთავსდა. ერთში ის ოჯახთან ერთად ცხოვრობდა, მეორე კი რეზიდენციად აქცია, სადაც მხარდამჭერებს და ჟურნალისტებს ხედებოდა. მანამდე უცნობი ფრანგული სოფელი თითქმის მსოფლიო მედიის შექა გახდა. მის ვიწრო გზებზე ავტომანქანების საცობიც კი გაჩნდა, რომლის მოწესრიგებას პოლიციელები ცდილობდნენ. ყოველდღიურად ტელეეკრანებზე, რადიოეთერში ან გაზეთის ფურცლებზე ირანელი აიათოლას შესახებ სიუჟეტები გადიოდა, მისი თვალსაზრისი და მოწოდებები გადაიცემოდა. თუ ნეჯფუიდან გარე სამყაროსთან კონტაქტი ტექნიკურად რთული იყო, ახლა ხომეინის განკარგულებაში ინფორმაციის ელექტრონული საშუალებებიც გაჩნდა, რომლის მეშვეობით ის რევოლუციურ ბრძოლაში გადაზრდილი სახალხო გამოსვლების ერთპიროვნულ ორკესტრირებას შეუდგა. პირველივე ინტერვიუში აიათოლამ განაცხადა, რომ შაჰთან კომპრომისი გამორიცხული იყო, რადგან ეშმაკის მსახურს არ დაელაპარაკებოდა. მან რწმენა გამოთქვა, რომ

‘შაჰს არმია და სასახლის კარი განუდგებიან მაშინვე, როგორც კი ღვთისგან დაწყვედილი ამერიკელები მას დახმარებას შეუწყვეტენ’.

ოპოზიციის ღვაწლმოსილი ინტელექტუალი ხელმძღვანელები ერთბაშად ჩრდილში მოექცნენ. პარიზში განათლებამიღებული იურისტი, 'ეროვნული ფრონტის' 75 წლის თავმჯდომარე ქარიმ სანჯაბი აქამდე პროცესების ევოლუციური განვითარების აქტიურ მხარდამჭერად გამოდიოდა, მაგრამ ხომეინისტან შესხედრის შემდეგ მან მონარქია უკანონოდ სცნო. ხედვა შეიცვალა ასევე ცნობილმა დისიდენტმა მკჰდი ბაზარგანმა. ხომეინიმ სამი საკვანძო პრინციპი გამოაცხადა, რომლის გაზიარების სანაცვლოდ ოპოზიციას თანამშრომლობა შესთავაზა: ფაქლავთა დინასტიის დამხობა, მონარქიის ლიკვიდაცია და ისლამური რესპუბლიკის შექმნა. ეს პრინციპები ირანის ქალაქებში გამართული აქციების მონაწილეებმა თავიანთი ბრძოლის მიზნებად გამოაცხადეს.

შაჰის ბანაკის მდგომარეობა კი განუხრელად მძიმდებოდა. ნომინალურად კომენდანტის საათი ისევ ძალაში იყო, მაგრამ ოპოზიცია მის იგნორირებას ახდენდა. ხალხის მიმართულებით სროლა ოვეისის აკრძალული ჰქონდა. ახალი მსხვერპლის თავიდან ასაცილებლად შაჰის თხოვნით ბრიტანეთმა ჩრდ.ირლანდიაში გამოცდილი სპეცდანიშნულების მებრძოლებისგან შექმნილი სამხედრო მისია მიაგლინა. ირანელმა ძალოვნებმა აგრეთვე რეჟიმის ტყეიების და ცრემლსადენი გაზის პარტია მიიღეს¹¹. მაგრამ ქუჩის გამოსვლებზე არანაკლებ საგანგაშო ვითარება ეკონომიკურ სექტორში შეიქმნა. ოქტომბრის ბოლოსთვის 37 ათასი მუშის გაფიცვის შედეგად ნავთობის მრეწველობა გაჩერდა. შარიფ-ემამის მთავრობამ გაფიცულები მოლაღატეებად გამოაცხადა და სამუშაო ადგილებზე დაბრუნების სამდღიანი ულტიმატუმის შეუსრულებლობის შემდეგ ნავთობსარეწებზე არმია გაგზავნა. მაგრამ ძალდატანების და დაშინების მიუხედავად წარმოების აღდგენა ვერ მოხდა. დაიკეტა აეროპორტები, სკოლები, ბანკები, მაღაზიები, რესტორნები. გაფიცვები სამთავრობო უწყებებსაც მოედო. მორიგი ასიათასიანი მარშის შემდეგ ფაქლავიმ კონტრ-დემონსტრაციის ჩატარება გადაწყვიტა, თუმცა ბრიტანელმა და ამერიკელმა ელჩებმა ის იმ არგუმენტით გადაარწმუნეს, რომ მომდევნო დღეს ოპოზიცია ქუჩაში ორჯერ მეტ ხალხს გაიყვანდა.

‘მაშინ მათ დაეუჯერე, მაგრამ შეეცდი, მე შემეძლო ამ შეჯიბრის მოგება’;

- წერს შაჰი მემუარებში მოვლენებიდან ერთი წლის შემდეგ¹². მას ასევე სანანებელი დარჩა აშშ-ში ელჩის თანამდებობაზე არღეშირ ზაჰედის დატოვება, რომლის ინერტულობამ, მისი აზ-

რით, მოვლენებისადმი ვაშინგტონის არაადეკვატურ დამოკიდებულებაში დიდი როლი შეასრულა.

ამერიკის ადმინისტრაციაში ირანულ პოლიტიკას ზბიგნევ ბჟეზინსკი ზედამხედველობდა, რომელიც ოპოზიციის მიმართ ხისტი მოქმედებების გატარებას უჭერდა მხარს. უილიამ სალივანმა მოგვიანებით გამოქვეყნებულ მოგონებებში დაწერა, რომ შაჰის დაცემის გარდაუვალობა უკვე სექტემბერში იცოდა, თუმცა მისი ქმედებები ამ მტკიცებას ეჭვქვეშ აყენებს. ანტიმონარქისტულ ძალებს ის მაშინ ახასიათებდა, როგორც 'აიათოლა ხომეინის მიერ მართულ ფანატ მუსლიმანთა ექსტრემისტულ კოალიციას, რომელსაც ხელს უწყობდნენ ტერორისტული, კომუნისტური და სხვა უკიდურესად მემარცხენე ელემენტები'¹³. ხელისუფლებისათვის რეალური საფრთხის დანახვის შემთხვევაში ელჩი სავარაუდოდ შევებულებაში არ გავიდოდა. დიდწილად სწორედ თეირანში ამერიკული საელჩოს მიერ მიწოდებული ინფორმაციის საფუძველზე აშშ-ს სამხედრო დაზვერვის სამსახურმა თავის 28 სექტემბრით დათარიღებულ მოხსენებაში შაჰის შემდგომი ათწლიანი აქტიური მმართველობის ალბათობა გამოთქვა¹⁴. მომდევნო ორი თვის მანძილზე თეთრი სახლის მიერ ფაქტაუზის მხარდაჭერა აშკარა ჩანდა, ვიდრე განვითარებულმა მოვლენებმა შაჰის პოლიტიკური სიცოცხლისუნარიანობა საბოლოოდ დიდი კითხვის ნიშნის ქვეშ არ დააყენა.

შემოდგომის პირველი ორი თვე ხელისუფლებისთვის ქრონიკულად წარუმატებელი აღმოჩნდა. საპროტესტო კამპანიის არეალმა მხოლოდ იმატა, ქუჩის განწყობამ სამეცნიერო, საწარმოო და სახელმწიფო დაწესებულებებში შეაღწია, მასებზე მოვლების დომინირება უკონკურენტო გახდა. პრესაზე ცენზურის გაუქმების შემდეგ შაჰის ლანძღვამ პროკლამაციებიდან მრავალტირაჟიან გაზეთებში გადაინაცვლა. პოლიტიკური რწმენისათვის დატუსაღებულმა აქტივისტებმა, რომლებმაც დემონსტრანტების წყალობით თავისუფლება დაიბრუნეს, თავიანთი პრინციპებისათვის ბრძოლა მეტი ენთუზიაზმით გააგრძელეს. გადაწყვეტილებების მიღება შაჰს უჭირდა. ეროი მხრივ, ის დაბეჯითებით ამბობდა, რომ 'მონარქი თავისი ხალხის დახოცვის მეშვეობით ძალაუფლებას ვერ შეინარჩუნებდა'¹⁵. რითაც ძალის გამოყენების სურვილს უარყოფდა, მაგრამ ამავე დროს ფიქრი ქაოსის შედეგად ქვეყნის შესაძლო დანაწევრების ან ავღანეთის მსგავსად გასაბჭოების შესახებ მას უზომოდ თრგუნავდა. უკურნებადი ავადმყოფობაც შაჰზე მსახერელად მოქმედებდა. სამეფო რეზიდენციაში არსებულ ფსიქოლოგიურ მდგომარეობას შაჰბანუს

პირად დღიურში ოქტომბრის დღეებში ჩაწერილი რამდენიმე სიტყვაც სრულად ასახავს:

‘გერძნობ, რომ იმედი აღარ არის... პესიმიზმმა შემიპყრო. დავიღალე!’¹.

¹ ფარაჟ ფაქლაევი, ‘მარადიული სიყვარული’, 2004, გვ.282

² ‘ნიუიორკერი’, 1978 წლის 18 დეკემბერი

³ უილიამ სალივანი, ‘მისია ირანში’, 1981, გვ.164

⁴ იქვე, გვ.156

⁵ ერიკ ღურშმიდი, ‘რევოლუციის სისხლი’, 2001, გვ.331

⁶ მსხვერპლის რაოდენობის შესახებ თავიდანვე განსხვავებული ინფორმაცია გაეროცელდა. შაჰი თავის მემუარებში ასახელებს 86-ს, დედოფალი – 91-ს (ოცდაერთი დემონსტრანტი და 70 ჯარისკაცი და პოლიციელი), ერიკ ღურშმიდის თანახმად დაიდუპა 122 ადამიანი, ოპოზიციური წყაროები კი ოთხნიშნა ციფრებს იუწყებოდნენ.

⁷ ღურშკოვი, ‘ირანის თავზე ცა ნათელია’, 1999, გვ.113

⁸ გაზეთები ‘პარეცი’, 23/10/1978, და ‘მანია’, 17/12/1978

⁹ ‘მისია ირანში’, გვ.167

¹⁰ ‘ირანის თავზე ცა ნათელია’, გვ.113

¹¹ ‘მისია ირანში’, გვ.168

¹² მუჰამედ რეზა ფაქლაევი, ‘პასუხი ისტორიას’, 1980, გვ.164

¹³ რობერტ ფისკი, ‘ახლო აღმოსავლეთის დაპყრობა’, 2006, გვ.156

¹⁴ სეფუჰარ ზაბიბი, ‘ირანი რევოლუციის შემდეგ’, 1982, გვ.5

¹⁵ ‘რევოლუციის სისხლი’, გვ.339

¹⁶ ‘მარადიული სიყვარული’, გვ.285

26 ოქტომბერს შპის დაბადების დღე იყო. წლების განმავლობაში ეს თარიღი განსაკუთრებულად საზეიმოდ აღინიშნებოდა. მოსამზადებელი სამუშაოები რამდენიმე კვირით ადრე იწყებოდა, მედია მოსახლეობას არიამეპრის მიღწევებს ახსენებდა, ნიავარანის სასახლეში უამრავი მისალოცი ბარათი იგზავნებოდა. ახლა ტრადიცია დაირღვა. დღემ მოკრძალებულად ჩაიარა. სამეფო კარზე მიღებაც არ გაიმართა. მეფე, რომელსაც სხვადასხვა ქალაქებში მრავალრიცხოვან აქციებზე ყოველდღიურად სიკედილს უსურვებდნენ, სტრესულ მდგომარეობაში იმყოფებოდა. აგრესიული შეძახილების ხმა ქუჩიდან მის რეზიდენციაშიც აღწევდა.

სახალხო მღელვარების ჩასაცხრომად მთავრობა აქამდე წარმოუდგენელ ღათობებზე მიდიოდა. თვითლიკვიდაციით დაასრულა თავისი უშინაარსო არსებობა პარტია 'აღორძინებაში' იმ დროს, როცა ქვეყნის აღორძინების პროცესებზე საუბარი ყველაზე გამოუსწორებელმა ოპტიმისტებმაც შეწყვიტეს. პოლიტიკატიმართა რამდენიმე ჯგუფმა თავისუფლება დაიბრუნა, მათ შორის გაუტეხელმა მაჰმედ თალეჟანიმ. ხანგრძლივი ფიზიკური და ფსიქოლოგიური წამების შედეგად აიათოლა დაბერებული ჩანდა და ფეხზე დგომა უჭირდა. ხელისუფლების მიერ გამოქვეყნებული მონაცემების თანახმად, პოლიტიკური მრწამსისათვის დატუსაღებული 3112 ადამიანიდან 2312 გათავისუფლდა¹. გამოიცა სამეფო ოჯახის წევრთა ქცევის კოდექსი, რომელმაც შპის უახლოეს ნათესაებს გარკვეული შეზღუდვები დაუწესა. მაგალითად, მათ აეკრძალა ოფიციალურ თანამდებობაზე ყოფნა, მინისტრებად ან გუბერნატორებად კანდიდატების დასახელება და ისეთ ბიზნეს-გარიგებებში მონაწილეობა, სადაც სახელმწიფო იყო ჩარეული. იუსტიციის მინისტრს ქვეყნის შიგნით და გარეთ ფაქლავთა ოჯახის წევრების სიმდიდრის წყაროების დადგენა დაევალა.

ირანულ საზოგადოებაში პრინცებს და პრინცესებს ძალიან უარყოფითი სახელი ჰქონდათ. მათ მიერ დაგროვილი ზღაპრული ქონება მუდმივი განხილვის საგანი იყო. ეკონომიკის საგარძნობ ნაწილს შპის ძმები ღოღამ რეზა, აბდულ რეზა, მაჰმედ რეზა და აჰმად რეზა და დები აშრაფი, შამსი და ფატიმა თავიანთი ოჯახების მრავალრიცხოვან წევრებთან ერთად განაგებდნენ. გავრცელებული ცნობებით, უშუალოდ ან ირიბად ისინი მნიშვნელოვან წილს ფლობდნენ 17 ბანკში და სადაზღვეო

კომპანიაში, 25 მეტალურგიულ ქარხანაში, 8 მაღაროში, 10 სამშენებლო მასალათა ქარხანაში, 45 სამშენებლო კომპანიაში და ა.შ.² მათგან გამორჩეულად ოდიოზურ პიროვნებად შაპის ტყუპისცალი აშრაფი ითვლებოდა. იმის გარდა, რომ ის ამორალური ქალის რეპუტაციით სარგებლობდა, ხმები დადიოდა სამორინეებში გაფლანგული მილიონების, ნარკობიზნესთან მჭიდრო ურთიერთობის და შაჰზე მისი ძლიერი გავლენის შესახებ. აშრაფი რელიგიისადმი უდიერი დამოკიდებულებით იყო ცნობილი. ერთხელ მან საჯაროდ გააკრიტიკა ის ქალები, რომლებიც 'ბებიების ამაზრზენ შავ ნაჭერს' (ჩადრს) ატარებდნენ. შაჰი ბოლოს იძულებული გახდა, ბევრისთვის საძულველი და საზღვარგარეთ გაეზავნა.

ხალხის გულის მოსაგებად ის არც თავისი ერთგული მომხრეების გაწირვას მოერიდა. საგანგებო თათბირზე მიღებული გადაწყვეტილებით, დაპატიმრებული იქნა 14 მაღალი რანგის მოქმედი და გადამდგარი თანამდებობის პირი, მათ შორის ყოფილი პრემიერ-მინისტრი ამირ აბას პოვეიდა და სავაქის ყოფილი დირექტორი ნემათულა ნასირი. ამ შემთხვევაში შთაბეჭდილება იქმნებოდა, რომ მონარქის გარემოცვის ერთი ნაწილი მეორის წინააღმდეგ პირად ანგარიშსწორებას ახორციელებდა. შაპის კარზე 'რუხი კარდინალის' როლის შესრულება მცირე ხნით ვაშინგტონიდან ჩამოსულმა ელჩმა არდეშირ ზაჰედიმ დაიწყო, რომელსაც პოვეიდას მიმართ ხანგრძლივი მტრული დამოკიდებულება გააჩნდა. სიძე-სიმამრი ვარაუდობდა, რომ წარსულის შეცდომები ცალკეულ მოხელეებს დაბრალდებოდა, შაჰი კი ამ მძიმე ვითარებიდან უდანაშაულოდ გამოსვლას შესძლებდა. ამ აზრს ძალოვნებიც იზიარებდნენ. სავაქის ხელმძღვანელი გენერალი მოყადამი ემოციურად ამტკიცებდა, რომ

‘პოვეიდას დაპატიმრება ყოველდღიურ პურზე უფრო მნიშვნელოვანია’³.

მოგვიანებით თავიანთ მოგონებებში როგორც შაჰმა, ასევე შაჰბანუმ ეს გადაწყვეტილება ინანეს, მით უმეტეს, რომ სასურველი ეფექტი მან ვერ გამოიღო. ოდესღაც ესოდენ გავლენიანი პირების დატუსაღება ოპოზიციამ შაპის მიერ განტეხების ვაცის ძიებად შეაფასა, ექს-პრემიერი სიამოვნებით მოინელა, მაგრამ მადა თვით შაპის მიმართ მხოლოდ მოემატა. თეირანში ბრიტანეთის ელჩმა ენთონი პარსონსმა მოგვიანებით შემუარებში დაწერა:

*მოვეიდას გასამართლება შაჰის გასამართლება იქნე-
ბოდა, ხოლო მოვეიდასთვის სასჯელის გამოტანა -
შაჰისთვის სასჯელის გამოტანა¹.*

ფაქტად იმედოვნებდა, რომ ამ პოლიტიკური ნაბიჯით ხალხის ყურადღებას სასამართლოსკენ გადაიტანდა, სადაც მოვეიდა საკუთარი თავის დაცვას წარმატებით შესძლებდა. მაგრამ საგულისხმოა, რომ მომდევნო თვეების განმავლობაში ექსპრემიერის წინააღმდეგ კონკრეტული ბრალდება არ ყოფილა წაყენებული. ნოემბრის დასაწყისისთვის უცნაური სურათი გამოიკვეთა: შეურიგებელ ოპონენტებს შაჰი ციხიდან უშვებდა, მათ ადგილას კი თავის ერთგულებს გზავნიდა. ტახტის შენარჩუნების სტრატეგიული ამოცანიდან გამომდინარე ის გარდამავალი ტაქტიკით მოქმედებდა - ზოგ დამნაშავეს აპატიმრებდა, ზოგს კი თანამდებობრივად აწინაურებდა. ასევე მოხდა ნასირის შემთხვევაში. პოსტიდან გენერლის გათავისუფლება თავდაპირველად აღქმული იქნა როგორც მისი დასჯა საეაქის რეპრესიული მანქანის მესაჭეობის გამო, მაგრამ მალე გამოცხადდა ნასირის გადასვლა დიპლომატიურ ასპარეზზე პაკისტანში სრულუფლებიან ელჩის სახით. ახლა, მისი დაპატიმრების შემდეგ, თითქოს უშიშროების სამსახურის ზოგიერთი დანაშაულებრივი საქმიანობის აღიარება უნდა მომხდარიყო, თუმცა არც ნასირის წარედგინა რაიმე ბრალი. რაც მთავარია, ქუჩებში დიდი რაოდენობით ადამიანების დახვრეტის გამო პასუხისმგებლობა არავის დაეკისრა. სამხედრო მეთაურები ხელშეუხებელ კასტად დარჩა. უფრო მეტიც, აღმოჩნდა, რომ შაჰი მთავარ იმედს უკვე გენერალიტეტზე ამყარებდა.

29 ოქტომბერს კასპიისპირა პატარა ქალაქ ამოლში ხელისუფლება ოპოზიციის ხელში გადავიდა, რომელიც ქუჩების პატრულირებას თუ საგზაო მოძრაობის მოწესრიგებას შეუდგა. არმიამ ამბოხება ჩაახშო. ერთი კვირის შემდეგ მასობრივი არეულობები უკვე დედაქალაქში მოეწყო. ბრიტანეთის საელჩოს ჩათვლით ასობით შენობა გადაიბუება. აშშ-ს საელჩო ანალოგიურ ხედვრს ძლივს გადაურჩა. შაჰმა ვითარება შეეუღმფრენიდან შეაფასა და ნანახით შეძრწუნებულმა შარიფ-ემამის კაბინეტი დაითხოვა. მას სამხედრო მთავრობა ჩაენაცვლა, რომლის თავმჯდომარედ შეიარაღებული ძალების გენერალური შტაბის უფროსი გენერალი ღოღამ რეზა აზჰარი დანიშნა.

შაჰის სახელზე დადებული ფიცი სამხედროებმა აქამდე პატიოსნად შეასრულეს, ზოგ შემთხვევაში მონარქის დასაცავად აუცილებელზე ჭარბი ძალაც გამოიყენეს. თვეების მანძილზე

გენერლები მკაცრი ღონისძიებების განხორციელებას ემხრობოდნენ, მაგრამ სანაცვლოდ შაჰისგან მხოლოდ ნახევარზომების გატარების უფლებას იღებდნენ: ჟალეს ტრაგედიის შემდეგ ჯავშანტექნიკით ქუჩებში გასულ ჯარისკაცებს კომენდანტის საათის აღსასრულებლად სროლა აეკრძალათ, ამიტომ კანონდარღვევით მიმდინარე აქციების დაშლა მათ არ შეეძლოთ. ცალმხრივი დათმობების და განსაკუთრებით პრესის თავისუფლების ფონზე კომენდანტის საათი ფიქცია გახდა. სამხედროები ჯარის დემორალიზებას უჩიოდნენ და არეულობის სათავედ ცალმხრივი დათმობების პროცესს მიიჩნევდნენ. იგივე პრობლემის წინაშე საეპიქი იდგა, რომლის უფროსი ნასერ მოყადაში უცხოელ ჟურნალისტთან აღიარებდა:

‘ჩვენ, უშიშროების ძალები, ლიბერალიზაციის გამო ხელფეხშეკრული ვართ’.

ახლა, სამხედრო მთავრობის შექმნასთან ერთად, გენერლებს მოქმედების მეტი თავისუფლება უნდა მიეღოთ. თუმცა ხალხისადმი შაჰის 5 ნოემბრის სატელევიზიო მიმართვა ისევ ორმაგი პოლიტიკის გაგრძელებას მოასწავებდა. უაღრესად შემრიგებლური პათოსით მან განაცხადა:

‘ირანელი ხალხი წინ აღუდგა უსამართლობას და კორუფციას. მეც გავიგე რევოლუციის ხმა. როგორც ირანის შაჰი და ირანელი, მხარს ეუჭერ ჩემი ხალხის რევოლუციას. პირობას ვდებ, რომ წინა შეცდომები და უკანონობა აღარ განმეორდება’.

ამ გამოცხადებულ სიტყვებში მინიშნებაც აღარ ჩანდა შავ და წითელ რეაქციონერებზე და მათი უცხოელი მფარველების ინტრიგებზე. სახალხო გამოსვლები ფაქლავიმ რევოლუციად აღიარა, მაგრამ მისი ძირითადი მოთხოვნის საპასუხოდ ის თავისუფალი საპარლამენტო არჩევნების ჩატარების ვალდებულებას იღებდა, რისი წინაპირობა წესრიგის აღდგენა უნდა ყოფილიყო.

სამხედრო მთავრობის ჩამოყალიბებასთან დაკავშირებით შაჰმა წინასწარი კონსულტაციები ამერიკულ მხარესთან გამართა, რომელმაც მას სრული მხარდაჭერა აღუთქვა. თეთრი სახლი შაჰს ჯერ კიდევ განიხილავდა, როგორც ქვეყანაში სტაბილურობის შენარჩუნების ერთადერთ საშუალებას, რომელსაც შეეძლო სამხედროების მოთოკვა და ამავდროულად კონტროლირებადი ცვლილებების მოხდენა. მაგრამ ირანული კრიზისიდან გამოსვლის მეთოდები ამერიკულ ადმინისტრაციაში აზრთა სხვადასხვაობას იწვევდა. ერთ დაჯგუფებას, რომელიც ზბიგნეე

ბუქსინსკის გარშემო გაერთიანდა, ყველაზე ოპტიმალურ გამო-
სავლად უმკაცრესი ღონისძიებების გატარება მიიჩნედა. ამ მე-
ოთხდით წესრიგის აღდგენის საჭიროების ხაზგასმისას ეროვნუ-
ლი უსაფრთხოების საკითხებში პრეზიდენტის მრჩეველს ჩილეს
მაგალითი მოჰყავდა, სადაც ხუთი წლით ადრე არმიამ გენე-
რალ პინოჩეტის მეთაურობით საყოველთაო სისხლიანი რეპრე-
სიები გაატარა. შაჰის პირადი მეგობრების ძმები როკფელერე-
ბის, ყოფილი სახელმწიფო მდივნის პენრი კისინჯერის, კონ-
გრესის წევრების და ინფორმაციის ზოგიერთი საშუალების
დახმარებით ბუქსინსკის დაჯგუფება კომუნისტური საფრთხის
აღსაკეთად შაჰის უპირობო მხარდაჭერის იდეის პროპაგანდას
წევოდა.

ამის საპირისპიროდ სახელმწიფო დეპარტამენტში ამტკიცებ-
დნენ, რომ ძალის გამოყენება მხოლოდ გააღრმავებდა ისედაც
მძაფრ დაპირისპირებას, რომელიც შესაძლოა ფართომასშტაბი-
ან ძალადობაში გადაიზრდილიყო და საბოლოოდ კომუნისტთა
გამარჯვებით დასრულდებოდა. ამის მაგალითად საირუს ენ-
სის ბანაკს რამდენიმე ათეულ ქვეყანაში უკვე მომხდარი პრე-
ცედენტი მოჰყავდა და ირანში რელიგიური და სამოქალაქო
ოპოზიციის ანტისაბჭოთა განწყობაზე საგანგებოდ მიუთითებ-
და, რის გამოც, მისი აზრით, შაჰის ცალსახა მხარდაჭერა აუ-
ცილებლობას არ წარმოადგენდა. ამდენად, საპროტესტო კამპა-
ნიაში მონაწილე ყველა წონადი ფიგურების მონაწილეობით
კარტერის ადმინისტრაცია ამ ერთგვარ საჭადრაკო დაფაზე
ისეთი მრავალსვლიანი კომბინაციის შემუშავებას ცდილობდა,
რომელსაც ენდშილში ირანის მარქსისტთა ტრიუმფი უნდა გა-
მოერიცხა. მაგრამ უწყებათაშორისი დავის შედეგად ვაშინ-
გტონს მკაფიო პოლიტიკის ჩამოყალიბება აღარ ძალუძდა, 'შე-
საბამისად, თეირანში მყოფმა ელჩმაც არ იცოდა, მხარდაჭერის
ზოგადი ფრაზის გარდა რეგულარული შეხვედრების დროს შა-
ჰისთვის რა რჩევა მიეცა.

9 ნოემბერს სალივანმა თავის ზემდგომებს ერცელი მოხსენება
გაუგზავნა. ელჩის პროგნოზით, აჰმადის მთავრობის წარმატე-
ბის შემთხვევაშიც კი დაძაბულობა დიდი ალბათობით გაგ-
რძელდებოდა და ტერორიზმში გადაიზრდებოდა, შაჰი და სამ-
ხედრო მეთაურები ქვეყანას დატოვებდნენ, ხომეინი კი ახალი
მთავრობის შექმნას 'ეროვნული ფრონტის' რომელიმე ხელ-
მძღვანელს დააეალებოდა; ასეთ შემთხვევაში მუშაობა დაიწყე-
ბოდა არჩევნების ჩასატარებლად და ზოგადად მშვიდობიანი
პროცესის აღსადგენად, ხოლო ირან-ამერიკული ურთიერთობე-

ბის გაუარესების მიუხედავად მთავარი მიზანი – არმიის და ქვეყნის ერთიანობა – მიღწეული იქნებოდა, რაც ხელისუფლებას კომუნისტების მისვლას შეუძლებელს გახდიდა. პრეზიდენტმა კარტერმა პირველად შეიტყო, რომ შაის შესაძლოა ტახტი ვერ შეენარჩუნებინა. მან საკითხი ეროვნული უსაფრთხოების საბჭოს წევრებთან სათათბიროდ გაიტანა, თუმცა სალივანის ვარაუდები ბეჰზინსკის ძალიან არადამაჯერებელი მოეჩვენა¹. ვაშინგტონიდან შაის მხარდამჭერი საჯარო განცხადებები კელავ დიდი სიხშირით გაგრძელდა, რაც ირანში ფაქლავის იმიჯზე დადებითად ნამდვილად არ მოქმედებდა. სალივანის თქმით, შაი შეურაცხყოფილადაც კი გრძნობდა თავს, რადგან თანამემამულეების თვალში ასეთი განცხადებები მას მარიონეტად წარმოსახავდა. ამერიკელ დიპლომატთან საუბარში მსგავსი აზრი გამოხატა ასევე გაეროში ირანის წარმომადგენელმა ფერეიდუნ ჰოვეილამ:

“შაის დამხობის საუკეთესი საშუალებას თქვენი მხრიდან მისი მხარდაჭერის ფრაზების მუდმივი გამოთქმა წარმოადგენს”.

დოლამ რეზა აჰმადის აშშ-ს გენერალური შტაბის და სახმელეთო ძალების სასწავლებელი პქონდა დამთავრებული, წარმატებული სამხედრო კარიერაც გააჩნდა. თავდაპირველად 10 ათასკაციანი იმპერიული გვარდიის სარდლის თანამდებობაზე ყოფნა შაჰთან მის ახლო ურთიერთობაზე მეტყველებდა. თავდაცვის სამინისტროში გენერალს უკვე 450 ათასი სამხედრო მოსამსახურე პყავდა დაქვემდებარებული, ახლა კი მას პატივად მონარქიის გადარჩენის საქმეში პირველკაცობა ერგო.

ახლადდანიშნულ მთავრობის თავმჯდომარეს ელჩი სალივანი უარყოფითად ახასიათებდა და მასში უპირველესად ძალაუფლებამოწყურებულ ადამიანს ხედავდა². შაის მსგავსად, გენერალი ირანელებს რბილი ტონით მიმართავდა, საკუთარი რელიგიურობის ნიშნად საუბრისას ხანგამოშეებით ყურანის ციტირებას ახდენდა, რისთვისაც ირონიულად აიათოლა აჰმადი დაარქვეს. მაგრამ რამდენადაც მისი მოუაღელობა ქვეყანაში წესრიგის აღდგენა იყო, დანიშვნის დღეს გამოცემული პირველივე განკარგულებით მან დემონსტრაციები აკრძალა და მედიაზე ცენზურა აღადგინა. საკითხავი ახლა განკარგულების აღსრულება იყო. წამყვანმა გაზეთებმა სიტყვის თავისუფლების შეზღუდვა დაგმეს და პროტესტის ნიშნად გამოცემა შეაჩერეს. რამდენიმე დღის მანძილზე ქუჩებში შედარებითი სიმშვიდე სუფევდა. მაგრამ სამოქალაქო დაუმორჩილებლობის კამპანიას ფესვე-

ბი ღრმად გაედგა, რასაც ნავთობით მდიდარი ხუზისტანის პროვინციიდან ფრანგულ გაზეთ 'მონდში' გაგზავნილი რეპორტაჟი ადასტურებდა:

'14 ნოემბერს აბადანიდან 12 კმ-ში მდებარე ქალაქი ხორეშაჰრი გაუკაცრიელებული იყო. შაბათ-კვირის შეტაკებებს 30 კაცი შეეწირა, ასამდე დაიჭრა. ახლა ქუჩები დაცარიელებული, მაღაზიები დაკეტილი, ბანკები გაძარცვული, კინოთეატრები გადამწვარია. ყოველ გზაჯვარედინზე ტანკები დგას, რეზა შაჰის ძეგლს ტყვიამფრქვევებით შეიარაღებული ჯარისკაცები იცავენ. სამხედრო მმართველმა გენერალმა ესფანდიარმა ნავთობინდუსტრიაში დასაქმებული 80 მუშის დაპატიმრება გამოაცხადა. გაფიცვა 23 ოქტომბერს დაიწყო. მოითხოვენ კომენდანტის საათის გაუქმებას, პოლიტპატიმრების გათავისუფლებას, საეაქის დაშლას, ამერიკელ მრჩეველთა წასვლას, კორუფციასთან ბრძოლას. მოთხოვნებს მასწავლებლები უერთდებიან. გაფიცვას იწყებენ აგრეთვე მოსამართლეები, რომლებსაც მუშების საქმე უნდა განეხილათ. სოლიდარობა ყველა ფენას გადაედო. ირანის ეროვნული სანავთობო კომპანია მუშების დაბრუნების იმედით ხელფასების და პრემიების 10%-ით მატებას აცხადებს, მაგრამ უშედეგოდ. საქმეში ჯარი ერევა. ისევ მსხვერპლია¹⁰.'

საყოფაცხოვრებო დონეზეც ვითარება უკიდურესად მძიმე იყო. პურის საცხოვრებთან და ბენზინგასამართ სადგურებთან 200-300 კაციანი რიგები იდგა. უარესის მოლოდინში ხალხი პროდუქტებს დიდი რაოდენობით იძენდა, რის გამო მაღაზიები მალე ცარიელდებოდა. საქონელზე მაღალი მოთხოვნის გამო ფასები განუხრელად იზრდებოდა. მთავრობის წევრები ირანის ეკონომიკისთვის ყოველდღიურ ზარალს 60 მლნ. დოლარით აფასებდნენ, მაგრამ იმედს არ კარგავდნენ, რომ სტაბილურ ცხოვრებას მონატრებული ირანელები საბოლოოდ მაინც მათკენ შებრუნდებოდნენ. თუმცა სინამდვილეში ხალხს შაჰისადმი აგრესიის დამატებითი მოტივი უჩნდებოდა.

იმ პირობებში, როცა გაზეთების გამოცემა შეწყდა, ინფორმაციის გავრცელების მთავარი წყარო ისევ პროკლამაცია გახდა. 28 ნოემბერს სწორედ პროკლამაციებით ქვეყანას სწრაფად მოედო ირანის ცენტრალური ბანკის თანამშრომელთა ასოციაციის სკანდალური ინფორმაცია მაღალჩინოსნების საფინანსო ოპერაციების შესახებ. ამ მონაცემების თანახმად, აგვისტო-ოქტომ-

ბერში მუჰამედ რეზა ფაჰლავის შეეცარიულ, ფრანგულ და ამერიკულ საბანკო ანგარიშებზე 17 ფულადი გადარიცხვის შედეგად ორ მილიარდ დოლარზე მეტი გაიგზავნა. საზღვარგარეთ ირანული კაპიტალის დიდი რაოდენობით გატანაში სულ 144 მაღალი რანგის მოხელე იყო მხილებული, მათ შორის: მრეწველობის მინისტრი რეზა ამინი - 500 მლნ. დოლარი, ყოფილი გენერალ-გუბერნატორი მაჰდი შაიბანი - 450 მლნ., ბელგიაში ელჩი ეზათულა ამელი - 350 მლნ., ყოფილი პრემიერ-მინისტრი შარიფ-ემაში - 250 მლნ., ეკონომიკის მინისტრი პასანალი მეჰრანი - 155 მლნ., სამხედრო-საზღვაო ძალების სარდალი აღმირალი ჰაბიბულაჰი - 150 მლნ., ექს-პრემიერი ჯემშიდ ამუზეგარი - 150 მლნ., ხელოვნების და კულტურის მინისტრი ფურული - 150 მლნ. და ა.შ.

მოცემული ინფორმაციის გადამოწმების შესაძლებლობა არ არსებობდა, მაგრამ საზოგადოებრივი აღშფოთების მასშტაბის გათვალისწინებით აზჰარიმ სიაში ჩამოთვლილ პირებს ქვეყნიდან გასვლა აუკრძალა. მედია საშუალებების სიმწირის მიუხედავად, ოპოზიცია საინფორმაციო ომს წარმატებით ახორციელებდა. სახელმწიფო უწყებებში მომუშავე რევოლუციურად განწყობილი თანამშრომლებიც საკუთარი ძალის დემონსტრირებას ახდენდნენ. მაგალითად, ტელევიზიით ახალი ამბების გადაცემის წინ ენერგეტიკის სამინისტროს მუშები პოლიტიკური მიზეზით ელექტროენერგიის მიწოდებას წყვეტდნენ. 2 დეკემბერს რადიო-ტელევიზიის პერსონალი მათ მხარდამჭერი განცხადებით მიესალმა.

კომენდანტის საათის შესახებ კანონის V მუხლის თანახმად, სამხედრო მმართველებს თუნდაც ეჭვის საფუძველზე მოქალაქის დაპატიმრების უფლება მიეცა, რასაც ისინი ფართოდ იყენებდნენ. შედეგად, კვლად ციხეში აღმოჩნდა 'ეროვნული ფრონტის' ხელმძღვანელი ქარიმ სანჯაბი. რამდენიმე თვით ადრე ხელისუფლების წარმომადგენლების წინდაუხედავი ქმედებების შემდეგ დიდი აიათოლა შირიათმადარის ხმაც ოპოზიციას შეუერთდა: პოლიციელთა ჯგუფი ყუმში მის სახლში შეიჭრა და აიათოლას თვალწინ ერთი ახალგაზრდა დახვრიტა. ბოდიშის მოხდამ ნაკლები ეფექტი გამოიღო - აქამდე აპოლიტიკურმა ღეთისმსახურმა თავის უამრავ მომხრეს წინააღმდეგობისკენ მოუწოდა. შაჰის მთავრობის შეცდომებს ბოლო არ უჩანდა.

დეკემბრის დასაწყისში ყველა დრამატულ ესკალაციას ელოდა, რადგან მოჰარამის თვეში შიიტები იმამ ალის შეილების გლოვის ნიშნად ტრადიციულად მრავალრიცხოვან რელიგიურ პრო-

ცესიებს აწეობენ. აზმარიმ ახლა ყოველგვარი სახის აქციის გაპართოვა აკრძალა, მაგრამ, როცა ურიცხეი ხალხი ქუჩაში გავიდა, გენერალ ოვეისის რწმუნის საწინააღმდეგოდ შაჰმა მათი დაშლის ნებართვა არ გასცა. 11-12 დეკემბერს ირანის ქალაქებში მილიონიანი მარშები გაიმართა. მონარქიის გაუქმების, ისლამური რესპუბლიკის შექმნის და აიათოლა ხომეინის სადიდებელი ლოზუნგები ყველა კუთხეში ისმოდა. ჯარსა და ხალხს შორის დიდი კონფორტაციის თავიდან აცილების მიუხედავად ცხადი იყო, რომ ვითარების გამოსწორებას სამხედრო მთავრობაც ვერ ახერხებდა. გენერლებს უკვე უჭირდათ შაჰის მიმართ უკმაყოფილების დამალვა. აზმარიმ ელჩ სალივანს პირდაპირ განუცხადა:

‘ეს ქვეყანა განწირულია, რადგან შაჰი გადაწყვეტილებებს ვერ იღებს’¹¹:

მისი გეგმით, შაჰის ნებართვის შემთხვევაში მთავრობა რკინის ხელით შეუდგებოდა წესრიგის დაცვას, ოპოზიციის ლიდერებს დახვრეტდა ან დააპატიმრებდა და რომელიმე ლათინოამერიკული ხუნტის მსგავს ნამდვილ სამხედრო დიქტატურას დაამყარებდა. მაგრამ შაჰი მასშტაბური სისხლისღვრის იდეას მტკიცედ უარყოფდა:

‘მონარქიისთვის შეუძლებელია ტახტის შენარჩუნება თავისი თანამემამულეების სისხლის ხარჯზე’¹²:

თანდათან საპროტესტო აქციების მასშტაბი კიდევ უფრო იზრდებოდა, რაც ქვეყნის სასიცოცხლო ობიექტების პარალიზებას იწვევდა. გაფიცულებს აეროპორტების ტექნიკური პერსონალი შეუერთდა, რომელთა ადგილი სამხედრო-საჰაერო ძალების ოფიცრებმა და სერჟანტებმა დაიკავეს. მაგრამ 11 დეკემბერს, როდესაც იმპერიული გეარდიის ბაზაზე ორმა ჯარისკაცმა პოლიტიკურ ნიადაგზე რამდენიმე ოფიცერი მოკლა, ისიც გამოაშკარავდა, რომ აქამდე მონოლითურ სამხედრო სისტემაშიც დამანგრეველი ბზარი გაჩენილი იყო და საზოგადოების ეს განუყოფელი კომპონენტი ოპოზიციის გაქვინის მიღმა ვერ დარჩებოდა. მდგომარეობას ის გარემოება ართულებდა, რომ წლების მანძილზე გენერლები თავიანთ სფეროში შაჰის ბრძანებების უსიტყვო მორჩილებას მიეჩვივნენ, ახლა კი მათ დამოუკიდებლად სამოქალაქო სექტორების მართვა უნდა მოეხერხებინათ. პრემიერმა აზმარიმ აღიარა, რომ ტრაგიკომიკულ სიტუაციაში იმყოფებოდა:

'შინისტრები მე მთხოვენ გადაწყვეტილების მიღებას, მაგრამ ეკონომიკაში არაფერი გამეგება, მე ხომ ჯარისკაცი ვარ!'¹³

რამდენიმე დღეში აშპარის ჩინებული კარიერა გულის შეტევით დასრულდა, შაპა კი ამერიკელი მრჩეველების რეკომენდაციით ახალი მთავრობის დანიშვნა გადაწყვიტა, თანაც ამჯერად ისეთი პიროვნების ხელმძღვანელობით, რომელიც ბევრი ადამიანისთვის საკმაოდ მოულოდნელი აღმოჩნდა.

¹ სეფერ ზაბიძე, 'ირანი რევოლუციის შემდეგ', გვ.20

² ფერეიდუნ ჰოვეიდა, 'შაჰის დაცემა', გვ.104

³ ერიკ დურშმიდი, 'რევოლუციის სისხლი', გვ.318

⁴ ფარაჰ ფაჰლავი, 'მარადიული სიყვარული', გვ.288

⁵ ენთონი პარსონსი, 'ღირსება და დამარცხება', გვ.100

⁶ 'ნიუიორკერი', 1978 წლის 18 დეკემბერი

⁷ უილიამ სალივანი, 'მისია ირანში', გვ.199

⁸ 'შაჰის დაცემა', გვ.122

⁹ 'მისია ირანში', გვ.179

¹⁰ 'მონდი', 1978 წლის 16 ნოემბერი

¹¹ 'მისია ირანში', გვ.211

¹² მუჰამედ რეზა ფაჰლავი, 'პასუხი ისტორიას', გვ.167

¹³ 'შაჰის დაცემა', გვ.131

სამხედროების მეშვეობით ვითარების განმუხტვის იმედი შაჰს უკვე გადაწურული ჰქონდა. ახლა მისი განზრახვა ოპოზიციის გარკვეულ ნაწილთან ძალაუფლების გადანაწილებაში მდგომარეობდა. 'ეროვნული ფრონტის' წარმომადგენლებთან თვით მოლაპარაკების ფაქტი მონარქის თავმოყვარეობას ლახავდა, მაგრამ სხვა გამოსავალი აღარ ჩანდა. ფაქტობრივად მდგომარეობა იმდენად მძიმე იყო, რომ ხელისუფლების შენარჩუნების სანაცვლოდ მრავალწლიან ოპონენტებთან გარიგება უკვე მისაღები გახდა.

თავდაპირველად შაჰს პრემიერად დოქტორ რეზა სადიყის დანიშვნა სურდა. სადიყი, როგორც მოსადეყის მთავრობის შინაგან საქმეთა მინისტრი, საზოგადოების გარკვეულ წრეებში სიმპათიით სარგებლობდა. მაგრამ მას ესმოდა, რომ წარმატებისთვის ერთობ სათუო პერსპექტივა გააჩნდა, ვინაიდან შაჰის მთავრობის მეთაურობა ხალხის საგრძნობ ნაწილში მის დისკრედიტაციას გამოიწვევდა. ამიტომ სადიყიმ რეგენტოა საბჭოს დანიშვნა ითხოვა, რაც ხელისუფლებიდან ფაქტობრივად შაჰის ჩამოცილების ტოლფასი იყო. ეს იდეა გაზიარებული არ იქნა. ამასთან, ოპოზიციის სხვა ლიდერებმა შაჰისადმი შეურიგებელი დამოკიდებულების გამო მის მთავრობაში შესვლა გადაჭრით უარყვეს. შედეგად, სადიყის კანდიდატურა დღის წესრიგიდან მოიხსნა.

სამაგიეროდ, კაბინეტის დაკომპლექტება ახლა 'ეროვნული ფრონტის' ვიცე-პრეზიდენტმა შაჰფურ ბახთიარმა ითავა. ბახთიარს სოლიდური ბიოგრაფია ჰქონდა: იურიდიული განათლება პარიზში ჰქონდა მიღებული, ესპანეთის სამოქალაქო ომში რესპუბლიკელთა მხარეზე იბრძოდა, საფრანგეთის ანტინაციისტური წინააღმდეგობის მოძრაობაში მონაწილეობდა, მოსადეყის იდეებს იზიარებდა და შაჰის პოლიტიკას წლების მანძილზე მტკიცე ოპონირებას უწევდა. ის ფრანგული ლიტერატურის, სპარსული პოეზიის, ევროპის ისტორიის და ირანული ტრადიციების მოყვარული იყო და ინტელექტის თვალსაზრისით გამორჩეულ ფიგურას წარმოადგენდა. თუმცა ელჩი სალივანი მისი პიროვნებით არ მოხიბლულა:

ბახთიარი იყო ერთ-ერთი ყველაზე დასრულებული ფრანკოფილი, რომელსაც ოდესმე შევხვედარივარ. ის მხოლოდ ფრანგულად საუბრობდა, ფრანგულ ტანსაც-

მელს იცვამდა, ფრანგულ მანერებს აელენდა და გარეგნულადაც ფრანგ პროვინციელ მამაკაცს ჰგავდა!

ჟალეს ტრაგედიის შემდეგ ბახთიარმა ხელისუფლებასთან დათმობის შესაძლებლობა გამოიციხა, მაგრამ ახლა, მას შემდეგ, რაც მისი მოთხოვნით პატიმრობიდან ფრონტის ხელმძღვანელი ქარიმ სანჯაბი გათავისუფლდა, მან გაპრემიერების მტკიცე სურვილი გამოთქვა. შაჰი ზოგადად 'ეროვნული ფრონტის' მიმართ უარყოფითად იყო განწყობილი, ამიტომ ესოდენ საძულელი პოლიტიკური ძალის წარმომადგენელთან იძულებითი თანამშრომლობა მისი მდგომარეობის სირთულის მასშტაბზე ნათლად მეტყველებს. რეალურად ეს უფრო პოლიტიკური მანევრი იყო, ვიდრე აქამდე ერთმანეთთან დაპირისპირებული ორი პროვინციის შეგნებული და გულწრფელი უნია. შაჰი ამ არჩევანში თავისუფალი არ აღმოჩნდა. მოგონებებში მას არ დაუმაღლავს, რომ 'ბახთიარის დანიშვნის გადაწყვეტილება ყოყმანისა და უცხოეთიდან ზეწოლის შედეგი იყო', ოღონდ, სალივანისგან განსხვავებით, ახალი პრემიერი მას ანგლოფილად და 'ბრიტში პეტროლიუმის' აგენტად მიაჩნდა².

შემდგომი მოვლენები შაჰისა და პრემიერის სურვილების საწინააღმდეგოდ განვითარდა. სადიყის მსგავსად, ფაქლავის მიმართ პოზიციების შერბილებასთან დაკავშირებით თანამებრძოლების დარწმუნება ვერც ბახთიარმა შესძლო, ამიტომ მთავრობა მან ტექნოკრატებით დააკომპლექტა. მეტიც, მშობლიურმა პარტიამ ბახთიარის ნაბიჯი ღალატად შეაფასა და ის თავისი რიგებიდან მოკვეთა, რითაც პრემიერი თავისი რეზიდენციის გარეთ არსებულ ერთადერთ მხარდამჭერ საზოგადოებრივ სეგმენტსაც შეეღია. მაგრამ შაჰი გაცილებით უარეს დღეში იყო, რადგან, როგორც გაირკვა, მას უკვე ქეჰანაში აღარ დაედგომებოდა. დეკემბრის ბოლოს კვლავ ამერიკელთა რჩევით მან ირანის დატოვების გადაწყვეტილება მიიღო, რაც ბახთიარმა 1 იანვარს საჯაროდ გაახმოვანა. იმისათვის, რათა გამგზავრება გაქცევის ნაცვლად ღირსეულ წასვლად წარმოჩენილიყო, ირანელებს ეუწყა, რომ მეჯლისის მიერ მინისტრთა კაბინეტის დამტკიცებისთანავე ფაქლავი შვებულებაში გავიდოდა.

ამ პერიოდისთვის ფარდის მიღმა გაცხოველებული საქმიანობა მიმდინარეობდა. ირანის საკითხი თეთრ სახლში და მის დაქვემდებარებულ სამხედრო და დიპლომატიურ უწყებებში ყოველდღიური განხილვების თემად იქცა. დეკემბრის მიწურულისთვის შაჰის მიერ ქაოსის დაძლევის ყველა იმედი ვაშინგტონში საბოლოოდ დაკარგეს. ათიათასობით ამერიკელმა მოქალაქემ

მასობრივად დაიწყო ქვეყნის დატოვება. კარტერის ადმინისტრაცია შიშობდა, რომ მტრული ძალების ხელში ჩაგდების საფრთხე შეექმნებოდა ირანში ამერიკულ უახლეს სამხედრო ტექნიკას, უპირველესად კი ელექტრონული დაზვერვის საიდუმლო აღჭურვილობას. ასევე დიდ შეშფოთებას იწვევდა მდგომარეობა ირანის შეიარაღებულ ძალებში. ვიდრე შაჰი ირანში რჩებოდა, მისი ერთგული გენერლების მართვა რთული არ იყო, მაგრამ მათგან ავტორიტეტს მოკლებული ბახთიარისადმი მორჩილების გარანტია არ არსებობდა: თავისი პირველი ტელემიმართვა ბახთიარმა მოსადეყის პორტრეტის ფონზე გააკეთა, რომლის დამხობაში არაერთმა ახლანდელმა გენერალმა უშუალო მონაწილეობა მიიღო. სახელმწიფოს მოქმედი მეთაურის იგნორირებაში სამხედროებმა პრემიერის რესპუბლიკური ორიენტაციის ნიშნები დაინახეს. მათ ეჭვი გაუჩნდათ, რომ ქვეყნიდან წასვლის მიზნით შაჰზე ზეწოლა ხდებოდა, ამიტომ მონარქის მიმართ მათ სრული მხარდაჭერა გამოხატეს. ფაქტიურად, გენერალმა: ხოსროუდადმა თავისი ზემდგომი პირის, პრემიერ-მინისტრის მოვალეობის შემსრულებლის განცხადება უარყო კიდევ:

‘მის უდიდებულესობას ამ კრიტიკულ მომენტში თუნდაც დასვენების მიზნით ქვეყნის დატოვების გეგმა არ გააჩნია’.

ბახთიარსა და შეიარაღებული ძალების გენერალური შტაბის უფროსს აბას ყარაბაღის შორის პირველი დღიდან დაძაბული ურთიერთობა ჩამოყალიბდა. ეს უკანასკნელი შარიფ-ემამის და აზჰარის მთავრობებში შინაგან საქმეთა სამინისტროს ხელმძღვანელობდა. ეთნიკურად აზერბაიჯანელმა და სპარსულ ენაზე მძიმე თურქული აქცენტით მოსაუბრე გენერალმა ბახთიართან გაუთავებელი კამათის გამო გადადგომის განცხადებაც დაწერა. კონკრეტულ საკითხებში შეუთანხმებელი მოქმედებების გარდა, ყარაბაღი პრემიერის ორპირობას უსვამდა ხაზს. მას უეკირდა, ბახთიარი როდის იყო გულწრფელი – როცა შაჰს და მთელს ხელისუფლებას უკანონოს უწოდებდა თუ ახლა, ამ უკანონო სახელმწიფო ინსტიტუტების მიერ პრემიერად მისი დანიშვნის შემდეგ. ნებისმიერ შემთხვევაში, არაჯანსაღი ეითარება უკვე თვით ხელისუფლების შიგნით არსებობდა, რაც მხოლოდ უარესის მომასწავებელი უნდა ყოფილიყო. თუმცა პრემიერი და გენერლები ირანელთა ბედის ეული გამგებლები არ იყვნენ. ქვეყნის მომავალი დიდწილად ამერიკის დედაქალაქში და ფრანგულ სოფელში განისაზღვრებოდა.

4 იანვარს გეადელუპაში აშშ-ს, ბრიტანეთის, გერ-ს და საფრანგეთის მეთაურთა შეხვედრა გაიმართა, რომელსაც შაჰმა მოგვიანებით 'ახლო აღმოსავლური იალტა' უწოდა³. სამიტის დასრულებიდან რამდენიმე დღის შემდეგ მას გაუზიარდა ვარაუდი, რომ დასავლეთის მხრიდან ირანის ხელისუფლების პოლიტიკური მხარდაჭერა დასრულდა. შეერთებულმა შტატებმა თეირანს ევროპაში მოკავშირეთა ძალების მთავარსარდლის მოადგილე გენერალი რობერტ ჰაიზერი ისე მიავლინა, რომ შაჰს წინასწარ არც შეატყობინა. რამდენადაც ფაჰლაფი სტუმარს პირადად იცნობდა, მას ამ გარემოებამ ზურგს უკან მიმდინარე საიდუმლო მოქმედებების აზრი გაუჩინა. რეტროსპექტივაში ჰაიზერის მისია მან მონარქიის ბოლო ბასტიონის, არმიის ნეიტრალიზაციის ოპერაციად მონათლა. თუმცა ყარაბაღის თქმით, შაჰი ამერიკელ ემისარს იმდენად ენდობოდა, რომ მან ჯარის სახეობათა სარდლებს უბრძანა, რათა 'ჰაიზერისთვის მოესმინათ და დაეჯერებინათ'⁴. 11 იანვარს ამერიკელი გენერალი ირანის მეფეს ეწვია და მისი გარეგნული იერით გაოგნებული დარჩა:

'სტრესი და შეშფოთება მას სახეზე ეწერა. წინა წლებისაგან განსხვავებით, როცა შაჰს სამხედრო უნიფორმა ეცვა, ახლა ის მუქ სამოქალაქო ტანსაცმელში იყო გამოწყობილი'.

თვით შეხვედრაც რთულად წარიმართა. პასუხად გენერლის კითხვაზე – რა მოხდა ერთ წელიწადში, 'შაჰი ელჩ სალივანს დაუინებოთ დიდი ხნით დააცქერდა, შემდეგ რამდენჯერმე კეფა მოიფხანა და საუბრის თემა შეცვალა'. ჰაიზერი ირანელი გენერლების რეალურ უფროსად გადაიქცა, შაჰი კი ამ პერიოდისთვის უკვე ნომინალური მმართველი იყო. მისდამი დამოკიდებულებაც შესაბამისად შეიცვალა. 6 იანვარს, მთავრობის წევრების გაცნობის დროს, ერთ-ერთმა მომავალმა მინისტრმა სამეფო კარის პროტოკოლური ნორმა დაარღვია, როცა წარმავალი მონარქისთვის ხელზე კოცნა საჭიროდ აღარ ჩათვალა.

ამერიკული შიდაუთანხმოება კი ვაშინგტონის სამთავრობო დერეფნებიდან თეირანში გავრცელდა. შექმნილ ვითარებასთან დაკავშირებით სრულიად განსხვავებული თვალსაზრისი ჰქონდა აშშ-ს ორ წარმომადგენელს, რომელთაგან ერთი მუდმივი სტატუსით სარგებლობდა, ხოლო მეორე საგანგებო მისიით იყო მივლინებული. ჰაიზერის აზრით, მრავალთვიანი საზოგადოებრივი არასტაბილურობის მიუხედავად არმიამ ერთიანობის შენარჩუნება შესძლო და საჭიროების შემთხვევაში მას ქმედითი ღონისძიებების გატარების უნარი შესწევდა, ამიტომ მთავ-

რობის და ჯარის სინქრონული მუშაობა მდგომარეობის გამოსწორების მნიშვნელოვანი წინაპირობა იქნებოდა. თავის მხრივ, ელჩი სალივანი არმიის შესაძლებლობებს სკეპტიკურად უყურებდა და სამხედრო გადატრიალების შემთხვევაში მასობრივ დეზერტირობას ეარაუდებდა. მას აგრეთვე აეჭვებდა ბახთიარის რეალური ქმედითუნარიანობა და პრემიერს შაჰის ღირსეული წასვლისათვის შექმნილ ქიშკრას უწოდებდა, რომელიც საზოგადოებრივ მხარდაჭერას მოკლებული იყო. ერთადერთ გამოსავლად ელჩი ხომეინის თანაშემწეებთან კონტაქტს მიიწინებდა, რომელსაც შეთანხმების გზით სამხედროებთან კონფრონტაციის შეწყვეტა უნდა მოჰყოლოდა. მას უკვე მტკიცე შთაბეჭდილება ჰქონდა, რომ

‘შეერთებული შტატების მთავრობას ირანთან მიმართებაში არანაირი პოლიტიკა არ გააჩნდა’.

გასაკვირი არ არის, რომ ასეთ პირობებში ამერიკელთა იმედად ყოფნა ირანელ ოფიციალურ პირებს სასოწარკვეთის გრძნობას მხოლოდ უძლიერებდა. ისიც იოლი წარმოსადგენია, ელჩისა და გენერლის ურთიერთსაწინააღმდეგო მოხსენებები თეთრ სახლში რა თავსატეხს გამოიწვევდა. მოგონებებში ჰაიზერი გულახდილად წერს:

‘უცნურად მენვენა, რომ მაშინ, როცა პრეზიდენტის დავალების თანახმად ირანში ბახთიარის დასახმარებლად ყველაფერი უნდა მელონა, პრეზიდენტის მუდმივი წარმომადგენელი ჯერ კიდევ თამაშის დაწყებამდე უკვე დამარცხებაზე საუბრობდა’.

ინსტრუქციების შესაბამისად, ის სამხედროების მხრიდან ბახთიარის მთავრობის მხარდაჭერის უზრუნველსაყოფ სამუშაოებს ენერგიულად შეუდგა. ამასობაში პრემიერმა თავისი სამოქმედო პროგრამა წარმოადგინა: დემოკრატიის დამკვიდრება, სავაქის დაშლა, ისლამური ნორმების დაცვა, სამღვდელოებისთვის პრივილეგიების დაბრუნება, პოლიტპატიმრების გამოშვება და დამნაშავე მოხელეების დასჯა. სანაცვლოდ მან სამოქალაქო სიმშვიდის აღდგენა ითხოვა, რადგან წინააღმდეგ შემთხვევაში კომუნისტების გამარჯვება ან ქვეყნის დაქუცმაცება გარდაუვალი ეჩვენებოდა. ამ მთავარი ამოცანის შესრულებაში ბახთიარი იმედს ჯარზე ამყარებდა, რომლის ხუთ წამყვან მეთაურთან ჰაიზერი ყოველდღიურ თათბირებს მართავდა. ორი მათგანი – აბას ყარაბაღი და ფლოტის სარდალი ჯამალადინ მირკაბიბზულაჰი რევოლუციურ ძალებთან შეთანხმების მომხრენი იყვნენ, ხოლო სახმელეთო ძალების ახალი სარდალი აბდულა-

ლი ბადრაიე, ავიაციის სარდალი ამირ ჰოსეინ რაბიი და თავ-
დაცვის ვიცე-მინისტრი პასან თოუფანიანი შაჰის ხელისუფლე-
ბის შესანარჩუნებლად აქტიურ მოქმედებას მოითხოვდნენ. გან-
საკუთრებული ენთუზიაზმით ძალისმიერ აქციას რაბიი ეკიდუ-
ბოდა:

*‘თუ ქვეყნის გადარჩენა გახდება საჭირო, აუცილებე-
ლი ზომების გატარებას მე ვითავებ’;*

განაცხადა მან თათბირზე ერთ დღეს. შესაძლო სამხედრო
გადატრიალების შესახებ ხმები ვრცელდებოდა, რომლის თა-
ნახმად სათანადო გეგმებს საპარაშუტო-სადესანტო ჯარების
სარდალი მანუჩერ ხოსროუდადი და სახმელეთო ჯარების
სარდალი ღოლამ-ალი ოვეისი ამუშავებდნენ.

მაგრამ გადატრიალების საკითხს არც ირანელი გენერლები
წყვეტდნენ და არც მათი ამერიკელი კოლეგა. პაიზერისთვის
მიცემულ ინსტრუქციებში ამგვარი გადაწყვეტილების მიღება
მხოლოდ ეაშინგტონის კომპეტენციაში შედიოდა. ამდენად, ირა-
ნის ამაჟი იმპერიული არმია ოკეანისგაღმდინ ბრძანების გაცე-
მის მოლოდინში უნდა ყოფილიყო.

პარიზის გარეუბანში მყოფ ხომეინის კი ზურგს არც ჯარი
უმაგრებდა და არც რომელიმე მოკავშირე სახელმწიფო. მაგრამ
მის განკარგულებაში ხალხის მილიონიანი მასები იყვნენ. ევ-
როპაში მისი შეძახილის მძლავრი ექო ირანულ ქალაქებში
მუდმივად გაისმოდა. აიათოლა სიმბოლური ლიდერიდან რევო-
ლუციური კამპანიის უკონკურენტო ხელმძღვანელად გადაიქცა.
შაჰის წინააღმდეგ მიმდინარე შეურიგებელი ბრძოლა ახალ
პრემიერ-მინისტრზეც გავრცელდა. შეუცვლელ მთავარ ლო-
ზუნგს ახალი დაემატა - ‘ძირს შაჰის შვილი’. ხომეინიმ თანდა-
თან მითიური სტატუსი შეიძინა და თავყანისცემის და ლოცვის
ობიექტი გახდა: მას იმამს უწოდებდნენ, რაც შიიზმის ისტორი-
აში თორმეტი წმინდა იმამის შემდეგ არ მომხდარა; ყველაზე
მხურვალე მომხრეები მისტიურ მაძღის ადარებდნენ, რომელიც
რელიგიური რწმენის თანახმად მე-IX საუკუნეში გამოქვაბულ-
ში გაუწინარდა და დედამიწაზე მესიის სახით უნდა დაბრუნ-
დეს; სხვა მხარდამჭერებმა იმამ მუსა ალ-ყაზიმის წინასწარ-
მეტყველება გაიხსენეს - ‘ყუმიდან წამოვა კაცი, რომელიც მის
გარშემო დარაზმულ რკინასავით ძლიერ ხალხს ჭეშმარიტების
გზაზე დააყენებს..’ - და ის ხომეინის მიუსადაგეს; ირანელები
ერთმანეთს უყვებოდნენ, მთვარეზე აიათოლას სახე როგორ და-
ინახეს და ა.შ. 14 წლის მანძილზე დევნილი ადამიანის მიმართ
პიროვნების კულტის დამკვიდრება თურმე შესაძლებელი ყოფი-

ლა, თანაც იმის გათვალისწინებით, რომ მოსახლეობის ნახევარი 16 წელზე ნაკლები ასაკის იყო, 2/3 კი - 30 წელზე ნაკლები¹⁰.

ასევე უნდა აღვნიშნავთ, რომ მცხოვრებმა აიათოლამ თავის გარემოცვაში რამდენიმე ინტელექტუალი სამოქალაქო პირი დაიხსლოვა:

- მექდი ბაზარგანმა განათლება პარიზში მიიღო, მოსადეყს თანაუგრძნობდა, 'ეროვნულ ფრონტში' გამორჩეული ადგილი ეკავა და ოთხჯერ იქნა დაპატიმრებული. ცნობილი იყო, როგორც მოაზროვნე და ფრთხილი ეტაპობრივი გარდაქმნების მომხრე;

აბულქასან ბანისადრი აიათოლა ბანისადრის შვილი იყო, ასევე მოსადეყის იდეების მხარდაჭერით გამოდიოდა და ემიგრაციაში საფრანგეთში ცხოვრობდა. სორბონას უნივერსიტეტში ეკონომიკა შეისწავლა და 'ღვთიური პარმონიის ეკონომიკური თეორია' წამოაყენა, რომელსაც ადამიანის მიერ ადამიანის ექსპლუატაციისთვის ბოლო უნდა მოეღო;

იბრაჰიმ იაზდი ამერიკის შეერთებული შტატების მოქალაქე იყო, პიუსტონში 18 წლის მანძილზე ცხოვრობდა და სამედიცინო სფეროში მოღვაწეობდა, სადაც კიბოს დაავადებას იკვლევდა;

სადეყ ყოტბ-ზადეს განათლება ვაშინგტონის ჯორჯთაუნის უნივერსიტეტში კქონდა მიღებული და იაზდის მსგავსად ლიბანში შიიტების და პალესტინელების ბაზებზე ირანელ მებრძოლთა მომზადებას კურირებდა.

მსოფლიოს მასობრივი ინფორმაციის საშუალებებთან ეს პირები ხომეინის სახელით ფასდაუდებელი მნიშვნელობის მქონე თანამშრომლობას აწარმოებდნენ. თუმცა ჟურნალისტებთან შეხვედრებზე უარს არც აიათოლა ამბობდა. მრავალრიცხოვან ინტერვიუებში 77 წლის ხომეინი თავის მომავალ როლზეც საუბრობდა. ის აცხადებდა, რომ არც სურვილი გააჩნდა და არც ასაკი ან ჯანმრთელობა აძლევდა საშუალებას, რათა შაჰის წასვლის შემდეგ ქვეყნის მართვაში პირადი მონაწილეობა მიეღო:

*'მე არ გაეხდები პრეზიდენტი ან რაიმე სხვა თანამდებობის პირი, ხალხს კელაე მხოლოდ ზოგად მიმართულებას მიეცემ'*¹¹.

ხომეინი პოსტ-მონარქიულ ირანს ახასიათებდა, როგორც თავისუფალ საზოგადოებას, სადაც ჩაგვრის, სისასტიკის და ძალადობის ყველა გამოვლინება გამორიცხული იქნებოდა. ის ამბობდა, რომ სამღვდელოება მეჩეთში თუ სასულიერო სასწავ-

ლებელში დაბრუნდებოდა და იქიდან დაუკერდა მხარს ისლამური მთავრობის პროგრესულ პოლიტიკას.

‘ირანელმა ხალხმა სანდო და ნიჭიერი ადამიანები უნდა აღჭურვიოს ძალაუფლებით’;

– განმარტავდა ხომეინი ფრანგული ‘ჟორნალის’ კორესპონდენტთან საუბარში და თეოკრატიული მმართველობის სისტემაზე გადასვლის გეგმებს უარყოფდა. ეს განცხადებები ქვეყნის შიგნით ოპოზიციური სპექტრის კონსოლიდაციას ემსახურებოდა, საზღვარგარეთ კი რევიოლუციის მეთაურს ზომიერი ღვთისმსახურის რესპექტაბელურ სახელს უქმნიდა, რაც შაჰის წინააღმდეგ ბრძოლის ამ გადამწყვეტ ეტაპზე მაქსიმალურად ეფექტიანი იყო. აიათოლას ანტიკომუნისტური განწყობის გამო დასავლეთის ზოგიერთ წრეებში ირანში საკუთარი ინტერესების დაცვის აუცილებლობიდან გამომდინარე მასთან საერთო ენის გამონახვის სურეილი გაჩნდა.

იანერის პირველ დღეებში თეირანში დიდი რაოდენობით თოვლი მოვიდა, რასაც ყინული და მოზუზუნე ქარი დაემატა. ცხოვრება ჩამკვდარი იყო. 4 იანვარს ირანის დედაქალაქში ჩასულ პაიზერს ასეთი სურათი დახვდა:

‘ქალაქი, სადაც ადრე ცხოვრება ჩქეფდა, ახლა სრულიად პარალიზებულ მდგომარეობაში იმყოფებოდა. ქუჩები გაუკაცრიელებულიყო, მანქანა, ავტობუსი ან მოტოციკლეტიც კი არ მოძრაობდა. ყველაფერი მყარად დაკეტილი იყო – მაღაზიის მფლობელებს კარები ჩაერაზათ, გაზეთები არ გამოიცემოდა, ბაზრები დაცარიელებული იყო, ტროტუარზე არავინ დადიოდა, ბენზინის გასამართ პუნქტებზე ბოქლომები ეკიდა, ყოველ მეორე ფანჯარაში აიათოლა ხომეინის სურათი ჩანდა... პაერში შიშისმომგვრელი დაძაბულობა იგრძნობოდა¹²’.

იანერის დასაწყისში სხვადასხვა ქალაქებში მიმდინარე მოვლენების რამდენიმედღიანი ქრონიკის გაცნობა საკმარისია დაპირისპირების მასშტაბის აღსაქმევლად:

1 იანვარს მეშვედის კერძო კლინიკებიდან და საავადმყოფოებიდან მიღებული მონაცემების თანახმად 70 ადამიანი დაიღუპა და 200-მდე დაიჭრა;

2 იანვარს თეირანში ჯარის ნაწილებთან ახალ შეტაკებას მსხვერპლი მოჰყვა. ქერმანშაჰში და ყაზვინში არმიამ ცეცხლი გაუხსნა აქციის მონაწილეებს. მეშვედში ათასობით ადამიანი მთავარ მეჩეთთან შეიკრიბა;

3 იანვარს დემონსტრანტებმა ქერმანშაჰში იუსტიციის სამინისტროს დაქვემდებარებულ რეგიონულ ოფისს ცეცხლი წაუკიდეს;

4 იანვარს საპროტესტო გამოსვლები შეტაკებებით დასრულდა შემდეგ ქალაქებში – ლორი, ლანგრუდი, მარაღე და ბუნაბი;

5 იანვარს 13 ადამიანი დაიჭრა ქალაქ მინაბში;

6 იანვარს თეირანში ხუთი ადამიანი დაიღუპა, ვარამინში – ოთხი, ბეჰშაჰში – ორი, ბანეჰში – ორი;

7 იანვარს თეირანში იუსტიციის სამინისტროს თანამშრომლებმა ხომეინის მხარდამჭერი დეკლარაცია მიიღეს. სახანძრო სამსახურის თანამშრომლებმა გამოაცხადეს, რომ 'კორუფციის ბუდეებში' ანუ სახელმწიფო უწყებებში ისინი ცეცხლს არ ჩააქრობდნენ. ეროვნული ავიახაზების გაფიცულმა თანამშრომლებმა აეროპორტებში აშშ-ს და ისრაელის თვითმფრინავების დაშვების აღკვეთის მზადყოფნა გამოთქვეს...

ბოლოს 16 იანვარიც დადგა. რადიოს და ტელევიზიის მეშვეობით ხალხმა შეიტყო, რომ გადაღლის გამო მონარქი დასასვენებლად საზღვარგარეთ მიემგზავრებოდა, ქვეყნის საქმეებს კი პარლამენტის მიერ უკვე დამტკიცებული ახალი მთავრობა გაუძღვებოდა. ჟურნალისტის კითხვას დასვენების ხანგრძლივობის შესახებ შაჰმა გულწრფელად უპასუხა: 'არ ვიცი, მართლა არ ვიცი'¹. ფაქტის დედა და ოთხივე შვილი უკვე შეერთებულ შტატებში იმყოფებოდნენ, საიტენაც შაჰს ახლა გეზის აღება სურდა. ეს ფაქტი მიუთითებდა, რომ შეებულება ხანმოკლე არ უნდა ყოფილიყო. ნიავარანის სასახლეში და შემდეგ მქარაბადის აეროპორტში დამშვიდობების სცენებმა მტერ-მოყვარეს ეს აზრი მხოლოდ განუმტკიცა. შაჰისა და შაჰბანუს გაცილების დროს სამეფო კარზე მომსახურე პერსონალს შორის ზოგი ადამიანი გაოგნებისგან დამუნჯებული იყო, ზოგი ქვითინებდა, ზოგი კი შაჰს დარჩენას ემუდარებოდა. მძიმე სანახაობამ უემოციო ვერაფერს დატოვა. თვითმფრინავის ტრაპთან პრემიერი ბახთიარიც კი თვალცრემლიანი იდგა. ძლიერი აღელვების მიუხედავად, შაჰმა პილოტის საეარძელი დაიკაუა და ბოინგი 'შაჰინით' უკანასკნელი გაფრენა დაიწყო.

¹ უილიამ სალივანი, 'მისია ირანში', გვ.235

² მუჰამედ რეზა ფაქლაი, 'პასუხი ისტორიას', გვ.171

შაჰი იქვე სარკაზმულად მიუთითებს, რომ ეროვნული ფრონტი მხოლოდ 27 კაცს აერთიანებს.

³ იქვე, გვ.172

1945 წელს იალტაში II მსოფლიო ომში გამარჯვებული მოკავშირე ქვეყნების ხელმძღვანელები შეიკრიბნენ, რომლებმაც ევროპაში გავლენის სფეროები გაინაწილეს. იალტის შეხვედრა ისტორიაში მძლავრი სახელმწიფოების მიერ კულუარული გარიგების გზით სხვა ხალხების ბედის ეოლუნტარისტულად გადაწყვეტის სინონიმად იქცა.

⁴ რობერტ ჰაიზერი, 'მისია თეირანში', გვ.85

⁵ იქვე, გვ.78

⁶ 'მისია ირანში', გვ.230

⁷ და ⁸ 'მისია თეირანში', გვ.24 და 265

⁹ სიტყვების თამაში: ბახთიარის სახელი შაჰფურ სპარსულ ენაზე შაჰის შეილს ნიშნავს.

¹⁰ ფერეიდუნ ჰოვეიდა, 'შაჰის დაცემა', გვ.76

¹¹ 'მონდი', 1979 წლის 9 იანვარი

¹² 'მისია თეირანში', გვ.22

¹³ ერიკ დურშმიდი, 'რევოლუციის სისხლი', გვ.346

შაჰის წასვლამ სანუგეშო ვერაფერი მოიტანა. არმია აღიარებული მთავარსარდლის გარეშე დარჩა, ოპოზიციას კი ბრძოლის ბოლომდე მისაყვანად მორიგი დამატებითი ძლიერი სტიმული მიეცა. გაფიცვები და დემონსტრაციები არ წყდებოდა. ახლა მთელი ყურადღება ნოფლ-ლე-შატოსკენ იყო მიპყრობილი.

1 თებერვალს 168 ადამიანის, ძირითადად უცხოელი ჟურნალისტების თანხლებით და ბახთიარის მთავრობისგან ნებართვის გარეშე ხომეინი 'ეირ ფრანსის' კუთვნილი თვითმფრინავით თეირანისკენ გამოფრინდა. შაჰის ორჭოფობა და დაბნეულობა ბახთიარს სრულად გადაედო: ერთი მხრივ, ხომეინის ის რეტროგრადული აზროვნების მქონე უმცარ ადამიანს უწოდებდა, რომლის იდეები ნგრევის პათოსზე იყო დაფუძნებული. ასეთი პიროვნების ჩამოსვლა მას ცხადია არ სურდა, მაგრამ, როდესაც არჩევანის წინაშე აღმოჩნდა, საერთაშორისო სკანდალის შიშით დახურული აეროპორტის გახსნის განკარგულება გასცა. მან გადაჭრით უარყო რამდენიმე თავდადებული მონარქისტი ოფიცრის წინადადება თვითმფრინავის ჩამოგდების შესახებ. საზოგადოებრივი აზრის გათვალისწინებით პრემიერი იძულებულიც კი შეიქმნა, აიათოლას ესკორტისათვის იმპერიული სამხედრო-საჰაერო ძალების შეველმფრენი უზრუნველყო.

ხომეინის დაბრუნებამ შაჰის ბოლო მთავრობის დასასრული დააჩქარა: 11 თებერვალს მომხდარი გადამწყვეტი შეიარაღებული შეტაკებების შედეგად ყველა სახელმწიფო დაწესებულება ერთმანეთის მიყოლებით რევოლუციონერების ხელში გადავიდა. ლტოლვილობის 18 თვის განმავლობაში მუჰამედ რეზა ფაჰლავის უბედურებამ მხოლოდ ახალი განზომილება შეიძინა. პირველი ექვსი დღე მან ეგვიპტეში დაჰყო, რომლის პრეზიდენტი ანვარ ალ-სადათი თავის მოკავშირეს განსაკუთრებული პატივისცემით მიეგება¹. მომდევნო ორი თვე მან პასან II-ის მიწვევით მაროკოში გაატარა. აქედან ფაჰლავის სხვა ქვეყანაში გამგზავრება სურდა, მაგრამ ის სახელმწიფოს მეთაურები, რომლებიც წლების მანძილზე შაჰთან ახლო ურთიერთობით ამაყობდნენ, ახლა მას უარით ისტუმრებდნენ. საფრანგეთი, ბრიტანეთი, აშშ და შვეიცარია ამ სიაში პირველები აღმოჩნდნენ.

ამასობაში თეირანში შექმნილმა ისლამურმა რევოლუციურმა ტრიბუნალმა შაჰს დაუსწრებლად სიკვდილი მიუსაჯა და განაჩენის სისრულეში მოსაყვანად 131 ათასი დოლარის ოდენობით ჯილდო დააწესა. მოღლები დაიმუქრნენ, რომ მუჰამედ რეზას

მსოფლიოს ნებისმიერ წერტილში იპოვნიდნენ და მოკლავდნენ. პარალელურად, ახალი ხელისუფლების მიერ დაქირავებულმა ფრანგმა და არგენტინელმა ადვოკატებმა შაჰის დანაშაულობების შესახებ 450 გვერდიანი მოხსენება მოამზადეს და ეგვიპტის ნილოს გაცემა მოითხოვეს. იმ პირობებში, როცა ირანში დარჩენილი მონარქისტების წინააღმდეგ მასობრივი დახვრეტები დაიწყო, პირადი უსაფრთხოება ფაქლავის პირველხარისხოვანი ამოცანა გახდა. შექმნილი ვითარების გამო შაჰს ხანგამოშვებით სასოწარკვეთა ეუფლებოდა, რომლის დაფარვას ის მაქსიმალურად ცდილობდა, მაგრამ ფარაბი საერთო ემოციებს პირად დღიურში აღწერდა:

‘მირჩევნია ჩემი ქვეყნისთვის ღირსეულად მოეკვდე, ვიდრე სიკვდილამდე დეპრესიამ მიმიყვანოს’.

კისინჯერის და როკფელერის დახმარებით შემდეგი ორი თვის განმავლობაში შაჰი ბაჰამის კუნძულებზე გაჩერდა, საიდანაც მექსიკაში გაემგზავრა. აქ მას პირადად მოუხდა შესაფერისი სახლის მოძიება, სამზარეულო და საძინებელი ოთახების შედარება თუ ლოდინი, როცა ამას სახლის მფლობელი ითხოვდა. პრობლემები შაჰის სამ უმცროს შვილსაც შეექმნა. ნიუ-იორკის სკოლების ადმინისტრაციები უსაფრთხოების მოტივით ბავშვების მიღებაზე უარს ამბობდნენ.

მექსიკაში მუშამედ რეზამ მოგონებებზე დაიწყო მუშაობა, რომელიც მომდევნო ზაფხულში გამოიცა მრავლისმეტყველი სათაურით ‘პასუხი ისტორიას’. მაგრამ სასიკვდილო ავადმყოფობამ უკვე მწვავე ფორმა მიიღო, რამაც ოპერაციის ჩატარება გარდაუვალი გახდა. ფაქლავი იმდენად აღშფოთებული იყო მის მიმართ ამერიკელი მაღალჩინოსნების დამოკიდებულებით, რომ შეერთებულ შტატებში პოსპიტალიზაცია არ სურდა:

‘იმის შემდეგ, რაც მე გამიკეთეს, რომც დამიწოქონ, იქ მაინც არ წავალ’.

თუმცა საბოლოოდ პოლიტიკური სიმპათია სამედიცინო მომსახურების ხარისხის არგუმენტმა გადაწონა. კარტერის ადმინისტრაციამ, რომელმაც შაჰისათვის თავშესაფრის მიცემა მანამდე არამიზანშეწონილად მიიჩნია, ახლა პუშანიზმის პრინციპიდან გამომდინარე მას სპეკურნალოდ ქვეყნის საზღვარი გაუხსნა. მაგრამ თეირანში ხომეინის მომხრეებმა ეს გადაწყვეტილება პოლიტიკურ ნაბიჯად აღიქვეს და ამერიკული საელჩოს შენობა შტურმით აიღეს. 52 დიპლომატი 444 დღის განმავლობაში ტყვეობაში დარჩა, რამაც აშშ-ს პრესტიჟს უმძიმესი დარტყმა მიაყენა, ხოლო კარტერის კარიერის დასრულებაში გარდამტეხი რო-

ლი შეასრულა. ვინაიდან ისლამისტების მოთხოვნა შაჰის ექსტრადირება იყო, ფაჰლავის მომავალი ბედი სხედასხვა ვარაუდების და სპეკულაციების საგნად იქცა. ორ ქვეყანას შორის კრიზისის აღმოსაფხვრელად საერთაშორისო ტრიბუნალის იდეაც წარმოიშვა, თუმცა კარტერმა თავისი მოქალაქეების კეთილდღეობა ყოფილი მეგობრის სიცოცხლეზე არ გაცვალა.

არაერთი უსიამოვნება მუჰამედ რეზას ნიუ-იორკის კლინიკაში ელოდა. ადგილობრივმა ირანელებმა საპროტესტო აქცია გამართეს და ლოზუნგს 'სიკედილი შაჰს' ჰოსპიტლის ფანჯრებთან სკანდირებდნენ. უსაფრთხოების გაძლიერებული ზომები დაძაბულობას და ნერვულ ატმოსფეროს იწვევდა, ყოველ ნაბიჯზე ჩასაფრებული ჟურნალისტებიც ავადმყოფის გარშემო დიდ დისკომფორტს ქმნიდნენ. თვით ოპერაციის ჩატარების პროცედურები საქმის მცოდნე მედიკოსებმა არცთუ ერთგვაროვნად შეაფასეს.

მკურნალობის დასრულების შემდეგ ფაჰლავი მცირე ხნით პანამამ შეიფარა, მაგრამ გაზაფხულზე ელენთის ამოკვეთის აუცილებლობა წარმოიშვა. შაჰი იძულებული გახდა, ეგვიპტეში დაბრუნებულიყო. მორიგი ოპერაციის დროს მას კიბოთი ინფიცირებული უჯრედები ღვიძლშიც აღმოაჩნდა. ის ფიზიკურად ძალიან დასუსტდა. ალ-სადათის მეუღლის თქმით,

“შაჰს სიარული უჭირდა, ისეთი გამხდარი იყო, რომ ტანსაცმელი მის ტანზე ორჯერ დიდი მოჩანდა, სახე ნაცრისფერი ჰქონდა”.

აღსასრული 1980 წლის 27 ივლისს დადგა.

ირანულმა მოვლენებმა მძლავრი გამოძახილი ჰპოვა და ბევრი სხედასხვა ინტერპრეტაცია დაიმსახურა. დაუყოვნებლივი რეაქცია უმეტესწილად დადებითი იყო. ირანული რევოლუცია, ფრანგულის და რუსულის მსგავსად, მსოფლიოში ყველაზე გამორჩეულ რევოლუციათა რიცხვში შევიდა. მათ შორის ბევრი მსგავსებაც შეინიშნება და განსხვავებაც. მაგრამ თუ სახალხო გამოსვლების სპონტანურობამ ლუი XVI და ნიკოლოზ II შოკში ჩააგდო, თეირანში მონარქიის დამხობა ხანგრძლივი ბრძოლის შედეგი იყო, სადაც ეკონომიკური, პოლიტიკური, რელიგიური და საინფორმაციო ბერკეტების მეშვეობით საზოგადოების დიდი ნაწილის ადამიანური და შემოქმედებითი რესურსი იქნა გამოყენებული. განსხვავებული ეპოქის მიუხედავად, რევოლუციური იდეები ზოგ შემთხვევაში იდენტური მოჩანდა. მაგალითად, უკლასო სამართლიანი საზოგადოების დამყარება ხომეინის ერთ-ერთი ძირითადი დევიზი იყო:

ყველანი - უფროსები და ქვემდგომები, უწყებათა წარმომადგენლები და ვაჭრები, რელიგიური მოღვაწეები და სტუდენტები, დამსაქმებლები და დასაქმებულები ერთმანეთის მიმართ ძმები და თანასწორები იქნებიან. ზრულიად ნათელია, რომ მათ შორის ძმობა იბატონებს, არ მოხდება კონფლიქტები თანამდებობის, წოდების და სიმდიდრის გამო, რადგან თითოეული ადამიანის ღირსება ყველა დანარჩენის განკარგულებაში იქნება.

მომხიბლავ იდეებს ირანელები აღფრთოვანებით იტაცებდნენ. რევოლუციის მონაწილეებში ღრმად იყო ფეხმოკიდებული რწმენა იმის შესახებ, რომ მონარქის მოშორების შემდეგ უსამართლოდ დევნილი ღვთისმსახური მსოფლიოში უნიკალურ საზოგადოებრივ სისტემას დააფუძნებდა.

მუჰამედ რეზა კი, მამისგან განსხვავებით, ძლიერ პიროვნებას არ წარმოადგენდა. ვერც შიშით და ვერც ნებაყოფლობით ხალხმა ის ვერ შეიყვარა. კრიზისის პერიოდში შაჰი საზოგადოების მხრიდან რამდენადმე მნიშვნელოვან მხარდამჭერ აქციასაც კი ვერ ეღირსა. ფაქლავი იდეალისტი იყო. მას სწამდა, რომ 'ღიადი ცივილიზაციის' გეგმით განსაზღვრული მატერიალური კეთილდღეობის დაპირება ირანელებს მის გარშემო გააერთიანებდა. როცა ეს მოლოდინი არ გამართლდა და ქუჩაში ერთი მუჭა რეაქციონერების ნაცვლად შაჰმა მრავალათასიანი საპროტესტო კოალიციის არსებობა დაინახა, ის დაიბნა. უბედურებათა მთელი სერია მის ყოყმანს, არაადეკვატურობას და სწრაფი გადაწყვეტილებების მიღების უუნარობას მოჰყვა. სადაც დრამატიზების საჭიროება არ არსებობდა, შაჰი სიმკაცრეს მოითხოვდა, ქირურგიული ჩარევის აუცილებლობის დროს კი პირველადი დახმარების ღონისძიებებს მიმართავდა. თავდაპირველი გადაჭარბებული თვითრწმენა საბოლოოდ მოქმედების პარალიზში გადაიზარდა. აშშ-ს ფინანსთა მინისტრ მაიკ ბლუმენტალს შაჰთან გვიან შემოდგომაზე გამართული შეხვედრის შემდეგ ისეთი შთაბეჭდილება შეექმნა, რომ 'იგი აღარ ფუნქციონირებდა'. ოპოზიციისადმი დათმობები ან ძალიან მცირე იყო ან ძალიან დაგვიანებული და ისიც ძირითადად ფაქლავის მდგომარეობის სიმეჩიფეს წარმოაჩენდა. თვალსაჩინო იყო, რომ უცხოეთიდან გაუღერებულ აზრებს ის გაცილებით მეტ ყურადღებას უთმობდა, ვიდრე საკუთარი თანამემამულეების თვალსაზრისს. ამ უკანასკნელთა შორის მისი მხურვალე მხარდამჭერი მაღალჩინოსნებიც შედიოდნენ, რომელთაც მონარქის მიმართ გულ-

წრფელი თავყანისცემა დიდი იმედგაცრუებით შეეცვალათ. ექსპრემიერ ამინის შეფასებით, პრობლემა შაქში მდგომარეობდა, რომელსაც სიმართლის მოსმენა არ უყვარდა.

‘შაქი მის მიერ დაწინაურებულმა მლიქვნელმა მოხელეებმა იზოლაციაში მოაქციეს’;

- განუცხადა მან უცხოელ ჟურნალისტს. თავისი მმართველობის მიწურულს მუჰამედ რეზას მხოლოდ რამდენიმე თანამოაზრე შემორჩა. ჯერ კიდევ მის სიცოცხლეში ფერეიდუნ პოვეიდას მიერ გამოცემული წიგნი ‘შაქის დაცემა’ მონარქის მიმართ ისეთი ნეგატიური ტონით არის გაჯერებული, თითქოს ავტორი არა მრავალი წლის მანძილზე გაეროში მისი წარმომადგენელი, არამედ ‘ეროვნული ფრონტის’ სტაჟიანი აქტივისტი ყოფილიყოს. თავისი უმაყოფილება არც პრემიერის თანამდებობაზე საგრძნობი ავტონომიური უფლებებით აღჭურვილმა შარიფ-ემამიმ დამალა. მან შაქს მართვის სტილი დაუწუნა, კერძოდ, ნდობის სიმწირის გამო ქვემდგომებისათვის უფლებამოსილების არასაკმარისი დოზით დელეგირებას გაუსუა ხაზი⁸. თუმცა განსაკუთრებით საეღვალაო მდგომარეობაში სამხედროები აღმოჩნდნენ. თავისი უპირობო ერთგულების დემონსტრირების სურვილის მიუხედავად, წინააღმდეგობრივი ინსტრუქციების პირობებში ჯარის სარდლობა ეფექტური როლის შესასრულებლად უძლური აღმოჩნდა. გამგზავრების წინ შაქთან ბოლო შეხვედრისას გენერლებმა მისგან გადამჭრელი მოქმედებების ნებართვა ითხოვეს. მაგრამ, აღმირალ ჰაბიბუდდინის თქმით, შაქმა პასუხისმგებლობის აღებაზე უარი განაცხადა ქვეყანაში თუნდაც მისი არყოფნის დროს და სამხედროების წარმატების შემთხვევაში მხოლოდ დაბრუნების პირობა დადო⁹.

ფაქტად 1953 წლის 19 აგვისტოს მოვლენების მძევალი აღმოჩნდა. ამერიკელთა ძლევამოსილების და ყოვლისშემძლეობის მიმართ მას ფატალური რწმენა ჰქონდა ჩამოყალიბებული. დროთა განმავლობაში ის ეჭვიანობდა, თითქოს იბუტებოდა, კრიტიკულ აზრებს გამოთქვამდა და პირად საუბრებში ამერიკული პოლიტიკის მარცხის მაგალითები მოჰყავდა (კუბა, ვიეტნამი). შეშფოთების საბაბიც ჰქონდა: ბრიტანული რადიოკორპორაცია ‘ბიბისის’ სპარსულენოვანი სამსახური ოპოზიციის რეპორაჟ იყო გადაქცეული, საფრანგეთიც შესაშურ შემწყნარებლობას იჩენდა თავისი ტერიტორიიდან ირანის მოქალაქის არცთუ მშვიდობიანი მოწოდებების მიმართ, მით უმეტეს იმის გათვალისწინებით, რომ პოლიტიკური დევნილის სტატუსი აიათოლას არ გა-

აჩნდა. ფაქლავის ეკვი ღრღნიდა, რომ ევროპის ამ ქვეყნების არამეგობრული ქცევის უკან თეთრი სახლის ინტერესები იდგა.

‘არ მჯერა, რომ ირანის უბედურება ამერიკის მთავრობის არაშორსმგვრეტელურმა პოლიტიკამ, პოლიტიკის არქონამ ან შიდაკონფლიქტებმა განაპირობა’;

- წერს ის მოგონებებში და ეარაუდობს, რომ ვაშინგტონს მისი მოცილება მტკიცედ სურდა¹⁰. მაგრამ სამოქალაქო დაუმორჩილებლობის დღეებში ის ხსნას მხოლოდ ამერიკელებისგან ელოდა. ნებისმიერ მნიშვნელოვან საკითხზე რჩევას ელჩ სალივანს ეკითხებოდა, ათანხმებდა გასატარებელ ზომებს, წინასწარ სურდა გაეგო ადმინისტრაციის აზრი მისი სამომავლო გეგმების თაობაზე. კარტერი მიუთითებდა, რომ

‘შაჰი სულ უფრო დათრგუნული და დაბნეული მოჩანდა, მაგრამ მას მხრებზე თავი აქონდა’.

ამიტომ პრეზიდენტს მიაჩნდა, რომ ვითარების გამოსწორება თავად შაჰს უნდა მოეხერხებინა¹¹. ის მონარქს არწმუნებდა, რომ კრიზისის გადასატრელად მის ნებისმიერ გადაწყვეტილებას მოიწონებდა, თუმცა ფაქლავი ეტყობა მეტს ელოდა. კარტერი საშინაო და საგარეო პრობლემების სიმცირით არც თავად იყო განებივრებული, ამიტომ საოცრების მოხდენა მას არ შეეძლო. ამასთან, უწყებათაშორისი დაპირისპირების გამო ირანთან დაკავშირებით მოქმედების კონკრეტული გეგმა მას უბრალოდ არ აქონდა. შაჰი მისთვის თანდათან თავსატეივრად იქცა. საბოლოო ჯამში, პრეზიდენტის იმპერატივს არა ირანის მონარქის, არამედ აშშ-ის ინტერესების სადარაჯოზე დგომა წარმოადგენდა.

შაჰმა ვითარების ობიექტური შეფასება ვერ შესძლო. საკუთარი გენერალიტეტის მიმართ მისი ბოლო ბრძანება ჰაიზერისადმი მორჩილება იყო. ამერიკელი სამხედრო პირისადმი ფაქლავის ბრმა რწმენა, ხოლო შაჰისადმი ირანელი გენერლების უსიტყვო მხარდაჭერა უადრესად ტრაგიკული შედეგების მომტანი აღმოჩნდა: შეიარაღებული ძალების უმაღლესი სამეთაურო შემადგენლობის 30% ისლამურ ტრიბუნალებს შეეწირა¹².

ახალი ხელისუფლება საფუძვლიანად განსხვავდებოდა წინამორბედისგან, მათ შორის პუმანიზმის იდეების სრული უგულებელყოფით იმ მომენტში, როცა დღის წესრიგში თავისი ყოფნა-არყოფნა იდგა. ხომეინის სიტყვები -

‘თუ მოღლების რეჟიმის დასამყარებლად 50 ათასი კაცის დახოცვა იქნება საჭირო, ჩვენ ამას გაეაკეთებთ!’

11,

- მხოლოდ შიშისმომგვრელი მუქარა არ იყო. სასულიერო პირების მიერ ძალაუფლებაზე სრული მონოპოლიის მოპოვებას ორწელიწადნახევარი დასჭირდა, რომლის მანძილზე მონარქიის და მემარცხენე შეიარაღებული დაჯგუფებების მხარდაჭერაში ბრალდებული მრავალი ათასი ადამიანი, მათ შორის 15-16 წლის ბავშვები, სიკვდილით იქნა დასჯილი. ახალმა ირანმა ფრანგულ-რუსული რევიოლუციური ტრადიცია არ დაარღვია და ეველა სახის ორგანიზებული წინააღმდეგობა ფართომასშტაბიანი ტერორის მეშვეობით წელში გადატეხა. ამდენად, მცდარი აღმოჩნდა ვარაუდი იმის შესახებ, რომ სახელისუფლო მართვის ტექნოლოგიების არმცოდნე ახუნდები ძალაუფლებას მოკლე დროში დაკარგავდნენ.

შაჰის ტრაგიკული დასასრულის გადამწყვეტი მიზეზი არც დესპოტიზმი იყო და არც პროამერიკული პოლიტიკა, რადგან სპარსეთის ყურის პირას მდებარე ზოგიერთი არაბული სახელმწიფო ამ მხრივ ირანს არაფრით ჩამოუვარდებოდა. 1960-70 წწ. მთელი რეგიონისთვის ეკონომიკური ბუმის მომასწავებელი აღმოჩნდა. მაგრამ არც ერთ სხვა ქვეყანაში საზოგადოებრივი რევოლუცია არ მომხდარა. ემირებმა თუ შეიხებმა რაციონალური ბალანსირების მეშვეობით შიდასტაბილურობის შენარჩუნებაც შესძლეს და ამავე დროს ვაშინგტონის მოკავშირეებადაც დარჩნენ. ირანში კი მღვდმართობა სხვაგვარი იყო. ორჯერ, 1905 და 1953 წლებში, ფართო ფენები შეეცადნენ, რათა მონარქია კონსტიტუციურ ჩარჩოებში მოექციათ, ამიტომ ლიბერალური ფასეულობებისთვის ბრძოლა ირანელებისათვის უცხო არ იყო. მეორე მხრივ, ბოლო 13 საუკუნის განმავლობაში მათი ყოფა-ცხოვრება შიიტური ისლამის პრინციპებზე იყო დაფუძნებული. ეკონომიკური აღორძინების პერიოდში ბევრ ადამიანს მძაფრი შეგრძნება გაუჩნდა, რომ უდავოდ შთამბეჭდავი სოციალური პროგრესი ამავე დროს მათი ტრადიციული ცხოვრების წესს ძირს უთხრიდა და დასავლურ კულტურაზე დაფუძნებული 'ახალი ირანელის' შექმნის იდეას ემსახურებოდა. წინა საუკუნეების მსგავსად შიიზმი კვლავ საბრძოლო ბაირაღად გადაიქცა, რომელმაც მიზნობრივ აღიანსში სხვადასხვა მიზეზით შესული ადამიანები შეკრიბა. საბოლოოდ, მონარქიისათვის სასიკვდილო ზარი სამღვდელოებამ შემოაკრა.

მუჰამედ რეზა ფაჰლავის პიროვნული ტრაგედია ყოველისმომცველი იყო: შაჰის თვალწინ დასამარდა მის მიერ ნაოლითავები არაერთი გეგმა და პროექტი, რომელიც ირანის სოციალურ-ეკონომიკურ განვითარებას უკავშირდებოდა; ახალმა ხელისუფ-

ლებამ რეზას ნეშტი გაანადგურა, ფაქლავთა მთელი ქონების კონფისკაცია მოახდინა, შაჰს და მისი ოჯახის წევრებს, მათ შორის ძმას, დას და მეუღლეს, სიკედილი მიუსაჯა და მათ მოსაკლავად ნადირობა გამოაცხადა¹⁴; მუჰამედ რეზას მიერ იდეოლოგიზებული ქურუშის ყველაზე დიდი მემკვიდრეობა, 25 საუკუნოვანი სამეფო ინსტიტუტი ისტორიის კუთვნილებად გადაიქცა.

ჩვენ ირანის წმინდა მიწაზე დაეიბადეთ და ბოლოს მისი ნაწილი გაეხდებით¹⁵;

- ამბობდა ის 1976 წელს რეზა შაჰის საფლავთან დინასტიის 50 წლის აღსანიშნავ ცერემონიაზე. მაგრამ ბედი გულმოწყალებე არც ამ საკითხში აღმოაჩნდა. ფარშევანგის ტახტზე ყოფნისას საქვეყნოდ პატივცემულმა შაჰინშაჰმა სიცოცხლის ბოლო თვეები სამშობლოსგან შორს თითქმის ყველასგან ათვალწუნებულ განდევნილად გაატარა. თანაგრძნობას ის ვერც სიკედილის შემდეგ ელირსა: ვაშინგტონში დიპლომატიური სკანდალის მოგვარების იმედად შევებით ამოისუნთქეს, ირანის ქალაქებში კი ზარ-ზეიმი გაიმართა.

¹ აღ-სადათის მიერ კემ-დევედში ისრაელთან სეპარატული სამშვიდობო შეთანხმების ხელმოწერას, რომლის გამო არაბულ სამყაროში ევ-ვიპტე სრულ იზოლაციაში აღმოჩნდა, თეირანი დაუფარავი მოწონებით შეხედა.

² ფარაჟ ფაქლავი, 'მარადიული სიყვარული', გვ.307

³ იქვე, გვ.324

⁴ იქვე, გვ.369

⁵ დ.ჟუკოვი, 'ირანის თავზე ცა ნათელია', გვ.122

⁶ ფერეიდუნ ჰოვეიდა, 'შაჰის დაცემა', გვ.120

⁷ 'ნიუიორკერი', 1978 წლის 18 დეკემბერი

ჟურნალ 'თაიმის' 1979 წლის 10 დეკემბრის გამოცემის თანახმად, შაჰმა ამ მოსახრების სისწორე აღ-სადათთან საუბარში აღიარა: 'ჩემმა მრჩეველებმა ხალხსა და ჩემს შორის კედელი აღმართეს. თავდაპირველად ეს ვერ გაეცნობიერე, მაგრამ, როცა გავიღვიძე, ხალხი უკვე დაკარგული მყავდა'.

⁸ ჯაფარ შარიფ-ემაში, 'მისი უდიდებულესობის სამსახურში', 1999

⁹ აფშინ აფშარი, 'შაჰი და ხალხი', 2005

¹⁰ მუჰამედ რეზა ფაქლავი, 'პასუხი ისტორიას', გვ.24

¹¹ ს.აგაევი, 'ირანი წარსულსა და მომავალს შორის', 1987, გვ.22

¹² 'ვაშინგტონ პოსტი', 1980 წლის 13 იანვარი

დახვრეტები 15 თებერვალს დაიწყო. სიკედილმისჯილთა პირველ ჯგუფში ნასირი, რაბიი და ხოსროუდადი აღმოჩნდნენ. ყველაზე ხმაურიანი განაჩენი ტრიბუნალმა ყოფილ პრემიერ-მინისტრს ამირ აბას მოვეიდას გამოუტანა, რომელსაც ბრალდების 17 პუნქტი აქონდა წაყენე-

ბული. მათ შორის 'დედამიწაზე კორუფციის დათესვა' და 'ღმერთის წინააღმდეგ ბრძოლა'.

¹³ აბულქასან ბანისადრი, 'ჩემი სიტყვა', 1991, გვ.138

¹⁴ პირველი მსხვერპლი აშრაფის შვილი შაჰრიარ შაფიყი აღმოჩნდა, რომელიც 1979 წლის დეკემბერში პარიზის ქუჩაში იქნა მოკლული. საფრანგეთის დედაქალაქში, სადაც ახლა უკვე მოღვებისგან დევნილი პოლიტიკური ემიგრანტები დამკვიდრდნენ, მოგვიანებით თავდასხმების შედეგად გენერალი ღოღამაღი ოვეისი და ექს-პრემიერი შაფურ ბახთიარი დაიღუპნენ.

¹⁵ 'მარადიული სიყვარული', გვ. 262.